

## Kalaallit Nunaanni pinerluttulerinermi inatsit pillugu nalunaarut

Inatsimmik allanngorneri ilangullugit nalunaarutiginninneq nr. 1187, 18. september 2023-imeersoq, inatsimmi nr. 1782,-imi 28. december 2023-imeersumi § 1-mi allannguinerit malitsigisaat ilangullugit, inatsimmi nr. 411, 23. april 2024-imeersumi § 1, inatsimmi nr. 200-imi, 25. februar 2025-imeersumi § 2, inatsimmi nr. 202-imi, 25. februar 2025-imeersumi § 1 malillugit, Kalaallit Nunaanni pinerluttulerinermi inatsit matumuuna nalunaarutigineqarpoq.

### Immikkoortoq siulleq

#### Aalajangersakkat nalinginnaasut

##### Kapitali 1

###### *Inatsisip atuuffii*

###### *Inatsisitigut tunngavissaqarnissamik piumasagaat*

**§ 1.** Inatsisip matuma immikkoortuisa pingajuat malillugu taamaallaat pineqaatissiissutaasinnaavoq iliuuseq, inatsit naapertorlugu pinerluttuliornerusoq imaluunniit tamatumunnga naligititatut isigneqartari-aqartoq.

###### *Inatsisit allat*

**§ 2.** Inatsisip matuma immikkoortua siulleq aamma pingajuat inatsisinik allanik unioqqutitsinerni atuutsinneqassapput, allatut aalajangiisoqarsimannngippat.

###### *Piffissaq atuuffiusoq*

**§ 3.** Inatsit atuutissaq iliuutsinut tamanut, inatsisip atortuulersinneqarnerata kingorna eqqartuussisutigineqartunut. Iliuutsinut inatsisip atortuulersinneqarnissa sioqqullugu iliuuserineqarsimasunut tunngatillugu aalajangiineq inatsisinit siornatigut atuuttuniit sakkortunerussanngilaq.

###### *Eqqartuussisisinnaaffik il.il.*

**§ 4.** Inatsit atuutissaq iliuutsinut Kalaallit Nunaanni, Kalaallit Nunaata silaannakkut killeqarfiaita iluani, Kalaallit Nunaata imartaani imaluunniit angallammi kalaallit pigisaanni iliuuserineqartunut.

*Imm. 2.* Aammattaaq inatsit atuutissaq iliuutsinut inuup Kalaallit Nunaanni nunaqartup sumiiffimmimm. 1-imi taaneqartup avataanniittumi iliuuserisaanut,

- 1) iliuuseq nunap ilaani naalagaaffit innuttanut pisussaaffii naapertorlugit akuerisaasup avataanni ili-uuserineqarpat, imaluunniit
- 2) iliuuseq tamanna sumiiffiup taamaattup iluani iliuuserineqarpat, inatsisit tamaani atuuttut naapertorlugit pillarneqaataasussaalluni.

*Imm. 3.* Aammattaaq inatsit atuutissaaq iliuutsinut sumiiffiup imm. 1-imik taaneqartup avataani iliuuserineqartunut, apeqqutaatinnagu pinerluttoq sumiuunersoq,

- 1) iliuuserisaq § 69-imut ilaappat. Unnerluussummut ilaatinneqarsinnaapputtaaq §§ 86 imm. 1-imik aamma 88-imik unioqqutitsinerit, § 69-imik unioqqutitsinermut atatillugu iliuuserineqartut,
- 2) iliuuserisaq inuiaat arlariit akornanni isumaqatigiisummut attuumassuteqarpat, Danmark isumaqatigiissut taanna naapertorlugu eqqartuussisulersuussisussaatitaalluni, imaluunniit
- 3) pasisap nunami allami eqqartuussisulersuussassanngorlugu tunniunneqarnissaa itigartitsissutigineqarpat aamma iliuuseq, nunap ilaani naalagaaffiit innuttanut pisussaaffii naapertorlugin akuerisaasup iluani iliuuserineqarsimalluni, inatsisit tassani atuuttut naapertorlugin pillarneqaataasussaappat inatsisillu taakku naapertorlugin pineqaatissiissuteqarnernik kinguneqarsinnaappat.

*Imm. 4.* Iliuuserisamut tunngatillugu pinerluttulerinermi inatsisitigut akisussaatitsinissamut iliuutsip kingunera pilersoq imaluunniit siunertarineqartoq aalajangiisuuppat imaluunniit sunniuteqarpat, iliuuserisaq piffimmi, sunniutaasup pilerfigisaani imaluunniit pisussatut siunertaqarfugluartumi, iliuuserineqartutut isigineqassaaq.

*Imm. 5* Imm. 3-mi eqqartorneqartutut pisoqartillugu inatsiseqarnermut ministerip aalajangissavaa unnerluussisoqassanersoq.

#### **§ 5.** § 4 imm. 2 aamma 3 naapertorlugin akisussaatitsisoqarsinnaanngilaq

- 1) pinerluttoq inatsisitigut oqartussaatitaaffiusumit, iliuuseqarfigisimasamini, inaarutaasumik pingitsuutaappat,
- 2) pineqaatissiissut naammassineqarsimappat, ingerlanneqarpat imaluunniit nunap eqqartuussiffiusup maleruagassai naapertorlugin atorunnaarsinneqarsimappat, imaluunniit
- 3) pinerluttoq pisuutinneqarsimappat, pineqaatissiissummik aalajangiisoqarani.

**§ 6.** Inuk, naalagaaffimmi allami iliuutsimut tamatumunngarpiaq pineqaatissinneqarnikuusoq, eqqartuussisulersuunniarneqarpat, inatsit manna naapertorlugu pineqaatissiissuteqarnermi tamanna isi-giniarneqassaaq.

**§ 7.** Pinerluttoq Kalaallit Nunaanni nunaqanngippat imaluunniit taassuma inuiaqatigiinnut kalaallinut atassuteqarnera ima kaanngalatigippat inatsisip matuma pineqaatissiissutissartaanik atuinissamut tunngavissaasut atuunnatik, suliassaq suliassanngortinneqarsinnaavoq imaluunniit Danmarkimi eqqartuussisulersuussassanngortillugu innersuussutigineqarsinnaavoq.

**§ 8.** Malittarisassanik §§ 4-mi aamma 7-miittunik atuinissaq atuuttussaanngiffinnit, naalagaaffiit innuttanut pisussaaffiinit akuerisanit, annikillilerneqarpoq.

## Kapitali 2

*Allatut ajornartumik illersuisariaqalerneq aamma illersuisinnaatitaaneq*

*Allatut ajornartumik illersuisariaqalerneq*

**§ 9.** Inunnut allatut ajornartumik illersuisariaqalerlutik iliuuseqarsimasunut inatsisip matuma pineqaatissiissutissartai atorneqassanngillat, saassunneqarneq imaluunniit pissutissaqanngitsumik saas-sunniarneqarluinnalerneq akiorniarlugu imaluunniit pinngitsoortinniarlugu iliuuseqarnerit pisariaqar-

simappata aamma taamaaliorneq saassussinerup navianassusianut, saassussisup inuttaanut saassunne-qartullu inatsisitigut illersugaanerata pingaaruteqassusianut naleqqiullugu illersorneqarsinnaappat.

*Imm. 2.* Inatsisit malillugit allatut ajornartumik illersuisariaqalernermut killissarititaasunik qaa-ngiisoqarpat inatsisip matuma pineqaatissiissutissartai atorneqassanngillat, qaangiineq annilaarnermik imaluunniit kamaamernermik, saassussinerup pilersitaanik, naleqquttumik patsizeqarpat.

*Imm. 3.* Malittarisassat assingusut atuupput iliuutsinut, inatsisit malillugit peqqussutit malinne-qartinniarlugit, inatsisit malillugit inummik tigusarinninniarluni imaluunniit tigusaq imaluunniit inuk pinngitsaalillugu inissitaq qimaanissaanut akornusernialugu inatsisinut naapertuuttumik periuseqarluni iliuuserisariaqakkanut.

### *Illersuisinnaatitaaneq*

**§ 10.** Inatsisip matuma pineqaatissiissutitai atuutinngillat inunnut pisariaqartunik iliuuserineqarsi-masunut inummik imaluunniit pigisanik ajoqsiinissamik aarlerinartorsiorneq pinngitsoortinniarlugu, inatsisinik unioqqutitsineq pingaaruteqarpallaanngitsutut isigineqartariaqarpat.

### Kapitali 3

#### *Mianersuaalliorneq, iliuuseqariaraluarneq aamma peqataaneq*

#### *Mianersuaalliorneq*

**§ 11.** Mianersuaalliorneq inatsisinik unioqqutitsinerni inatsimmi matumani taagorneqartuni pine-qaatissineqarnermik taamaallaat kinguneqarsinnaavoq, tamanna inatsisitigut immikkut tunngavissa-qarpat. Inatsisinik allanik unioqqutitsinernut tunngatillugu pineqaatissiisoqarsinnaavoq, aamma unioq-qtutitsineq mianersuaalliorakkut pisimappat, taamaassananili akerlia inatsisitigut immikkut tunnga-vissaqarpat.

*Imm. 2.* Pinerlunneq eqkartugaq aalajangersimasumik kinguneqarpat piaarinani pisimasumik, aalajangersagaq pineqartoq naapertorlugu atsaat akisussaatisisoqassaaq pisimasup kingunera pineqar-tup mianersuaallioreratut naatsorsuutigineqarsinnaappat.

#### *Iliuuseqariaraluarneq*

**§ 12.** Iliuutsit, pinerluuteqarnissamut siuarsasut imaluunniit naammassisitsiniaasut, pinerluute-qarniarneq naammassineqarsimanngippat, iliuuseqariaraluarneratut isigineqassapput inatsisillu aala-jangersagartaannut ilaatinneqassallutik.

#### *Peqataaneq*

**§ 13.** Inatsisinik unioqqutitsinermut atatillugu aalajangersagaq atutissaaq kikkunnullounniit, kajumissaarinermikkut, siunnersuinermikkut iliuuseqarnermikkullu iliuuseqaqataasimasunut.

*Iliuuseqariaraluarnermiit aamma iliuuseqariaraluarnermut peqataanermiit tunuarneq*

**§ 14.** Inatsisip matuma pineqaatissiissutissartai atuutinngillat pinerluttoq nammineq piumasutsiminik, iliuuseqarnissamullu nalaatsornikkut akornutinik imaluunniit siunertarisap tamatumap anguneqarnissaanit pissuteqarani, tunuarpat imaluunniit naammassinninnissamik akornusiippat imaluunniit iliuuseqarpat, naammassinninnissamik akornusiisussaasimagaluartumik, tamanna pinerluttup nalusaanik iluatsinngitsoorsimappat imaluunniit allatut akornuserneqarsimalluni.

**§ 15.** Inatsisip matuma pineqaatissiissutissartai atuutinngillat inummut peqataasumut, pineqartoq § 14-imi piumasaqaatit taagorneqartut atuutsillugit iliuutsip naammassineqarnissaanik akornusiisimappat imaluunniit iliuuseqarsimappat, pinerlunnermik akornusiisussaasimagaluartunik, tamanna pinerluttup nalusaanik iluatsinngitsoorsimappat imaluunniit allatut akornuserneqarsimalluni.

#### Kapitali 4

*Ukiukitsuuneq*

**§ 16.** Iliuutsit meeqqanit 15-it inorlugit ukiulinnit iliuuserineqartut inatsit manna naapertorlugu pineqaatissiinermik kinguneqarsinnaanngillat.

#### Kapitali 5

*Inatsisitigut pisinnaatitaasunut pisussaatitaasunullu pinerluttulerinermi inatsisitigut akisussaaneq*

**§ 17.** Inatsisitigut pisinnaatitaasoq pisussaatitaasorlu inatsimmi matumani aalajangersakkamik unioqquqtsinermut akiliisussangortinneqarsinnaavoq. Taamaattoqassaartaaq inatsisinik allanik unioqquqtsinermut, tamanna inatsimmi imaluunniit inatsit naapertorlugu aalajangerneqarsimappat.

**§ 18.** Ingerlatseqatigiiffinnut il.il. pinerluttulerinermi inatsisitigut akisussaaneq pillugu aalajangersakkani pineqarput, allamik aalajangiisoqarsimatinngu, inatsisitigut pisinnaatitaasoq pisussaatitaasorlu kinaluunniit, aamma aktieselskabit, anpartsselskabit, andelsselskabit, interessentskabit, peqatigiit, aningaasaateqarfii, pigisat, kommuunit, Namminersornerullutik Oqartussani pisortaqarfiiit aamma naalagaaffimmi pisortaqarfiiit.

*Imm. 2.* Aammattaaq aalajangersakkani pineqarput suliffiit inummit ataatsimit pigineqartut, taaku ingammik angissutsimikkut aaqqissuussaanermikkullu ingerlatseqatigiiffinnut imm. 1-imi taagorneqartunut sanilliunneqarsinnaappata.

**§ 19.** Inatsisitigut pisinnaatitaasumik pisussaatitaasumillu pinerluttulerinermi inatsisitigut akisussaatitsisoqassappat unioqquqtsineq taassuma suliffiata iluani piliarineqarsimassaaq, inuk ataaseq arallilluunniit inatsisitigut pisinnaatitaasumut pisussaatitaasumullu atassuteqartut pisuutinneqarsinnaappata imaluunniit inatsisitigut pisinnaatitaasoq pisussaatitaasorlu nammineq. Iliuuseqariaraluarnernut tunngatillugu § 12 taamatulli atuutissaqaq.

*Imm. 2.* Naalagaaffimmi pisortaqarfinnik, Namminersornerullutik Oqartussani pisortaqarfinnik aamma kommuninik pinerluttulerinermi inatsisitigut akisussaatitsisoqassappat unioqquqtsineq, inu-

innaat iliuusaannut assingusoq imaluunniit tamatumunnga sanilliunneqarsinnaasoq, piliarineqarsimas-saaq.

## Kapitali 6

### *Unnerluussut*

#### *Pisortatigoortumik imaluunniit inuinnarnit unnerluussut*

§ 20. Inatsimmik matuminnga unioqqutitsinerit pisortatigoortumik unnerluussutaassapput, taamaattorli tak. imm. 2.

Imm. 2. § 99-imik unioqqutitsineq inuinnarnit unnerluussutaassaaq. Taamaattoq innarligaasup qinnuteqarneratigut pisortat unnerluutiginnissinnaapput

- 1) suliani sakkortuumik pasisaaneq eqqortuunngippat,
- 2) suliani pisuutitsineq tusagassiuit amerlasuunniit atuarneqartartut imaasigut saqqummiunneqarsimappat imaluunniit siaruaanneqarluni, pasisaanerlu innarligaasumik annertuumik ajoquisiisinnaappat,
- 3) suliani inuk pissutsimik pisortani atorfimminik suliaminilluunniit annaasaqassutigisinnaasaanik pasisaappat, imaluunniit
- 4) suliani, sakkortuumik pasinninneq kinaassutsimik isertuussilluni siaruaanneqarsimappat.

### *Unnerluussuteqarnissamut piffissaliussat*

#### **§ 21. Unnerluussuteqartoqassanngilaq,**

- 1) akiliisitsineq imaluunniit arsaarinninneq taamaallaat eqqartuussissutigineqarsimassagaluarpat aamma unioqqutitsinerup soraarunneqarneraniit ukiut marluk ingerlareersimappata, taamaattoqassanganilarli pisortanut akileraarutit akitsuutilu pillugit aalajangersakkanik unioqqutitsisoqarsimappat, taamaaliornikkut pisortanut akiligassat akilernaveersaarniarneqarsimallutik, imaluunniit
- 2) inatsisinik unioqqutitsinermiit piffissaq ima sivisutigisoq qaangiussimappat inatsimmi matumani immikkoortut pingajuat malillugu pineqaatissiissutinik aallarniinissaq tunngavissaqarunnaarsimasutut nalilerneqarluni.

Imm. 2. Taamaattorli imm. 1, nr. 1, oqaaseqatigiit siulliit inatsisitigut pisinnaatitaasunut pisussaatitaasunullu atuutissanngillat.

Imm. 3. Pinerluttulerinerimi inatsisitigut akisussaatitsinissaq pisup kinguneranit imaluunniit kingusinnerusukkut pisumit allamit aalajangerneqarpat imaluunniit sunnerneqarpat, piffissaliussaq aatsaat naatsorsorneqassaaq kingunerup imaluunniit pisup aallartinneraniit.

Imm. 4. Eqqartuussisuusut naliliippata imm. 1 naapertorlugu unnerluussuteqartoqarsimasariaqangikkaluartoq unnerluutigineqartoq pinngitsuutissavaat.

Imm. 5. Pineqartoq unnerluutiginninneq pillugu ilisimatinneqarpat, imaluunniit suliassamik eqqartuussisutigoortumik suliariinninnissaq aalajangiinissarlu pillugit alloriartoqarnissaanik unnerluussisussaatitaasut noqqaassuteqarpata, tamatumuna pineqartoq unioqqutitsineq pillugu unnerluunneqarluni, unnerluussuteqarnissamut piffissaliussaq unitsinneqassaaq. Inatsisitigut pisinnaatitaasup pisussaatitaasullu akisussaanera pillugu, eqqartuussisarnermik inatsimmi § 135 malillugu inatsisitigut pisinnaatitaasoq pisussaatitaasorlu sinnerlugu inummut nalunaarutiginnernernik tigusisinnaasumut, unnerluussuteqarnissamut piffissaliussaq unitsitsineqarsinnaavoq

Imm. 6. Malersuineq taamaatiinnarneqarpat, tamanna pillugu aalajangiineq naalagaaffiup eqqartuussisuserisuanit allanngortinnejqaranilu allanngortitsinissamut piffissaliussaq tamanut atuttoq qaa-nagiutsinnagu, unnerluussuteqarnissamut piffissaliussaq ingerlaannassaaq, soorluli malersuisoqarsiman-ngitsoq. Tamanna aamma atuuppoq malersuineq piffissami aalajangigaanngitsumi unitsinneqarpat.

Unitsitsineq pasisap malersuinermik ingalassimanninniarneranik pissuteqarpat piffissaq malersuiner-  
mut atorsimasaq unnerluussuteqarnissamut piffissaliussamik naatsorsuinermi ilanngunneqassanngilaq.

**§ 22.** Inuinnaap unnerluussuteqarsinnaanera aamma pisortat unnerluussinissaannut piumasaqarneq atorunnaassaaq taamaaliornissamut pisinnaatitaasoq eqqartuussivikkut suliassanngortitsinngippat, imaluunniit eqqartuussissutigitinniagaqanngippat pineqartup suliassiinissaminut imaluunniit unnerluussummik eqqartuussissutiginiakkaminik naammattumik tunngavissaqarluni ilisimasaqalerneraniit kingusinnerpaamik qaammatit arfinillit qaangiunneranni.

*Imm. 2.* Unnerluussuteqarnissamut pisinnaatitaasut arlaliuppata imaluunniit pisuutitassat arlali-  
uppata taakkua tamarmik immikkut piffissaliussamik naatsorsuiffigineqassapput. Pisuuut ilaannut tamanut pisortat unnerluutiginninnissaannik piumasaqarnissamut piffissarititaasoq qaangerneqarsimappat, kisianni pisuusunut sinnerinuunngitsoq, taamaattoq unnerluussisussaatitaasut aalajangiinissaat apequtaassaaq, taakkununnga unnerluutiginninnissaamut piumasaqarneq aamma ingerlanneqassanersoq.

*Imm. 3.* Inuinnaap unnerluussuteqarsinnaanera imaluunniit pisortat unnerluutiginninnissaannut piumasaqarneq atorunnaassaaq pinerlineqartup toquneraniit qaammatit arfinillit ingerlasimappata.

*Imm. 4.* Suliaq inuinnaap unnerluussutigineqarsimappat pinerluttulerinermi inatsisitigut akisu-  
saatitsinissaq pillugu piumasaqaat malillugu aalajangiinermik kinguneqanngippat piffissaliussaq inger-  
laannassaaq, taamaalliluni piffissaq malersuiffiusimasoq ilanngullugu naatsorsorneqassanani.

*Imm. 5.* Aalajangersakkat imm. 1-4-miittut aamma atuutissapput inatsisitigut malitseqartitsissuti-  
nut § 99, imm. 5-imi eqqartorneqartunut tunngatillugu, taamaattorli ukiut pingasut pisoqalisoornissamut piffissaliunneqassapput.

## **Immikkoortut aappaat**

### **Pinerluutit ataasiakkaat**

#### **Kapitali 7**

##### *Naalagaaffiup namminersorneranut isumannaatsuuneranullu pinerluutit*

#### **§ 23. Nunagisamik killuussisutut eqqartuunneqassaaq**

- 1) kinaluunniit, naalagaaffiup namminersorneranik imaluunniit pinngitsaalineqarani aalajangiisinnaas-  
suseqarneranik innarliinissamik siunertaqarluni iliuseqartoq imaluunniit akeqqersimaartitsilersoq,  
aamma kinaluunniit sorsunnerup imaluunniit tiguagaanerup nalaani imaluunniit taamatut pisoqaq-  
qajaanerani akeqqamik siunnersuilluni iliuseqarlunilu ikuusoq,
- 2) kinaluunniit, naalagaaffik sinnerlugu naalagaaffimmik allamik isumaqtiginninniarsinnaatitaalluni  
aalajangiisinnaatitaalluniluunniit imminut suliassiissutigineqartunik suliaqarnermini naalagaaffiup  
iluaqtissaata akerlianik iliuseqartoq, aammal
- 3) kinaluunniit, naalagaaffiup akeqqanit tiguarsimaneqarnerata nalaani tiguaasimasunut atassuteqarf-  
ginninnermik atornerluisimasoq imaluunniit atornerluiniarsimasoq nammineq imaluunniit aningaa-  
satigut iluanaarutissaqaatiginiarlugu.

#### **§ 24. Kiltsissiatut sulinermut eqqartuunneqassaaq**

- 1) kinaluunniit, naalagaaffimmi allami imaluunniit naalagaaffiup allap aaqqissuussaani atorfeararluni  
imaluunniit inuit taamatut atorfeararlut atugassaannik pissutsink naalagaaffiup inuiaqtigilliunniit  
soqtigisaat isumaginiarlugit isertutassaasunik paasisassarsiortoq imaluunniit ilisimatitsisoq,  
aamma
- 2) kinaluunniit, naalagaaffiit allat isertortumik paasiniaasartuinik naalagaaffiup iluani sulisinnaaler-  
sitseqataasoq.

**§ 25.** Nunagisaminik ajoqusiiniartutut eqqartuunneqassaaq kinaluunniit, suliassani naalagaaffiup isumannaatsuuneranut imaluunniit naalagaaffinnut allanut tunngatillugu pisinnaatitaaffiinut tunngasuteqartuni imaluunniit suliassani inuiqaqtigijit aningaasaqarnikkut nunani allani soqutigisaannut anertuunut tunngassuteqartuni naalagaaffiup isumaqatigiissutissatut piareersaatai isertuussat, siunnersiqatigiinneri imaluunniit aalajangiineri pillugit paasissutissanik piaaraluni mianersuaalliorluniluunniit killuutiginnittooq imaluunniit ingerlatitseqqiisoq, aamma kinaluunniit allagartamik upernarsaammik imaluunniit pigisamik sumilluunniit, naalagaaffiup isumannaatsuuneranut imaluunniit naalagaaffinnut allanut tunngatillugu pisinnaatitaaffiinut pingaarutilimmik, piaaraluni imaluunniit mianersuaalliorluni peqquserlulluni allanngortitsisoq, aseroterisoq imaluunniit piiasoq.

*Imm. 2.* Naalagaaffiup illersorneqarnissaanut akerlilersuisutut eqqartuunneqassaaq kinaluunniit taamaaliornissamut akuersisummik pisariaqartumik pigisaqarani illersornissamut sakkutooqarfinni sanaartukkanik tamanit orninneqarsinnaanngitsunik piaaraluni mianersuaalliorluniluunniit allaaserinnittooq, assiliisoq imaluunniit allatut ittumik iliuuseqarluni assilisaqartoq, imaluunniit allaaserisanik assilisanilluunniit taamaattunik amerlasunngortitsisoq imaluunniit tamanut saqqummiussisoq.

**§ 26.** Naalagaaffiup nunanut allanut pissussaaffiinik ajoqusiisutut eqqartuunneqassaaq kinaluunniit, aalajangersakkanik inerteqqutinilluunniit, inatsit naapertorlugu naalagaaffiup Naalagaaffinnut Peqatigiinnut ilaasortaasutut pisussaaffiinik naammassiniaaneranut atuuttussanngortitanik, piaaraluni mianersuaalliorluniluunniit unioqqutitsisoq.

## Kapitali 8

*Nunap naalakkersuinikkut aaqqissuussineneranut naalagaaffimmilu oqartussaasunut qullersanut pinerluuit, peqqarniisaarniarneq il.il.*

**§ 27.** Pikitsitsisutut eqqartuunneqassaaq kinaluunniit, pissaanermik atuinikkut imaluunniit siorasaarinikkut iliuuseqartoq, naalakkersuinikkut aaqqissuussinenerup allanngortinneqarnissaannik imaluunniit atorunnaarsinneqarnissaannik siunertaqartumik imaluunniit Folketingip imaluunniit Inatsisartut akornusersugaanatik suliaminnik suliaqarsinnaanerannik akornusiiniarluni iliuuseqartoq.

**§ 28.** Peqqarniisaarniartutut eqqartuunneqassaaq kinaluunniit, nunap inuinik annilaartitserujussuarialuni imaluunniit eqqunngitsumik pissuseqarluni Kalaallit Nunaanni, Danmarkimi, Savalimmiuni imaluunniit nunani allani pisortanik imaluunniit naalagaaffiit akunnerminni suleqatigiiffiannik pinngitsaaliilluni iliuuseqartitsiniarluni imaluunniit iliuuseqanngitsoortitsiniarluni imaluunniit nunap imaluunniit naalagaaffiit akunnerminni suleqatigiiffiata politikkikkut, naalakkersorneqarnikkut, aningaasaqarnikkut imaluunniit inuiqaqtigijittut ilusilersorneri qajannaallisarniarlugit aserorniarlugilluunniit iliuutsit ataaniittut arlaannik ataatsimik arlalinnilluunniit naammassisqartoq, iliuuseq ilusimigut imaluunniit piliarineqarami ataqtigijinnermigut nunamik imaluunniit naalagaaffiit akunnerminni suleqatigiiffiannik annertuumik ajoqusiisinhaappat:

- 1) Toqtsineq § 86 imm. 1 naapertorlugu.
- 2) Nakuuserneq peqqarniitsoq § 88, oqaaseqatigijit siullit naapertorlugit.
- 3) Kiffaanngissusiianeq § 92, oqaaseqatigijit siullit naapertorlugit.
- 4) Angallannermi ataatsimoorussamik angallatit nalinginnaat il.il. ingerlanneqarnerannik piaaraluni ajoqusersuineq § 67, imm.1 naapertorlugu, imaluunniit § 113, imm. 1 naapertorlugu piaaraluni annertuumik aseroterineq, inatsisink unioqqutitsinerit tamakku imatut pippata inuit inuunerannik navialisitsillutik imaluunniit aningaasarpaalussuarnik ajunaaruteqartitsillutik.
- 5) Angallannermi angallatinik tiguaaneq § 69 naapertorlugu.
- 6) Sakkut pillugit Kalaallit Nunaannut inatsimmik unioqqutitsinerit peqqarniitsut.

- 7) Peqqarniitsumik aamma piaaraluni ikuallatsitsineq § 65, imm. 1 naapertorlugu, qaartitsineq, silaannaat aksuunik ajoqsiisinnasunik siaruaaneq, qarsutsineq, umiinarneq imaluunniit angallatinik ajutoorneq alla § 66-imik oqaaseqatigiit siulliit naapertorlugit, imermik pilersuinerlik piaaraluni saassussineq § 67, imm. 2 naapertorlugu, piaaraluni peqqissutsimullu navialisitsumik pigisanik mingutsitsineq tamanut siammaattussanngortussatut siunertaasoq il.il. § 64, imm. 3 napertorlugu.
- 8) § 68 naapertorlugu sananeqaatinik radioaktiviusunik il.il. pigisaqarneq imaluunniit atuineq.

*Imm. 2.* Taamatorpiaq eqqartuunneqassaaq kinaluunniit, imm. 1-imik taaneqartutut siunertaqarluni sakkunik imaluunniit qaarsinnaasunik angallassisooq.

*Imm. 3.* Aammattaaq taamatorpiaq eqqartuunneqassaaq kinaluunniit, imm. 1-imik taaneqartutut siunertaqarluni iliuutsink imm. 1-imik 2-milu taaneqartunik iliuuseqarniarluni sioorasaarisoq.

**§ 29.** Peqqarniisaarniarnermut attuumassuteqartumik iliuuseqarsimasutut eqqartuunneqassaaq kinaluunniit, iliuuseq § 28-mi ilanngunneqarsimannngikkaluartoq, nr. 1-imii 6-imut taaneqartut arlaan-nik iliuuseqartoq.

- 1) § 65, imm. 1-imik, §§ 66, 67-imik imaluunniit § 69-imik, § 86, imm. 1-imik, §§ 88, imaluunniit § 89-imik, § 90, imm. 2-mik, §§ 96-imik, 112-imik, imaluunniit § 112, imm. 1-imik unioqqutitsineq, iliuuserisaq tassaasimappat silaannakkut angallatinik inatsisinik unioqqutitsinikkut tiguaaniartarnerlik akiuiniarneq pillugu isumaqatigiisummi 16. december 1970-imeersumi artikel 1-imik unioqqutitsineq, inuinnaat silaannakkut isumannaatsumik angallanneqartarnissaannik inatsisinik unioqqutitsinikkut navialisitsinissamik akiuiniarneq pillugu isumaqatigiisummi ulloq 23. september 1971-imeersumi artikel 1-imik unioqqutitsineq imaluunniit tassaasimappat mittarfinni, nunat tamalaat akornanni inuinnarnik silaannakkut angallassisunik sullisisuni, inatsisinik unioqqutitsinikkut nakuuserniartarnerlik akiuiniarneq pillugu isumaqatigiisutigisami

24. februar 1988-imeersuni artikel II-mik unioqqutitsineq.

- 2) § 65, imm. 1-imik, § 66-imik, § 67, imm. 1-imik, § 86, imm. 1-imik, §§ 88-imik, imaluunniit 89-imik, § 90, imm. 2-mik, § 91-imik, § 92, oqaaseqatigiinni siullernik, § 98-imik, imaluunniit § 113, imm. 1-imik unioqqutitsineq, iliuuserisaq tassaappat inuit nunat tamalaat akornanni immikkut illersugaasut, matumanil anngunneqarlutik naalagaaffiup sinniisuisut aallartitat, pinerluffigineqarnissaannik pinaveersaartsineq pillugu pinerluffiginninnernullu pillaatissiisarnerit pillugit isumaqatigiisummi 14. december 1973-imeersumi artikel 2-mik unioqqutitsineq.

- 3) § 92-imik oqaaseqatigiinni siullernik unioqqutitsineq, iliuuserisaq tassaappat sallunaveeqqutitut tiguaasarnermik akiuinianeq pillugu nunat tamalaat akornanni isumaqatigiisummi 17. december 1979-imeersumi artikel 1-mik unioqqutitsineq.

- 4) § 65, imm. 1-imik, § 66-imik, § 67, imm. 2-mik, § 68-imik, § 86, imm. 1-imik, §§ 88-imik, 91-imik, 98-imik, 102-mik, 104-mik, 105-imik, 106-imik, 108-mik, 112-imik, imaluunniit 113, imm. 1-imik unioqqutitsineq, iliuuserisaq tassaappat atomimik atortussianik timitalimmik illersuinissaq pillugu IAEA-isumaqatigiisummi 26. oktober 1979-imeersumi (Nunat tamalaat akornanni atomimik nukissiuuteqarneq pillugu isumaqatigiisut) artikel 7-imik unioqqutitsineq.

- 5) § 65, imm. 1-imik, §§ 66-imik, 67-imik imaluunniit § 69-imik, § 86, imm. 1-imik, § 88-imik imaluunniit § 90, imm. 2-mik, §§ 91-imik, 98-imik, 112-imik imaluunniit § 113, imm. 1-imik unioqqutitsineq, iliuuserisaq tassaappat imaatigut angallannerlik isumannaatsuutitsinissamut akerliusumik inatsisinik unioqqutitsilluni iliuutsink akiuinissaq pillugu isumaqatigiisummi 10. marts 1988-imeersumi artikel 3-mik unioqqutitsineq imaluunniit tassaappat qillerivit immap naqqani nunavimmut aalajangersukkut isumannaatsuunissaannut inatsisinik unioqqutitsisarnermik akiuiniarneq pillugu isumaqatigiisummi 10. marts 1988-imeersuni artikel 2-mik unioqqutitsineq.

- 6) § 52, imm. 1-imik, §§ 66-imik, 67-imik, 69-imik, § 86, imm. 1-imik, §§ 88-imik, 89-imik, § 90, imm. 2-mik, § 94 imaluunniit § 113, imm. 1-imik unioqqutitsineq, iliuuserisaq tassaappat

peqqarniisaarluni qaartartumeerisarnernik akiuiniarneq pillugu nunat tamalaat akornanni isumagatigiissummi 15. december 1997-imeersumi artikel 2-mik unioqqutitsineq.

**§ 30.** Peqqarniisaarnermik imaluunniit iliuutsinik tamatumunnga attuumassuteqartunik aningaasalersuisutut eqqartuunneqassaaq kinaluunniit

- 1) aningaasatigut toqqaannartumik toqqaannanngitsumilluunniit tapersersuisoq,
- 2) aningaasanik toqqaannartumik toqqaannanngitsumilluunniit pissarsiorloq imaluunniit katersuiniasitsisoq, imaluunniit
- 3) aningaasanik, pisuussutaatinik allanik imaluunniit aningaasatigut assigisaatigulluunniit toqqaannartumik toqqaannanngitsumilluunniit atugassaqartitsisoq
- 4) inummut, eqimattanut imaluunniit peqatigiinnut § 28-mi imaluunniit § 29-mi taaneqartunik iliuuseqartunut imaluunniit iliuuseqarniartunut.

**§ 31.** Peqqarniisaarniaqatissaminik ilassarsiortutut imaluunniit tamatumunnga attuumassuteqartumik iliuuseqartutut eqqartuunneqassaaq kinaluunniit, iliuutsinik § 28-mi imaluunniit 29-mi taaneqartunik iliuuseqartitsisimasoq imaluunniit iliuuseqartitsiniarsimasoq imaluunniit eqimattanut imaluunniit peqatigiinnut ilanngutsitsisimasoq, eqimattat imaluunniit peqatigiit taamatut iliuuseqarnissaannik kaammattorniarlugit.

*Imm. 2.* Taamatorluinnaq eqqartuunneqassaaq kinaluunniit, iliuutsinik § 30-mi taaneqartunik iliuuseqartitsisimasoq imaluunniit iliuuseqartitsiniarsimasoq imaluunniit eqimattanut imaluunniit peqatigiinnut ilanngutsitsisimasoq, eqimattat imaluunniit peqatigiit taamatut iliuuseqarnissaannik kaammattorniarlugit.

*Imm. 3.* Taamatuttaaq eqqartuunneqassaaq kinaluunniit, iliuutsinik § 28-mi imaluunniit § 29-mi taaneqartunik iliuuseqarnissamut ilassariaritissimasoq.

**§ 32.** Peqqarniisaarnissamut ilinniartitsisutut imaluunniit tamatumunnga attuumassuteqartumik iliuuseqartutut eqqartuunneqassaaq kinaluunniit, inummik sungiusaasoq, ilitsersuisoq imaluunniit allatut iliorluni ilinniartitsisoq iliuutsinik § 28-mi imaluunniit 29-mi taaneqartunik iliuuseqartitsiniarluni imaluunniit iliuuseqarnissamut kaammattuisoq, naak ilisimagaluarlugu inuup ilisimalikkani siunertamut tamatumunnga atussamaarai.

*Imm. 2.* Taamatorluinnaq eqqartuunneqassaaq kinaluunniit, inummik sungiusaasoq, ilitsersuisoq imaluunniit allatut iliorluni ilinniartitsisoq iliuutsinik § 30-mi taaneqartunik iliuuseqartitsiniarluni imaluunniit iliuuseqarnissamut kaammattuisoq, naak ilisimagaluarlugu inuup ilisimalikkani siunertamut tamatumunnga atussamaarai.

*Imm. 3.* Taamatuttaaq eqqartuunneqassaaq kinaluunniit iliuutsinik § 28 -mi imaluunniit § 29-mi taaneqartunik iliuuseqarnissaq siunertalarlugu sungiusartittoq, ilitsersortittoq allatulluunniit ilinniartinneqartoq.

**§ 33.** Peqqarniisaarnermut peqataasutut eqqartuunneqassaaq kinaluunniit, inuup, eqimattat imaluunniit peqatigiit, §§ 28-mi, 29-mi, 30-mi, 31-mi imaluunniit 32-mi taaneqartunik iliuuseqartut imaluunniit iliuuseqassamaartut, sulissutiginninnerannik iluaqusersuisoq.

**§ 34.** Peqqarniisaarnermut inatsisit unioqqutillugit ikiuisutut eqqartuunneqassaaq kinaluunniit, iliuuseq §§ 28-33-mi taaneqartunut ilaanggikkaluartoq, immikkoortoqatigiinnut, eqimattanut imaluunniit peqatigiinnut, nakuuserlutik pisortat susassaqarfiinut sunniuteqarnissaminnik imaluunniit inuiqatigiit aaqqissuussaanerannik akornusiiniarlutik siunertaqartunut, peqataasoq imaluunniit aningaasatigut annertuumik ikuusoq imaluunniit allatigut annertuumik ikuisoq.

**§ 35.** Sakkutooqarnikkut inatsisinik unioqqutitsilluni suliaqarnermut eqqartuunneqassaaq

kinaluunniit, iliuuseq §§ 28 - 34-mi taaneqartunut ilaangikkaluartoq, inatsisinut akerliusumik sakkutooqarnerup tungaatigut aaqqissuussaanermut imaluunniit eqimattanut peqataasoq.

**§ 36.** Qinersinermik innarliisutut eqqartuunneqassaaq kinaluunniit Folketingimut, Inatsisartunut imaluunniit siunersuisoqatigiinnut kommunineersunut pisortaniilluunniit allaneersunut imaluunniit pisortanut qinersinermik akornusiisoq, imaluunniit qinersinerup inerneranik allanngortitsisoq imaluunniit kisitsinermik ajornarsitsitsisoq.

*Imm. 2.* Taamatut eqqartuunneqassaaq kinaluunniit taamatut pisinnaatitaanani qinersinermi imm. 1-im i taaneqartumi taaseqataasoq imaluunniit allanik taaseqataatitsisoq.

*Imm. 3.* Pinerluummut tamatumunngarpiaq eqqartuunneqassaaq kinaluunniit qinersiniaraluartumik peqquserlunnikkut qinersinngitsoortitsisoq, imaluunniit taassuma taasineranik atorsinnaajunnaartitsisoq imaluunniit siunertaasumiit allaanerulersitsisoq, aamma kinaluunniit qinersinermi qullersatut inissitaanermiinik atormerluisoq imaluunniit pisuussutitigut iluaqtissanik tunisisoq, neriorsuisoq neqerooruteqartorluunniit inuup aalajangersimasumik qinersinissaa imaluunniit qinersinnginnissaa sunniuteqarfingiarlugu, aamma kinaluunniit taamatorpiaq pissuteqarluni iluaqtissamik tigusaqartoq.

## Kapitali 9

### *Pisortat oqartussaatitaannut pinerluttuliornerit*

**§ 37.** Pisortat oqartussaatitaannik narrunarsaasutut eqqartuunneqassaaq kinaluunniit nakuuserluni imaluunniit nakuusernissamik siorasaaraluni imaluunniit asissuilluni, oqaasipilulluni imaluunniit allatut ajuallaataasumik oqalulluni saassussisoq inummik, pisortani kiffartuumminik imaluunniit suliassaminik imaluunniit tamakkununnga atatitamik suliaqartilluni iliuuseqarnissaminut pisussaaffeqartumik.

**§ 38.** Akiliilluni peqquserlutsitsiniartutut eqqartuunneqassaaq kinaluunniit, taamatut iliorsinnaatitaanani inummut kalaallit, savalimmiormiut, qallunaat, nunat allamiut imaluunniit naalagaaffiit pisortaannik kiffartuussisumut atorfeqartitamulluunniit tunissuteqarnissaminik allatulluunniit iluaqtissiinissaminik neriorsuisoq imaluunniit neqerooruteqartoq, pineqartoq kiffartornerani arlaannik iliuuseqartinniarlugu iliuuseqanngitsoortinniarluguluunniit.

**§ 39.** Inatsisinik maleruaasitsiniarnermik innarliisutut eqqartuunneqassaaq kinaluunniit,

- 1) inummik tiguakkamik, tigummigallarneqartumik imaluunniit pinngitsaalillugu inissitamik aniguisitsisoq aamma kinaluunniit, inuup taamaattup qimaanissaanut kajumissaarisooq ikiuisorluunniit imaluunniit qimaasumik toqqorsimatitsisoq, aamma kinaluunniit inatsisinik unioqqutitsilluni inummik taamaattumik atassuteqarfinginnittoq,
- 2) inummik pinerlussimasumik persarinninnaveersaartitsisoq imaluunniit pineqaatissiissutaasimasup pineqartumut aallarnerneqarnissaanik akornusiisoq, toqqorsimatillugu imaluunniit qimaanissaanik ikiorgulu, imaluunniit
- 3) pigisanik pisortat misissuinissaannut pingaaruteqartunik aserorterisoq, allanngortitsisoq imaluunniit piaasoq imaluunniit pinerluummut takussutissanik suujunnaartitsisoq.

*Imm. 2.* Taamaattorli imm. 1, nr. 2 aamma nr. 3 naapertorlugit akisussaatinneqassanngilaq kinaluunniit imminut qaniginerpaasamiluunniit arlaannik persarinninnaveersaartitsisoq.

**§ 40.** Nunagisap illersorneqarnissaanut aaqqissuussinermik akerlilersuisutut eqqartuunneqassaaq kinaluunniit sakkutuujusussaatitap sakkutuunngungitsoorneranut pisooqataasoq, imaluunniit sakkutuujusussat imaluunniit inuit sakkutooqarnikkut illersuinissamut ilaasut naalaalliornissaannut kajumissaarisooq.

**§ 41.** Qinersinerup isertuunneqarnissaanik aamma pisortani isumaqatigiinniarnerit allanut

tusartinneqannginnissaannik ajoqusiisutut eqqartuunneqassaaq kinaluunniit qinersinermi iliuutsinik taasinernillu, § 36-mi eqqartorneqartunik, imaluunniit pisortani isumalioqatigiissitat pisortalluunniit isumaqatigiinniutaannik allanut tusarliuteequsaanngitsumik taamatut pisinnaatitaanani tamanut nalunaaruteqartoq.

**§ 42.** Pisortatut oqartussaatitaanermik imaluunniit suliamik inatsisit unioqqutillugit ingerlatsisimasutut eqqartuunneqassaaq kinaluunniit, pisortani oqartussaatitaanermik imaluunniit piginnaatitaanermik piginngisaminik peqarnerartoq, imaluunniit pisortani oqartussaanermik piginngisaminik allatut ittumik iliuuseqartoq. Taamatuttaaq pineqassaaq kinaluunniit piginnaatinneqartussaalluni pisortanit piginnaatinneqarani taamatut suliaqartoq imaluunniit suliamik ingerlatsisinnaanerminik piaaffigineqarsimalluni ingerlatseqqittooq.

**§ 43.** Ilisarnaatinik immikkut illersukkanik atornerluisutut eqqartuunneqassaaq kinaluunniit piaaraluni mianersuaalliorluniluunniit inatsisiniut akerliusumik atuisoq

- 1) ilisarnaatinik imaluunniit atisanik, naalakkersuisuni atorfilinnut kalaallinut, qallunaanut, savalimmiorumiunut imaluunniit nunani allamiunut imaluunniit sakkutooqarfimmi atorfilinnit atugassaatitaasunik,
- 2) ilisarnaatinik imaluunniit taaguutinik, taamaallaat inunnut, aaqqissuussanut imaluunniit atortussanut, sorsunnermi ikilikkanik napparsimasunilluunniit ikiuinissamut atorneqartussanut, atugassaatitaasunik, imaluunniit
- 3) naalagaaffit akunnerminni suleqatigiiffisa ilisarnaataannik imaluunniit taaguutaannik.

*Imm. 2 Aalajangersagaq imm. 1-imiittooq taamatulli atutissaaq ilisarnaatinik, atisanik aamma taagutinik taaneqartunik issuaalluni atuinermi.*

## Kapitali 10

*Inuit torersumik eqqissisimasumillu inooqatigiinnerannut pinerluttuliornerit*

**§ 44.** Inatsisit unioqqutillugit kalerrisaarisutut eqqartuunneqassaaq kinaluunniit pissutissaqarani ikiortissamik aggeqquasinermigut, navialinermi kalerrisaarummik atornerluinermigut imaluunniit assingusumik iliuuseqarnermigut annaassiniarnermik aallartitsisoq.

**§ 45.** Navianartorsiortsisumik aalakoortutut eqqartuunneqassaaq kinaluunniit piaaraluni imaluunniit peqqarniitsumik mianersuaalliorluni imminut aalakoortittoq imaluunniit allanik aalakoortitsisoq taamaaliornermigullu inuit allat inuunerannik imaluunniit pigisanik annertuumik nalilinnik navialisitsisoq.

**§ 46.** Immikkut ittumik illersukkamik eqqissisimatitaanermik nalinginnaarinnittut eqqartuusneqassaaq kinaluunniit ilerrup innarlitsaaliorneqarnissaanik nalinginnaarinnittooq imaluunniit timimik toqungasumik imaluunniit oqaluffinni pigisanik oqaluffinnilu atorneqartartunik imaluunniit eqqaassutissanik assigisaannillu assuarnartumik ikkatiginnittooq.

**§ 47.** Pinerluummik akornusiisimanngitsutut eqqartuunneqassaaq kinaluunniit, pinerluuteqarniarnermik, inuit inuunerannik imaluunniit atugarissaarnissaannik imaluunniit inuiqatigiit naliliutaannik annertuunik navialisitsisumik, ilisimannilluni pisinnaanini tamaat iliuuseqanngitsoq pinerlunneq tamatumaluunniit nassatarisai pinngitsoortinniarlugit. Tamannali atutissangilaq pineqartup iliuuseqarnermigut nammineq qanignerpaasamiluunniit inuunerat, peqqissusaat atugarissaarneralluunniit navialis-sappagu. Taamaallaat akisussaatitsisoqassaaq pinerluutiginiagaq naammassineqarpat imaluunniit naam-massiniarneqaraluarpat.

*Imm. 2. Taamatut eqqartuunneqassaaq kinaluunniit kajumissaarneqaraluarluni pisortani oqartus-saasumik ikiuinngitsoq, ajutoornermik pinerlunnermilluunniit, inuit allat inuunerannik atugarissaarnis-*

saannilluunniit navialisitsisumik, pinngitoortitsilluni.

*Imm. 3. Aalajangersakkat imm. 1-imiittut atutissapputtaaq kimulluunniit, pissutsinik inuup pinerluummut pasillerneqartup eqqartuunneqarsimasulluunniit pinngitsuuneranik tapersiutaasumik ilisimatitsinngitsoortumut.*

## Kapitali 11

### *Pisortani kiffartuussinermi imaluunniit atorfeqarnermi pinerluttuliornerit*

**§ 48.** Akiliutinik peqquserlutsitsiniutinik tigusaqarsimasutut eqqartuunneqassaaq kinaluunniit kalaallit, qallunaat, savalimmiormiut, nunani allamiut imaluunniit naalagaaffiit assigiinngitsut pisortaanni kiffartorluni imaluunniit suliaqartitaalluni tunisummik allatulluunniit iluaqtissaasumik taamaaliortussaanani tunissutisisoq, tunineqaqqusoq imaluunniit neriorsoqqusoq.

**§ 49.** Pisortani oqartussaatitanik atornerluisutut eqqartuunneqassaaq kinaluunniit, pisortani kiffartuussillumi suliaqartitaalluniluunniit atorfimminik atornerluisoq, inuinnaat imaluunniit pisortat eqqortumik pisassarisaannik soqtigisaannilluunniit ajoqsiiniarluni.

**§ 50.** Atorfimmi paasisanik nipangiussisussaanermik unioqqutitsisutut eqqartuunneqassaaq kinaluunniit pisortani kiffartuummik imaluunniit suliamik suliaqluni suliaqarsimalluniluunniit paasisanik isertuutassanik tamatumunnga atatillugu ilisimalersimasaminik taamaaliortussaanani allanut ingerlatiseqqiisoq imaluunniit atornerluisoq.

*Imm. 2. Taamatut aamma eqqartuunneqassaaq kinaluunniit pisortaniit akiliutinik peqquserluutinik akilersinneq imaluunniit iluarisaaneq naapertorlugu suliamik imaluunniit inuussutissarsiummik ingerlatsisoq imaluunniit ingerlatsisimasoq, aamma paassisutissanik, inuinnaat soqtigisaat pillugit allanut isertuussassaasunik aamma sulinerminut atatillugu ilisimalersimasaminik, taamaaliorsinnaattaanani allanut ingerlatiseqqiisoq imaluunniit atornerluisoq.*

*Imm. 3. Paassisutissaq isertuussassaavoq inatsisikkut imaluunniit allamik atuuttumik aalajangersakkakut taamaattussatut oqaatigineqarsimaguni imaluunniit isertuuttariaqaruni pisortat inuinnaalluunniit soqtigisaat isumagiumallugit.*

**§ 51.** Aalajangersagaq § 50-imiittoq assinganik atutissaaq kimulluunniit suliassanik, pisortat isumaqatigiissuteqarfugalugit suliarineqartunik, suliaqartumut imaluunniit sulisimasumut. Tamannarpi-aq atuuppoq kimulluunniit oqarasuaatitigut attaveqaatinik imaluunniit oqarasuaatitigut kiffartuussinernik, pisortanit akuerisanik, tuniniaasartumi sulisumut imaluunniit sulisimasumut.

**§ 52.** Aalajangersakkat §§ 50 aamma 51-imiittut aamma atuupput inuit pineqartut ikiortigisaan-nut.

**§ 53.** Aalajangersakkat §§ 50 - 52-imiittut taamatut atuupput kimulluunniit, iliuuseqarmermut peqataanngikkaluarluni

- 1) paassisutissanik, inatsisinik unioqqutitsinikkut taaneqartukkut saqqummersunik, taamaaliorsinnaattaanani pissarsisoq imaluunniit atornerluisoq,
- 2) inuit ataasiakkaat inuttut atugaat, §§ 50 – 52-imik unioqqutitsinermi saqqummersut, pillugit taamaaliorsinnaatitaanani allanut ingerlatitseqqiisoq, imaluunniit
- 3) paassisutissanik, naalagaaffiup isumannaatsuunissaa imaluunniit illorsorsinnaanissaa pissutigalugit isertuussasaasunik, taamaaliorsinnaatitaanani allanut ingerlatitseqqiisoq.

**§ 54.** Aalajangersakkat §§ 50 – 53-imiittut atuutinngillat pineqartoq

- 1) paassisutissamik allanut ingerlatitseqqiinissamut pisussaappat, imaluunniit

2) ersarissumik tamanut iluaquitissaq imaluunniit imminerminut allanulluunniit pitsaanerusussaq tunngavissaqartumik isumagalugit iliuuseqarpat.

**§ 55.** Atorfimmini suliassanik isumaginninngitsutut eqqartuunneqassaaq kinaluunniit, pisortani kiffartorluni sulitillunluunniit pisussaaffimmik, kiffartuutimi suliassamiluunniit nassatarisaanik, naammassinnikkumanngitsoq ilaginnaasorluunniit imaluunniit atorfimmini eqqortumik naalakkerneqarnerminut naalakkumanganngitsoq.

*Imm. 2.* Taamatuttaaq eqqartuunneqassaaq kinaluunniit pisortani atorfeqartitaalluni suliassaqartitaalluniluunniit atorfimminik suliassarisaminillu imaluunniit pisussaaffimminik, atorfimmi suliassaqartitaanermiluunniit nassatarisaanik, naammassinninnissaminik peqqarniitsumik akuttunngitsumillu isumaginninngitsoortaqttaartoq imaluunniit peqqissaarussinngitsoortoq.

*Imm. 3.* Imm. 1 aamma 2 atuutinngillat suliassanut, pineqartup tamanut ammasumik qinersinikkut suliassarilersimasaanut.

## Kapitali 12

### *Eqqunngitsumik nassuaaneq aamma eqqunngitsumik unnerluussineq*

**§ 56.** Eqqunngitsumik nassuaasutut eqqartuunneqassaaq kinaluunniit piaaraluni imaluunniit miainersuaalliorujussuarluni eqqartuussivimmi, matumani ilangunneqarluni oqarasuaatitigut attaveqaatinik atuineq, eqqunngitsumik nassuaasoq. Aalajangersagaq aamma atuutissaaq nunami allami eqqartuussivimmi imaluunniit Europamiut Kattuffianni Eqqartuussivimmi eqqunngitsumik nassuaanermi.

*Imm. 2.* Tamannali atuutissanngilaq pinerlunnermik suliassami pasineqartoq imaluunniit inuk eqqunngitsumik nassuaappat inatsisit naapertorlugit nassuaateqarnissaq piumasarineqarsinnaanani killisiuisoqartillugu.

**§ 57.** Eqqunngitsumik nalunaaruteqartutut eqqartuunneqassaaq kinaluunniit, pissutsit pinngitsoorani nassuaateqarfisassani pillugit pisortanut eqqunngitsumik nalunaaruteqartoq imaluunniit eqqartuussinermi pissutsini, pisortanut tunngassuteqartuni, atugassanik allakkatigut imaluunniit tusagassiutitigut atuarneqarsinnaasukkut allakkut eqqunngitsumik nalunaaruteqartoq imaluunniit ilisimasaqarfiginngisaminik upternarsaasoq.

**§ 58.** Eqqunngitsumik unnerluussinermut eqqartuunneqassaaq kinaluunniit pisortanut eqqunngitsumik paasissutissiisoq, pisuunngitsup pinerluummut, pineqartup pinerluutigisimanngisaanut, tamatumuunakkut pasilligaalernissaa eqqartuussaanissaaluunniit siunertaralugu.

*Imm. 2.* Pinerluummut tamatumunngarpiaq eqqartuunneqassaaq kinaluunniit upternarsaatissanik aserorterisoq, allanngortitsisoq imaluunniit piaasoq imaluunniit eqqunngitsumik upernarsaatissiisoq, inuup pinerluummut tamatumuunakkut pasilligaalernissaa eqqartuunneqarnissaaluunniit siunertaralugu.

*Imm. 3.* Taamatorpiaq pineqassaaq kinaluunniit imm. 1-imi aamma 2-mi taaneqartutut ittunik iliuuseqartoq, siunertaralugu nammineq imaluunniit allap akuersisimasup, pinerluummut, pinerluutigisimanngisaminut, tamatumuunakkut pasilligaalanissaa imaluunniit eqqartuunneqarnissaa.

**§ 59.** Eqqunngitsumik nalunaarutiginninnermut eqqartuunneqassaaq kinaluunniit pisortanut pinerluummik pisimanngitsumik nalunaaruteqartoq imaluunniit pisortanut taamaattunut maalaarummik eqqunngitsumik tunniussisoq.

## Kapitali 13

### *Aningaasatigut pinerluttuliornerit*

**§ 60.** Peqquserluutinik aningaasaliornermut eqqartuunneqassaaq kinaluunniit aningaasanik issu-

aalluni pilersitsisoq imaluunniit peqquserlulluni aningaasaliortoq aningaasavittut atortinniarlugit, imaluunniit assinganik anguniagaqluni aningaasanik issuaalluni pilersitanik imaluunniit aningaasalianik peqquserluutinik imminut pissarsitittoq imaluunniit allanut pissarsitsisoq.

*Imm. 2.* Taamatuttaaq pineqassaaq kinaluunniit aningaasanik atuisoq nalunagu ilimagigaluarluguunniit taakku issuaalluni pilersitaasut imaluunniit peqquserluutaasut.

## Kapitali 14

### *Uppernarsaatissatigut pinerluttuliornerit*

**§ 61.** Allagartanik uppernarsaatissanik atornerluinermut eqqartuunneqassaaq kinaluunniit inatsisitigut pissutsini nakuttsiniaalluni

- 1) allagartamik uppernarsaatissamik salloqittaammik atuisoq,
- 2) allagartamik uppernarsaatissamik atuisoq, allagartamut uppernarsaatissamut allamut paatsoortitsinikut atsiortitsisoqarsimappat imaluunniit allagartamut atsiortussap atsiorniagaaniit allaanerusumik imaqartumut atsiortitsisoqarsimappat,
- 3) allagartamik uppernarsaatissamik piviusumik inuttassaviginngisaanut atortinnagu inummut allamut tunngatillugu atuisoq imaluunniit allagartami uppernarsaatissami aalajangiussamut akerliusumik al-latut atuisoq.

*Imm. 2.* Allagartaq uppernarsaatissaq tassaavoq allakkatigut imaluunniit elektroniskimik paa-sitsissut pilersitsisumit taaguuserneqarsimasoq, uppernarsaatissatut atugassatut isikkoqartoq.

*Imm. 3.* Allagartaq uppernarsaatissaq salloqittaataavoq pilersitsisutut taaneqartumeersuunngikkuni imaluunniit imaqalersinneqarsimaguni pilersitsisumit pisuunngitsumik.

**§ 62.** Allagartamik uppernarsaatissamik ilumuunngitsuliornermut eqqartuunneqassaaq kinaluunniit inatsisitigut pissutsini nakuttsiniaalluni allagartami uppernarsaatissami imaluunniit allattaavimmi pisortanit pigineqartumi, allagartami uppernarsaatissami imaluunniit allattaavimmi inuinnarnit pigineqartumi, inatsisit naapertorlugit imaluunniit immikkut ittumik pisussaatitaaneq najoqqutaralugu pineqartup suliassaani imaluunniit allattuiffissaani, imaluunniit nakorsap uppernarsaasiaaani imaluunniit allagartami uppernarsaatissami assingusumi pissutsit, nalunaarutigisap uppernarsaatitut atuuffissai, pillugit ilumuunngitsumik nalunaaruteqartoq.

*Imm. 2.* Taamatut aamma pineqassaaq allagartamik uppernarsaatissamik taamaattumik ilumoor-tuuneraalluni inatsisitigut pissutsini atuisoq.

**§ 63.** Nalunaaqutsiussamik peqquserluttuliuummik atuisutut eqqartuunneqassaaq kinaluunniit niueqatigiinnermi nakuttsiniaalluni atuisoq pigisanik, pisortat imaluunniit inuinnaat naqitsaannik akuerisaanngitsumik naqissusikanik imaluunniit nalunaaqutsiussamik imaluunniit taaguummik, pigisaq niueqatigiinnermi pingaaruteqartoq pillugu paassisutissatut atugassatut pilerneqarsimasumik aamma kinaluunniit assinganik iliuuseqarluni atuisoq pigisanik, akuerisaasumik naqissusikanik, nalunaqutsikanik imaluunniit taaguutaat allanngortinneqarsimasunik piiarneqarsimasunilluunniit.

**§ 64.** Uppernarsaatissanik atuinngitsoortitsiniartutut eqqartuunneqassaaq kinaluunniit uppernarsaatissanik aserorterisoq, allanngortitsisoq imaluunniit uppernarsaatissamik, inatsisitigut pissutsini taamatut atorneqarnissaminut piukkunnartumik, tamakkiisumik ilaannakortumiluunniit atorsinnaajun-naarsitsisoq.

*Imm. 2.* Taamatut aamma pineqassaaq kinaluunniit, pisimasoq imm. 1-impi pineqartunut ilaangikkaluartoq, nunaatip allallu assigisaasa killingisa nalunaarutigineqarnerannik allanngortitsisoq.

## Kapitali 15

### *Pinerluttuliornerit tamanut navianaatillit*

**§ 65.** Ikuallatsitsisutut eqqartuunneqassaaq kinaluunniit piaaraluni mianersuaalliorluniluunniit inuup allap illuutaanik ikuallatsitsisoq imaluunniit piaaraluni mianersuaalliorluniluunniit illumik nammineq pigisamik ikuallatsitsinikkut allat inuunerannik imaluunniit inuiaqatigiit pigisaannik naleqqortuunik navialisitsisoq.

*Imm. 2.* Assinganik eqqartuunneqassaaq kinaluunniit ikuallattoornissamut sillimmasiisarfik salloqittarniarlugu imaluunniit qularnaveeqquissamik pigisaqartup pisinnaatitaaffi ajoqusemiarlugit imaluunniit assingusumik inatsisinut akerliusumik anguniagaqarluni illumik nammineq pigisaminik imaluunniit illumik allap pigisaanik piginnittua akuersisillugu ikuallatsitsisoq.

**§ 66.** Ajoqusertitsisutut eqqartuunneqassaaq kinaluunniit inunnik allanik imaluunniit pisusutaatinik piaaraluni ajoqsiiniarluni qaartitsisoq, silaannaap akuinik ajoqsiutissanik siaruaasoq, qarsutsitsisoq, umiartitsisoq imaluunniit angallammik allamik ajutoortitsisoq. Taamatut aamma eqqartuunneqassaaq kinaluunniit mianersuaalliorluni taamatut pinerluttoq.

**§ 67.** Ingerlatsinermik akornusersuisutut eqqartuunneqassaaq kinaluunniit piaaraluni imaluunniit mianersuaalliorluni tamanut angallataasartunik nalinginnaasunik aamma teknikkikkut atortunik tamanit atorneqartartunik ingerlatsinermik ingerlatsinerullu isumannaatsuuneranik akornusiisoq.

*Imm. 2.* Imeqarnermik pilersuinermik saassussisutut eqqartuunneqassaaq kinaluunniit piaaraluni imaluunniit mianersuaalliorluni imeqarfinnut, kuuffinnut kuunnnulluunniit peqqinnissamut navianaatilinnik akoorisoq imaluunniit imissamik nalinginnaasumik amigaateqalersitsisoq.

*Imm. 3.* Peqqissutsimik navialisitsisumik mingutsitsinermut eqqartuunneqassaaq

- 1) kinaluunniit atortussanut, isumaqatigiinniarnermut imaluunniit arlalissuarnit atorneqartussatut naatsorsuussaasunut toqunartumik akussanilluunniit allanik piaaraluni mianersuaalliorluniluunniit akoorisoq, siunertaasutut atorneqarunik inuit peqqissusaannik navialisitsissutaasumik,
- 2) kinaluunniit piaaraluni mianersuaalliorluniluunniit, atortussat taamatut ajulermata atorneqarnerat taaneqartutut peqqissutsimut navialisitsissutaalluni, taakku ajortissimanerannut paasinaveersaartaasumik iliuuseqartoq,
- 3) kinaluunniit piaaraluni mianersuaalliorluniluunniit iliuuseqarsimanini nipangiullugu atortussanik 1-imma 2-mi taaneqartutut iliuuseqarfigisanik tuniniaasoq imaluunniit siammarteriniarsarisoq.

**§ 68.** Qinngorernik ulorianartunik akulinnik unioqqutitsisumik pigisaqartutut eqqartuunneqassaaq kinaluunniit, inunnik allanik imaluunniit allat pigisaannik annertuunik imaluunniit avatangiisink ajoqsiiniarluni, qinngorernik uloriarnartunik akulinnik tigusisoq, pigisaqartoq, tunniussisoq imaluunniit allangortitsisoq imaluunniit atomip nukinganik qaartuujasumik imaluunniit atortumik, qinngorernik ulorianartunik akulimmik siaruarternissamut siunertaqartumik imaluunniit atomip qinngorernik siaruarterisinnaasumik pilersitsisoq imaluunniit pigisaqartoq.

*Imm. 2.* Taamatuttaaq eqqartuunneqassaaq kinaluunniit, inunnik allanik ajoqsiiniarluni imaluunniit inuit allat pigisaannik imaluunniit avatangiisink annertuumik ajoqsiiniarluni imaluunniit allanik pinngitsaaliilluni iliuuseqartitsiniarluni imaluunniit iliuuseqanngitsoortitsiniarluni

- 1) qinngorernik ulorianartunik akulinnik imaluunnit atortunik atomip qinngorernik aniatitsisumik atuisoq,
- 2) qinngornerit ulorianartut imaluunniit atomip qinngornerisa siaruaannissaannut illersuutinik peersisoq, allangortitsisoq imaluunniit ajoqsiisoq imaluunniit
- 3) atortumik qinngornerit ulorianartut atorlugit ingerlasumik atuisoq imaluunniit ajoqsiisoq, qinngorernik ulorianartunik aniasoqaleraneranik imaluunniit taamaattoqarnissaanik ulorianartorsiornermik kinguneqartumik.

*Imm.* 3. Taamatuttaaq eqqartuunneqassaaq kinaluunniit imm. 1-im i amma 2-mi taaneqartut ilaannik mianersuaalliorluni pinerluttoq.

**§ 69.** Angallatinik tiguanermut eqqartuunneqassaaq kinaluunniit timmisartumi, umiarsuarmi kiisalu angallammi ataatsimoorussami imaluunniit assartuummi unioqqutitsilluni pinngitsaaliilluni, tak. § 91, taakku nakkutigineqarnerannik tigusisoq imaluunniit taakku ingerlanneqarnerannut akuliuttoq.

*Imm.* 2. Taamatuttaaq eqqartuunneqassaaq kinaluunniit unioqqutitsilluni pinngitsaaliilluni, tak. § 91, imaani sulliviliap puttasuliap nakkutigineqarneranik tigusisoq.

**§ 70.** Nakorsaasaarnermut eqqartuunneqassaaq kinaluunniit pisortat akuersissutaannik peqarani aammalu pissutsit pisariaqavitsinnagit napparsimasunik passussisoq taamaaliornermigullu taakkua peqqissussaannik navialisitsisoq.

**§ 71.** Napparsimalersitsinissamut navialisitsisutut eqqartuunneqassaaq kinaluunniit najoqqutassanik, inatsisitigut imaluunniit inatsisit naapertorlugit inuit imaluunniit uumasut nappaataannik tunillanartunik pinaveersaartsinissamut imaluunniit akiuinissamut sananeqarsimasunik, unioqqutitsinermi piaaraluni mianersuaalliorluniluunniit nappaatip taamaattup nappaataalernissaanut imaluunniit siaru-aannissaanut navialisitsisoq.

## Kapitali 16

### *Immeraatit inatsisitigut inerteqqutaasut*

**§ 72.** Iluanaarniapiulluni immeraannermut eqqartuunneqassaaq kinaluunniit immeraannermk imaluunniit tamatuma assinganik eqquiniaanermik inuussutissarsiuteqarniartoq imaluunniit taamatut immeraannermk siursaasoq imaluunniit inimik inunnit tamanit ornigarneqarsinnaasumik immeraannermut atuisitsisoq imaluunniit inimi taamaattumi immeraatsitsisoq, aamma kinaluunniit inimi tamanit ornigarneqarsinnaasumi immeraannermi taamaattumi peqataasoq.

*Imm.* 2. Iluanaarniapiulluni immeraannermut eqqartuunneqassaartaaq kinaluunniit piffimm tamaniit ornigarneqarsinnaanngitsumi taamatut immeraatsitsinissamut piareersaasoq, akuersisoq peqataasorluunniit, nalunagu ilimagaluguluunniit immerateqataasup immeraassutai aningaasaateqarneranut naleqqiullugit tulluartuusumiit illersorneqarsinnaasumiillu amerlanerusut.

*Imm.* 3. Namminersornerullutik Oqartussat malittarisassiorsinnaapput automatit pinnguaatit ator-lugit iluanaarutit aningaasanngorlugit tunniunneqartarnissaat pillugit.

## Kapitali 17

### *Ilaqtariissutsip iluani pinerluttuliornerit*

**§ 73.** Kinaluunniit katissimareerluni imaluunniit nalunaarsukkamik aappaqareerluni katittoq imaluunniit aappariittut nalunaarsuisitsisoq ataasiinnaanngitsumik aappaqartutut eqqartuunneqassaaq, iliiuseqartilluni piaarisimaguni imaluunniit mianersuaalliorjussuarsimaguni. Ilaquttamik qanigisamik kujanninneq allatulluunniit ittumik kinguaassiutitigut atoqatiginninneq pineqartillugit qitornavissiaqarneq toqqaannartumik aaqatigiittut pissuseqarnermut nallersuunneqassaaq.

*Imm.* 2. Taamatuttaaq pineqassaaq kinaluunniit, nammieq katissimanani nalunaarsukkamilluunniit aappaqarani, katissimareersumik imaluunniit nalunaarsukkamik aappaqareersumik katitaqartoq imaluunniit nalunaarsukkamik aappanittoq.

**§ 74.** Ilaquttatut qanigilluinnakkamik atoqateqarnermut eqqartuunneqassaaq kinaluunniit kinguaamigut qanigisaminik imaluunniit qatanggumminik kujannittoq allatulluunniit ittumik kinguaassiutitigut atoqatiginnittoq.

**§ 75.** Ilaquttaminik inoquutiminilluunniit narrunarsaasutut eqqartuunneqassaaq kinaluunniit aap-parminik, qitornamnik imaluunniit inummik allamik oqartussaaffigisaminik isumagisassaminilluunniit imaluunniit ningaaminik sakiatsiaminillu imaluunniit siuaasatut ilaquttaminik paarsinerlulluni nikarsaasumilluunniit pissusilersorfiginnilluni narrunarsaasoq.

*Imm. 2.* Taamatuttaaq pineqassaaq kinaluunniit pilersuisussaatitaanerminik imaluunniit akilersuisussaatitaanerminik sumiginnaalluni inunnik imm. 1-imi taaneqartunik ajorsalersitsisoq.

**§ 76.** Angajoqqaatut oqartussaassuseqarnermik sumiginnaasutut eqqartuunneqassaaq kinaluunniit angajoqqaat imaluunniit allap susassaqartup inummut 18-it inorlugit ukioqartumut oqartussaanerannik isumaginnittussaanerannilluunniit sumiginnaatisisoq, imaluunniit pineqartup oqartussaanermik isumaginninnermilluunniit taamaattumik sumiginnaaneranut ikiusoq.

*Imm. 2.* Aammattaaq inatsisinik unioqqutitsilluni meeqqamik naalagaaffimmiit annissisimasoq eqqartuunneqassaaq.

## Kapitali 18

### *Kinguaassiutitigut pinerluttuliornert*

**§ 77.** Pinngitsaaliilluni atoqateqartutut pineqaatissinneqassaaq, atoqateqarsimasoq imal. allatut akuerineqarani peqateqarsimasoq. Inummik pinerluttuliortumik allaasorinninneq tunngavigalugu pinngitsusaarluni atoqatiginnittumut allatulluunniit kinguaassiutitigut atornerluisumut tamanna aamma atuuppoq.

*Imm. 2.* Pinngitsaaliilluni atoqateqarsimasutut pineqaatissinneqassaaq, kinaluunniit meeqqamik 12-it inorlugit ukiulimmik atoqateqarsimasoq allatulluunniit kinguaassiutitigut atoqatiginnittoq. Inummut 22-nik ukioqalereersimasumut aamma meeqqamik 15-it inorlugit ukiulimmik atoqateqartumut allatulluunniit kinguaassiutitigut atornerluisumut tamanna aamma atuuppoq.

*Imm. 3.* Inatsimik unioqqutitsineq inummut 18-it inorlugit ukiulimmut pinerluttigineqarsimappat, pineqaatissiinerup aalajangiiffigineqarnerani, inatsisip unioqqutinnejgarnerani immikkut ittumik innarliineq pingaartinneqassaaq.

**§ 78.** Kinguaassiutitigut atornerluinermut eqqartuunneqassaaq kinaluunniit inuup niaqluarnera imaluunniit eqqarsartaatsimigut innarluuteqarnera atornerlullugu pineqartumut kujannittoq allatulluunniit kinguaassiutitigut atoqatiginnittoq.

*Imm. 2.* Taamatuttaaq pineqassaaq kinaluunniit inuup suliaqarnikkut, aningaasaqarnikkut imaluunniit passunneqarnermik paaqqutarineqarnermilluunniit pinngitsuuisinnaanngissusianik kujannittoq allatulluunniit ittumik kinguaassiutitigut atoqatiginnittoq. Atoqateqarniarluni allatulluunniit kinguaassiutitigut atornerluiniarluni, upperisarsiortut aqtsisuata, taassumalu ilagiivini ilaasortaasup akornanni inuup pisariaqartsineranik imaluunniit pinngitsuuisinnaanani atassuteqarneranik, upperisarsiortut aqtsisuata ilaasortamik ingasattumik atornerluineranut tamanna aamma atuuppoq.

*Imm. 3.* Aammattaaq eqqartuunneqassaaq, inuk

- 1) pinerluttunik nakkutilliivimmi atorfekarttuusoq inummik pinerluttunik nakkutilliiviup suliffiutaani inissisimasumik, taassumanngalu oqartussaaffigineqararluni inissisimasumik kujannittoq imaluunniit atoqatiginnittutut iliuuserinnittooq,
- 2) inummik kiffaanngissusiagaasumik politiinillu nakkutigineqartumik politiitut atorfilik kujannittoq imaluunniit allatut atoqatiginnittutut pissusilersortoq, imaluunniit
- 3) ulloq unnuarlu paaqqinnittarfimmi imaluunniit meeqqanut inuuusuttunullu inissiisarfimmi, tarnikkut nakorsarneqarfittut immikkoortumi, tarnikkut annertuumik innarluutilinnik assigisaannilluunniit ulloq unnuarlu inissiisarfimmi atorfilik imaluunniit

nakkutilliisoq inissiisarfimmi inissisimasumik kujannittooq imaluunniit allatut atoqatiginnittutut pissusilfersortoq.

**§ 79.** Kinguaassiutitigut meeqlanik atoqatiginninnermut eqqartuunneqassaaq kinaluunniit meeqlamik 15-it inorlugit ukiulimmik kujannittooq allatulluunniit ittumik atoqateqarnikkut pissusilfersortoq, pinerluuteqartup meeqlap ukiui nalusimanngippagut imaluunniit tamatuma tungaatigut mianersuaalliorsimaguni, iliuuserisaq § 77, imm. 2-mut attuumatinneqanngippat.

**§ 80.** Atoqatiginninnissamut saasaarisutut eqqartuunneqassaaq kinaluunniit ukiumigut misilitak-kamigullu inersimanerunerminik peqqarniitsumik atornerluilluni inummik 18-it inorlugit ukiulimmik kujannittooq, pinerluuteqartup nalusimanngippagu pineqartoq qassnik ukioqartoq imaluunniit tamatuma tungaatigut mianersuaalliorluni iliorsimaguni.

*Imm. 2.* Taamatuttaaq eqqartuunneqassaaq kinaluunniit inummik 18-it inorlugit ukiulimmik qitor-navissiarisaminik, qitor-nassaminik qitorsiaminilluunniit imaluunniit imminerminut ilinniartitassangortinneqarsimasumik perorsagassanngortinneqarsimasumillu kujannittooq allatulluunniit atoqateqarnikkut pissusilfersortoq imaluunniit atassuteqarnerit kanngunarsaataasut atorlugit kannguttaalliortoq, pinerluuteqartup nalusimanngippagu pineqartoq qassnik ukioqartoq imaluunniit tamatuma tungaatigut mianersuaalliorluni iliorsimaguni.

**§ 81.** Inuuusuttumik akiliilluni atoqateqarnermut eqqartuunneqassaaq kinaluunniit akiliiniarluni imaluunniit akiliinissamik neriorsuilluni inummik 18-it inorlugit ukiulimmik kujannittooq allatulluunniit ittumik atoqateqarnikkut pissusilfersortoq, pinerluuteqartup nalusimanngippagu pineqartoq qassnik ukioqartoq imaluunniit tamatuma tungaatigut mianersuaalliorluni iliorsimaguni.

*Imm. 2.* Taamattaaq eqqartuunneqassaaq inuk peqataasoq inuup 18-it inorlugit ukiullip akilersilluni imaluunniit akilersinnissamik neriorsorneqarluni akiliisumut atoqateqarnikkut pissusilfersorneranut, iliortuusup ilisimappagu pineqartup ukioqqortussusia imaluunniit tamatumunnga tunngatillugu mianersuaatsumik iliorsimaguni.

**§ 81 a.** Pinerluttuliortup pinerlineqartumut kinguaassiutitigut imminut iliuuseqartitsineranut aalajangersakkat §§ 77-imii 81-imut assinganik atuutissapput.

**§ 82.** Inummik inuuusuttumik atornerluisimasutut eqqartuunneqassaaq inuk peqataasoq, inummik 18-it inorlugit ukiulimmik ilaatisisoq kinguaassiutitigut isiginnaagassioqataanermut, iliortuusup ilisimappagu pineqartup ukioqqortussusia tamatumunngalu tunngatillugu mianersuaatsumik iliorsimaguni.

*Imm. 2.* Taamattaaq eqqartuunneqassaaq inuk imm. 1-imii inuup 18-it inorlugit ukiullip peqataaffiani takutitsinermi isiginnaartusoq.

**§ 82 a.** Isumapiloqarneq tunngavigalugu tatiginnilersitsiniaasoq (groomer) eqqartuunneqassaaq, pinerlineqartup ukiui ilisimallugit, imaluunniit tamatumunnga tunngatillugu mianersuaalliorluni iliuuseqartoq, inuk, systematiskimik imaluunniit uukapaatisilluni ukiuni misilitakkani lu atornerlullugit pisinnaatitaanani allanit pitsaanerusutut naleqarnerusutulluunniit imminut isigaluni, pinerlineqartup kinguaassiutitigut pinerluttuliorfiginissa siunertalarugu inummut 18-it inorlugit ukiulimmut attaveqarnermik ineriartortitsisoq.

**§ 83.** Iluanaarniutigalugu arnerisitsisutut/anguserisitsisutut eqqartuunneqassaaq inuk suliffimmik ingerlatsisoq, inuk alla akiliilluni imaluunniit akiliiumalluni neriorsuinikkut pisusuusoq atoqatigiinnertut pissusilimmik.

*Imm. 2.* Taamatut pineqassaaq allatigut atuisuusoq inuk alla inuussutissarsiutigalugu akiliisitsinikkut imaluunniit akiliinissamik neriorsuinikkut pisumik allamik atoqateqarnermik iliuuseqartitsisoq,

imaluunniit ajornarunnaarsaasoq inuup allap akiliilluni inummik allamik atoqateqarnermik iliuuseqaneranut iluanaarniarnikkut imaluunniit akulikinnerusumik uteqattaartumik akunnermiliuttutut pissusilersoneranut.

*Imm. 3.* Aammattaaq eqqartuunneqassaaq inuk akunnittarfimmi inimik atukkiussisoq inuup allap inuussutissarsiutigalugu akiliilluni imaluunniit akiliinissamik neriorsuuteqarluni pisumik atoqateqartitsippat.

*Imm. 4.* Taamattaaq eqqartuunneqassaaq inuk inatsisinut akerliusumik paatsoortitsilernermigut, paatsuinertermik sakkortusisitsinermigut atornerluinermigullunniit, imaluunniit assuarnartumik periuseqarluni alla akiliiffigitilluni imaluunniit akiliiffigineqarnissamik nerorsorneqarluni pisumasumik atoqateqartitsitsoq.

**§ 84.** Kannguttaalliortutut eqqartuunneqassaaq kinaluunniit inoqatiminut kannguttaalliorfiginnittooq«, aamma »imaluunniit inunnik mamiatsatsitsisoq imaluunniit inunnik mamiatsatsitsisoq.

*Imm. 2.* Taamatuttaaq pineqassaaq kinaluunniit assilisanik pigisanilluunniit kinguaassiutitigut inuunerluttortalinnik 16-it inorlugit ukiulimmuit nioqquteqartoq.

**§ 85.** Inummik inuusuttumik kinguaassiutitigut kanngunarsaanermut tunngassuteqartunik siaruarterinerit pilersitsinermut eqqartuunneqassaaq kinaluunniit 18-it inorlugit ukiullit atortussat inummut kinguaassiutitigut kanngunarsaanermut tunngassuteqartut, soorlu assit, filmiliat, atortussallu allat assilillugit takusassiassanngorteqqitat.

*Imm. 2.* Inummik inuusuttumik assinik imaluunniit atortussanik inummut kinguaassiutitigut innarliinermut tunngassuteqartunik pigisaqartoq eqqartuunneqassaaq kinaluunniit 18-it inorlugit ukiullit atortussat inunnut kinguaassiutitigut innarliinermut tunngassuteqartut, soorlu assit, filmiliat, assilillugillu sanaqqiinerit takuneqarsinnaasut allat paasissutissanik siammerterinikkut kinguaassiutitigut inuunerlunnermut tunngasunik pigisaqartoq imaluunniit akiliilluni takusaqartoq.

*Imm. 3.* Imm. 2-mi aalajangersakkamut ilaangillat inunnik 15-inik ukioqalereersimasunik atortussat inunnut kinguaassiutitigut kanngunarsaanermut tunngassuteqartut pigisaqarneq, pineqartoq pigisaqarnermut akuersisimatillugu..

*Imm. 4.* Aammattaaq eqqartuunneqassaaaq kinaluunniit inummik 18-it inorlugit ukiulimmik atortussat inunnut kinguaassiutitigut kanngunarsaanermut tunngassuteqartut, soorlu assit, filmiliat assigisaalluunniit, assilisat tuniniarnissaat allatulluunniit iliirluni siaruaternissaat siunertaralugu iliortup pineqartup ukioqqortussusia ilisimappagu tamatumunngalu tunngatillugu mianersuaalliorluni iliuuseqarsimaguni.

## Kapitali 19

### *Toqtsilluni timimillu pinerliilluni pinerluttuliornerit*

**§ 86.** Toqtsinermut eqqartuunneqassaaq kinaluunniit inoqamminik toqtsisoq.

*Imm. 2.* Toqtseqquneqarluni toqtsisimasutut eqqartuunneqassaaq kinaluunniit inoqamminik toqtsisoq taassumap paasinerlutassaanngitsumik taamaalioqqusinera naapertorlugu.

*Imm. 3.* Imminut toqttumik ikuisutut eqqartuunneqassaaq kinaluunniit imminut toqttumut ikuussimasoq.

**§ 87.** Mianersuaalliorluni toqtsisutut eqqartuunneqassaaq kinaluunniit mianersuaalliorluni inoqamminik toqtsisoq.

**§ 88.** Nakuusernermut eqqartuunneqassaaq kinaluunniit piaaraluni inuup allap timaanik ajoquisisoq imaluunniit innarliisoq. Taamatuttaaq pineqassaaq mianersuaalliorluni inummik allamik timaati-

gut peqqissusaatigulluunniit annertuumik ajoqsiisoq.

**§ 88 a.** Inuk inoqutigiinni allapakuuffigisaani ilaasoq qanittumilluunniit attuumassuteqartoq imaluunniit siusinnerusukkut inoqutigiinnut taakkununnga taamatut attuumassuteqarsimasoq, aamma piffissap ingerlanerani uteqqiattumik, allamut pineqartumut assuarnartumik aqtsissutitut naleeqquttunik, ingasattumik nikassaanermik, ajortumik pinninnermik imaluunniit kannguttaatsuliornermik pissusilersortoq, matuman niqisimanninnikkut, pinngitsaaliinikkut imaluunniit nakuusernikkut nammineq inuuineqarnissamut siunissarlu pillugu nammineq aalajangiisinnaanissamut killilersuineq ilanngullugit, tarnikkut nakuusersimasutut eqqartuunneqassaaq.

**§ 88 b.** Periaaseq, inuup allap eqqisisimaneranik innarliinissamut naleequttoq atorlugu, systematiskiusumik aamma pineqartumik ataavartumik attaveqarfinginnttoq, malersuisoq imaluunniit allakkut nakkarsaasoq, malersuisutut eqqartuunneqassaaq.

**§ 89.** Inuup inuuneranik ilaginnaasutut eqqartuunneqassaaq kinaluunniit inummik allamik immi-nut ikiorsinnaajunaarsitsisoq imaluunniit inummik isumagisassaminik taamatut imminut ikiorsinnaajunnaarsimasumik qimatsisoq imaluunniit massa imminut allanulluunniit navinartorsiotsivallaarani imaluunniit pilliuteqarani taamaaliorsinnaagaluarluni pisinnaanini naapertorlugu ajunaarnermik annertuumik inuup inuuneranik navialisitsumik akornusiinngitsoq, inummik inuunermut navianartorsiorumik ikiuinngitsoortoq imaluunniit inummik uumassuseqanngitsumik annaassinissamut pisariaqartunilkiliuseqanngitsoq imaluunniit inuit ajutoornermik nalaataqartut isumagineqarnissaannut peqqussutaasunik iliuseqanngitsoq.

**§ 90.** Pigisanik navianaatilinnik illersorneqarsinnaanngitsumik atuisutut eqqartuunneqassaaq kinaluunniit piaaraluni mianersuaalliorluniluunniit meeqqamut 12-it inorlugit ukiulimmuit, eqqarsartaatsimigut napparsimasumut, eqqarsartaatsikkut innarluutilimmuit imaluunniit inummuk aalakoortumut sakkumik navianartumik, qaartartumik imaluunniit allanik navianartunik tunniussaqartoq.

*Imm. 2.* Taamatuttaaq pineqassaaq kinaluunniit iluanaarmiarluni, peqqarniitsumik kusananngitsumik iliorluni imaluunniit assigisaanik soqutigittaatsumik iliorluni inuup inuuneranik, innarluuteqannginneranik imaluunniit peqqissusaanik navialisitseqqajaasoq.

*Imm. 3.* Inuk inatsisitigut tunngavissaqarani illunik sanaartorfiusimasunit 500 meterit iluannit qoorortuunit, timmiarsiutinit, aallaaseeqqanit silaannaap naqitsineranit aallartartunit imaluunniit illuinnarsiutinit igitsisoq, taamatuttaaq eqqartuunneqassaaq.

*Imm. 4.* Taamatuttaaq eqqartuunneqassaaq kinaluunniit soqutigittaatsumik iliorluni nappaammik toqussutaasinnaasumik nakorsarneqarsinnaanngitsumillu tunillatsittoqarnissaanut navialisitsisoq.

*Imm. 5.* Inatsiseqarnermut ministeri peqqinnissamut pinaveersaartitsinermullu ministeri isumatiqigissuteqarfingalugu aalajangersaassaaq nappaatit suut imm. 3-mi pineqarnersut.

## Kapitali 20

### *Inuup kiffaanngissuseqartitaaneranut pinerluttuliornerit*

**§ 91.** Inatsisit unioqqutillugit pinngitsaaliinermut eqqartuunneqassaaq kinaluunniit

- 1) nakuuserluni imaluunniit nakuusernissaq sioorasaarutigalugu, pigisanik annertuumik ajoqsiiniarnerarluni, kiffaanngissusiaaniarnerarluni imaluunniit pinerlummik pissutsinilluunniit ataqqinaataajaasunik ilumuunngitsumik pasilliisitsiniarnerarluni imaluunniit pissutsit pineqartumut tunngal-luinnartut oqaluttuariniarnerarlugit pinngitsaaliilluni iliuseqartitsisoq, naammagalugu atuisitsisoq imaluunniit iliuseqanngitsoortitsisoq,
- 2) sioorasaarutigalugu pinerlummik politiinut nalunaarutiginninniarluni saqqummiussiniarluniluun-

niit imaluunniit pasilliutinik ilumoortunik ataaqinaataajaasunik saqqummiussiniarluni pinngitsaaliilluni iliuuseqartitsisoq, naammagalugu atuisitsisoq imaluunniit iliuuseqanngitsoortitsisoq, taamatut iliortitsineq sioorasaarissutaasumut tunngatillugu naleqquttumik patsiseqartutut isigineqarsin-naanngippat.

**§ 92.** Kiffaanngissusiiaanermut eqqartuunneqassaaq kinaluunniit piaaraluni allamik kiffaanngissusiiasoq. Taamatuttaaq pineqassaaq mianersuaalliorluni iliuuseqartoq, kiffaanngissusiianeq annertuumik sunniuteqarsimappat imaluunniit sivisujusimappat.

**§ 93.** Inunnik nioqquteqarnermut eqqartuunneqassaaq kinaluunniit inunnik katersisoq, angallasisoq, nuutsitsisoq, inisimatitsisoq imaluunniit kingusinnerusukkut tigusaqartoq, makkuninnga atuisoqarluni imaluunniit atuisoqarsimalluni

- 1) § 91 naapertorlugu inatsisit unioqqutillugit pingitsaaliineq,
- 2) § 92, oqaaseqatigiit siullit naapertorlugin kiffaanngissusiianeq,
- 3) § 98 naapertorlugu siorasaarineq,
- 4) paasinerluinermik inatsisinut akerliusumik pilersitsineq, sakkortusaaneq atornerluinerluunniit, imaluunniit
- 5) akissarsiutigalugu atortittarneq, assilisanik filminilluunniit assit imaluunniit atortussat inunnut kinguaassiuutitigut kanngunarsaanermut tunngassuteqartut, soorlu pissusilersornermik isiginnaartitsineq siunertaralugu pineqartumik atornerluinissaq kinguaassiuutitigut kanngunartuliornikkut, pinngitsaaliilluni sulisitsinikkut, inussiaateqarnikkut imaluunniit pissutsitigut inussiaateqarnermut eqqaanartutigut imaluunniit timip atortuinik piaanikkut

*Imm. 2.* Taamatuttaaq pineqassaaq kinaluunniit kinguaassiuutitigut kanngunartuliortitsinikkut, pinngitsaaliilluni sulisitsinikkut, inussiaateqarnikkut imaluunniit pissutsitigut inussiaateqarnermut eqqaanartutigut imaluunniit timip atortuinik piaanikkut pineqartumik atornerluinissaq siunertaralugu

- 1) inunnik 18-it inorlugit ukiulinnik katersisoq, angallassisoq, nuutsitsisoq, inisimatitsisoq imaluunniit kingusinnerusukkut tigusaqartoq, imaluunniit
- 2) inuk pinerlineqartumut oqartussaasoq atornerluinissamut akuersisinniarlugu akiliuteqartoq allamiluunniit iluaqtissiisoq, aamma kinaluunniit taamatut akilummik iluaqtissiissummilluunniit allamik pissarsiaqartoq.

## Kapitali 21

### *Eqqissisimanermik akornusiinerit nikanarsaanerillu*

**§ 94.** Eqqissisimanermik akornusiisutut eqqartuunneqassaaq kinaluunniit taamatut pisinnaatitaanani

- 1) allakkanik, telegraminik imaluunniit nalunaarutinik allamik matoqqasunik allattukkanilluunniit ammaasoq inussaanulluunniit anngutinngitsoortitsisoq imaluunniit imaanik imminut paasisaqartit-toq,
- 2) allat toqqorsiviinut isertoq,
- 3) inuup kisimiilluni oqaasiinik, oqarasuaatikkut oqaloqatigiissutinik imaluunniit allat akunnerminni oqaloqatigiissutaannik imaluunniit matoqqasumik ataatsimiinnerni isumaqatigiinniarernik peqataaffiginngisaminik imaluunniit taamatut pisinnaatitaanani iserfigisimasaminik atortorissaarummik atuilluni isertorluni naalaartoq imaluunniit immiussisoq
- 4) inunnik tamanit orninneqarsinnaangitsumiittunik assiliisoq imaluunniit qinggutinik atortorissaarummilluunniit allamik atuilluni taamatut pisinnaatitaanani inunnik taaneqartunik qimerluuisoq, imaluunniit
- 5) allat paassisutissaataannut imaluunniit programiutaannut, qarasaasiakkut paassisutissanik suliarin-

ninnermi atorneqartussatut naatsorsuunneqartunut, isertoq.

**§ 95.** Pinerluutip § 94-imni taaneqartup assinganut eqqartuunneqassaaq kinaluunniit nalunaarutinik assinilluunniit inummut allamut tassungaannarlut tunngasunik taamatut pisinnaatitaanani allanut ingerlatitseqqiisoq imaluunniit pineqartup assinginik pissutsini ersarissumik tamanut siaruaanneqarsinnaangitsutut piumasaqaatigineqarsinnaasunik. Aalajangersagaq taanna aamma atuuppoq nalunaarut asseluunniit inummut toqoreersumut tunngassuteqartillugu.

**§ 95 a.** Inuk pisinnaatitaanani kinaassutsimik atornerluisutut eqqartuunneqassaaq ima pisoqartillugu

- 1) inuk alla pillugu paasissutissanik atusoq, matumani cpr-normu, ateq aamma asseq ilanggullugit atuilluni pissuserinnerunngitsumik taannaasusaartoq imaluunniit
- 2) atortussanik ingerlatitseqqittoq, tassani inuk alla pillugu paasissutissat atorneqarsimallutik, matumani cpr-normu, ateq aamma asseq ilanggullugit atuilluni pissuserinnerunngitsumik inuup taassuma pissusaa pillugu uukapaatitsiniarluni.

**§ 96.** Angerlarsimaffimmi eqqissiviilliortitsinermut eqqartuunneqassaaq kinaluunniit taamatut pisinnaatitaanani

- 1) allap illuanut imaluunniit tamanit orninneqarsinnaanngitsumut isertoq, imaluunniit
- 2) inuit allat illuisa eqqaanniit taamaalioqquneqaraluarluni qimagutinngitsoq.

**§ 97.** Aalajangersakkat §§ 94, imm. 1-imni aamma 96-imni taaneqartut assinganik atuutissapput kimulluunniit iliuutsimut peqataasimanani paasissutissanik unioqqutitsinikkut pissarsiarisanik pissarisumut imaluunniit taamatut pisinnaatitaanani atuisumut.

**§ 98.** Sioorasaarisutut eqqartuunneqassaaq kinaluunniit inummut allamut taassuma allalluunniit inuunerata, peqqissusaata, atugarissaarnissaataluunniit ajoquserneqarnissaanik annilaangatitserujussuar-nartumik iliuuseqarluni pinerluuteqarniarluni sioorasaarisooq.

*Imm. 2.* Inuup naatsorsuutigineqartumik imaluunniit pereersimasumik politiinut eqqartuussivimmulluunniit nassuaanissaanut atatillugu, nakuuserfigineqarnissamik qunusaarinikkut inummik, taassuma qanigisaanut imaluunniit tassunga atassuteqartumut ajortumik pinnittoq, taamatuttaaq eqqartuunneqassaaq.

**§ 99.** Nikanarsaataasumik ajuallatsitsisutut eqqartuunneqassaaq kinaluunniit inuup allap ataqqi-nassusaanik nikansaraasoq ajuallannartumik oqalulluni iliuuseqarluniluunniit, imaluunniit pisimasumut pasillummik saqqummiilluni siammerteraluniluunniit, ajuallatsitap inoqamminit ataqqineqarneranik millisitsissutaasumik imaluunniit pineqartup allanut atassuteqarneranik aamma ajoquisiisumik.

*Imm. 2.* Kinaluunniilli pasillummik eqqartuunneqarsinnaanngilaq pasilliutip ilumoortuunera up-ternarsarneqarpat imaluunniit tamanna isumapiloqarani oqaatigineqarsimappat aammalu taamaaliortoq oqaaseqarnissaminut pisussaasimappat, imaluunniit taamaaliorsimappat tamatumta qularutigisassaanngitsumik tamanut soqtiginaateqarnera imaluunniit imminut allanulluunniit iluaqtissaq pissutissaqartumik isumaginiarlugu.

*Imm. 3.* Taamaattorli kinaluunniit pasillummik ilumoortuuneranik uppernarsarneqartumik saq-qummiussisoq eqqartuunneqarsinnaavoq pasilliut ilusimigut pisariaqanngitsumik ajuallannartuuppat imaluunniit iliuuseqartoq pasilliinissaminut naleqquttumik patsisissaqanngippat.

*Imm. 4.* Inatsisit unioqqutillugit iliuuseqarneq uppernarsaaffigineqassanngilaq, pasilligaq nunagisamini imaluunniit nunami allami inaarutaasumik eqqartuussissutikkut tamatumunnga pinngitsuutinneqarsimappat.

*Imm. 5.* Nikanarsaaneq pillugu unnerluussut tunngavissaqanngippat, eqqunngitsuliorfigineqartup piumasaqaataa malillugu eqqartuussutip naanerani tamanna pillugu oqaaseqaat ilanngunneqassaaq.

*Imm. 6.* Inummik toqusimasumik nikanarsaasutut eqqartuunneqassaaq kinaluunniit nikanarsaataasunik oqaluttoq siaruaasorluunniit inummut toqusimasumut tunngatillugit.

**§ 99 a.** §§ 94-imik, 95 a-mik aamma 99-imik unioqqutitsinermi eqqartuussummi, oqaaseqaat, nalunaarut imaluunniit asseq il.il., tamanna ajornanngippat, nunguterneqassasoq, tamatuma peqatigisaanik aalajangerneqarsinnaavoq.

*Imm. 2.* Imm. 1 malillugu pisussaaffik, unioqqutitsinermik eqqartuunneqartup pisussaaffigaa. Taassuma oqaaseqaat, nalunaarut imaluunniit asseq atorsinnaanngippagu, taamatut atuisinnaasumut pisussaaffik pisussaaffinngortinneqarsinnaavoq.

**§ 100.** Kinaassusersiortutut eqqartuunneqassaaq kinaluunniit tamanut imaluunniit inunnut amerlasuunut siaruarterinissaq siunertaralugu oqaaseqartoq imaluunniit allatut iliorluni nalunaaruteqartoq, taamatut iliornermigut inuit eqimattat sioorasaarneqartillugit, asissorneqartillugit nikanarsarneqartillugillunniit naggiaut, amiisa qalipaataat, inuiannik naggueqatigiinnilluunniit kingoqqisuunerat, upperisaat imaluunniit kinguaassiuutinut tunngasutigut sumut samminerat pissutigalugu.

## Kapitali 22

### *Uumasunut pinerluttuliornerit*

**§101.** Uumasunik naalliutsitsinermut eqqartuunneqassaaq kinaluunniit naalliutsitsilluni, ilungersuaalliorittsilluni, paarinerluilluni allatigullunniit pissuseqarluni uumasunut naakkittaatsuliortoq.

## Kapitali 23

### *Pisuussutaatit tungaasigut pinerluttuliornerit*

**§ 102.** Tillinnermut eqqartuunneqassaaq kinaluunniit piginnitumik akuersisitsinani allap pigisaanik nikisinneqarsinnaasunik tigusisoq, tigusinermigut pisassarinngisamik imminut iluanaartinniarluni imaluunniit allat iluanaartinniarlugit. Pigisanut nikisinneqarsinnaasunut matumani malittaani lu sanilliunneqarpoq nukissiaq pilersinneqartoq, paarineqartoq atorneqartorluunniit qaammaqquqtiessiornermut, kiassaanermut, nukissiornermut aalatitsinissamulluunniit imaluunniit allatut ittumik aningaarsasiutigineqarnissaa siunertaralugu.

**§ 103.** Nassaaamik peqquserlulluni atuinermut eqqartuunneqassaaq kinaluunniit taamatut iliornermigut pisassarinngisanik imminut iluanaartinniarluni imaluunniit allat iluanaartinniarlugit pigisamik nikisinneqarsinnaasumik inummit paarineqanngitsumik imaluunniit piginnituata puigorsimasaanik assigisaanilluunniit nassaartup nalaatsortumik tigummilersimasaanik tigusisoq.

**§ 104.** Peqquserluttuliornermut eqqartuunneqassaaq kinaluunniit taamatut iliornermigut pisassarinngisanik imminut iluanaartinniarluni imaluunniit allat iluanaartinniarlugit peqqusersiorluni inummiik allamik iliuuseqartitsisoq imaluunniit iliuuseqanngitsoortitsisoq, taamaaliornermigut pisuussutaatinik annertuumik annaasaqartitsilluni.

*Imm. 2.* Taamatuttaaq eqqartuunneqassaaq kinaluunniit, imm. 1 atuutissappat piumasarineqartut naammassineqarsimatinngag, inatsisinut akerliusumik pissuseqarluni piaaraluni imaluunniit mianersuaalliorujussuarluni inummik paasinerluisumik paasinerluineq pissutigalugu iliuuseqartitsisoq imaluunniit iliuuseqanngitsoortitsisoq, taamaaliornermigullu pineqartoq imaluunniit alla, iliuuseqarneq iliuuseqanngitsoornerluunniit taassumunnga pingaaruteqarluni, pisuussutaatinik annertuumik annaasa-

qartillugu.

**§ 105.** Qarasaasianut tunngasutigut peqquserluttuliornermut eqqartuunneqassaaq kinaluunniit taamatut iliornermigut pisassarinngisanik imminut iluanaartinniarluni imaluunniit allat iluanaartinniarlugit qarasaasiami paassisutissanik imaluunniit qarasaasiakkut suliaqarnermut programminik inatsisinut akerliusumik allanngortitsisoq, ilasisoq imaluunniit piaasoq imaluunniit qarasaasiakkut suliaqarnerup taamaattup inernerinik inatsisinut akerliusumik sunniiniarsarisoq.

**§ 106.** Allap piinik imminut paarititanik peqquserluttuliornermut eqqartuunneqassaaq kinaluunniit taamatut iliornermigut pisassarinngisanik imminut iluanaartinniarluni imaluunniit allat iluanaartinniarlugit

- 1) allap pigisaanik nikisinneqarsinnaasumik aningaasanilluunniit imminut paarititaasunik tigusisoq, imaluunniit,
- 2) taarsigassarsiamik imaluunniit akiligassatut tunniussamik tigusaqarsimanerminik miserratiginnittoq.

*Imm. 2. Aalajangersakkamut imm. 1, nr. 1-imiittumut ilaatinneqanngilaq pigisanik pisianik, akii-sa tamarmiusut akilerneqarnissaata tungaanut nioqquteqartup piginnittussaassuseqarfigisaanik, atuisin-naaneq.*

**§ 107.** Piginnaatitaanermik atornerluinermut eqqartuunneqassaaq kinaluunniit, iliuuseq §§ 102-106-imi aalajangersakkanut atasuunngippat, iliuuseqarnermigut pisassarinngisanik imminut iluanaartinniarluni imaluunniit allat iluanaartinniarlugit inummut allamut pisuussutaatinik annaasaqaqtitsisoq

- 1) annaasaqaqartoq sinnerlugu inatsisitigut sunniuteqartumik iliuuseqarnissamut perarfissinneqarnerminik atornerluilluni, imaluunniit
- 2) aningaasanik nalilinnut tunngasuni, inuk alla sinnerlugu paarititaasunik, paarsisitsisumut pitsaanerusussap akerlianik iliorluni.

**§ 108.** Pinngitsaaliilluni iliuuseqartitsiniarnermut eqqartuunneqassaaq, iliuuseq § 112-mut atasuunngippat

- 1) kinaluunniit taamatut iliornikkut pisassarinngisanik imminut iluanaartinniarluni imaluunniit allat iluanaartinniarlugit sioorasaarisoq nakuuserniarluni, pigisanik annertuumik aseruiniarluni imaluunniit kiffaanngissusiaaniarluni, pinerluummut pineqaatissiissutaasussamut nikanarsaataasussamulluunniit pasilliummik ilumuunngitsumik saqqummiussiniarluni imaluunniit pissutsit inummut tunngalluinnartut saqqummiunniarlugit, imaluunniit
- 2) kinaluunniit sioorasaarisoq pisimasoq pineqaatissiissutaasussaq nalunaarutiginiarlugu imaluunniit saqqummiunniarlugi imaluunniit pasilliutinik ilumoortunik nikanarsaataasunik saqqummiussaqarniarluni, taamaaliornermigut imminut iluanaartinniarluni imaluunniit allat iluanaartinniarlugit, pisimasumut, sioorasaarinermut pissutaasumut, naleqquttumik tunngaveqanngitsumik.

**§ 109.** Akiitsugaqarfimmut peqquserluuteqartutut eqqartuunneqassaaq kinaluunniit taamaaliornermigut pisassarinngisamik imminut iluanaartinniarluni imaluunniit allat iluanaartinniarlugit

- 1) pigisanik nammineq pigisaminik, aamma allap pingatsiuttup piginnittussaaqataaffigilersimasaanik, tunisisoq allatulluunniit iliorluni atuisoq, akuerineqarsinnaanngitsumik imaluunniit
- 2) sallulluni patsisissarsiornermigut, pisuusaarnermigut, atuivallaarnermigut imaluunniit allatut assingusumik iliuuseqarnermigut pigisaminik imaluunniit pisassarisaminik akiitsugaqarfimminut tamakkualuunniit ilaannut akiliutissatut atuinaveersaartitsisoq.

**§ 110.** Iluanaarniapilunnermut eqqartuunneqassaaq kinaluunniit inoqammi aningaasatigut imaluunniit inuttut ajornartorsiornaranik, ilisimasakinneranik, isumanerluuteqannginneranik imaluunniit

tunaartaqarneranik atornerluilluni isumaqtigiissuteqarnermi akiliutissanik, nammineq tunniussimasa-minut naleqqiullugit naleqqutinngippallaartunik imaluunniit akilerneqartussaangitsunik, akiliisitsini-artoq imaluunniit akileeqqusisoq.

*Imm. 2.* Taamatuttaaq eqqartuunneqassaaq kinaluunniit, imm. 1-im i piumasarineqartut atorne-qarsinnaatinnagit, isumaqtigiissuteqarnermi isumaqtigiissuteqarfingisami aningaasatigut ajornartorsi-orneranik imaluunniit taassumap appasinnerusumik inissisimaffeqarneranik assuarnartumik iliuuse-qarluni atornerluisoq.

**§ 111.** Iliuuserisaq § 111 a-mut ilaanngippat, tillitanik atueqataanermut eqqartuunneqassaaq kinaluunniit iluanaarutinik inatsisinik unioqquitsinikkut, pinerluttulerinermi inatsisitigut akisussaatitaanermik kinguneqarsinnaasukkut, pissarsiaasimasunik taamaaliortussaanani tigusisoq imaluunniit pissarseqataasoq allanilluunniit pissarseqataatsisoq, aamma kinaluunniit taamaaliortussaanani toqqinermigut, paarinninnermigut, angallassinermigut, tuniniaanermut ikuunnermigut imaluunniit taakku assigisaannik iliuuseqarnermigut inuup allap iluanaarutinik pinerlunnermiit, pinerluttulerinermi inatsisitigut akisussatinneqarnermik kinguneqarsinnaasumiit, pissarsianik pissarsinissaanik kingusinnerusukkut qularnaarisitsisoq.

*Imm. 2.* Aalajangersagaq manna malillugu pinerluttulerinermi inatsisitigut akisussatinne-qarsinnaanngilaq kinaluunniit iluanaarutinik ilaquitaminiit imaluunniit inooqatigisaminiit tigusaqartoq nalinginnaasumik pilersuinermut atugassanik tigusaqartoq imaluunniit iluanaarutinik tigusaqartoq ullu-innarni atortusanut, pisattanut kiffartuussinernulluunniit nalinginnaasumik akiliutaasunik.

»**§ 111 a.** Aningaasanik malunnarunnaarsitsiniaasutut eqqartuunneqassaaq inuk aningaasanik pinerluuteqarnikkut toqqaannartumik toqqaannanngitsumilluunniit pissarsiari simasaminik allanngortitsisoq imaluunniit nuussisoq, inatsisinik unioqquitsinikkut pinngorfeqarnerat toqqorteriarlugu imaluunniit malunnarunnaarsinniarlugu.

**§ 112.** Ujajaanermut eqqartuunneqassaaq kinaluunniit pisassarinngisaminik imminut iluanaartin-niarluni imaluunniit allat iluanaartinniarlugin nakuuserluni imaluunniit tassuuguinnaq nakuusernissaminik siorasaaraluni

- 1) allap pigisanik nikisinneqarsinnaasumik arsaarinnittoq imaluunniit pinngitsaalii luni tuniussitisosoq,
- 2) pigisamik tillitamik isumannaarisoq, imaluunniit
- 3) inummik pinngitsaalii isoq iliuuseqartitsilluni iliuuseqanngitsoortitsilluni luunniit, saassunneqartumut imaluunniit taanna sinnerlugu iliuuseqartup nalilinnik annasaqarneranik kinguneqartumik.

**§ 113.** Pigisanik aseruinermut eqqartuunneqassaaq kinaluunniit allap pigisanik piaaraluni aseroterisoq, innarliisoq imaluunniit peersisoq, imaluunniit mianersuaalliorujussuarluni annertuumik aseroterisoq.

*Imm. 2.* Taamatuttaaq eqqartuunneqassaaq kinaluunniit nammineq pigisani aseroterlugit, innarlerlugit imaluunniit peerlugit akiligassaqarfingisaminut imaluunniit tamakkua arlaannut akiginissaannut atortussaajunnaarsitsisoq.

**§ 114.** Akuerineqarani atuinermut eqqartuunneqassaaq kinaluunniit taamatut pisinnaatitaanani allap pigisanik atuisoq.

*Imm. 2.* Taamatuttaaq eqqartuunneqassaaq kinaluunniit pisinnaatitaanani allap pigisaminik atui-sinnaaneranik tamakkiisumik imaluunniit ilaannakortumik akornusiisoq.

**§ 115.** Eqqartuussisut suliassaannik namminersuussinermut eqqartuunneqassaaq kinaluunniit inatsisinik unioqquitsilluni namminersuussiniartoq.

**§ 116.** Iluanaarutissatut utertitsissutinik tigusaqarnermut imaluunniit tunniussaqarnermut eqqartuunneqassaaq kinaluunniit, § 107-imik piumasarineqartut atuutsinnagit, inuup allap pigisaanik aningaasanik nalilinnik isumaginnitsilluni pisussaanini uniorlugu nammineq pissaminik allalluunniit pissaanik tigusaqartoq, piumasaqartoq imaluunniit tunisummik iluaqtissamilluunniit allamik neriorsortittoq, aamma kinaluunniit tunisummik iluaqtissamilluunniit taamaattumik tunisisoq, neriorsuisoq imaluunniit neqerooruteqartoq.

**§ 117.** Eqqartuussisumut isumaqatigiisitsiniaasartumut akiliilluni peqquserlutsitsinermut eqqartuunneqassaaq kinaluunniit tunisummik imaluunniit allamik iluaqtissamik eqqartuussisutut isumaqatigiisitsiniartartutut Kalaallit Nunaanni, Savalimmiuni, Qallunaat Nunaanni imaluunniit nunami allami atorfiliimmuit pisinnaatitaanani tunniussisoq, neriorsuisoq imaluunniit neqeroorfiginnittooq, pineqartoq taamatut atorfegarnerani iliuuseqartinniarlugu imaluunniit iliuuseqanngitsortinniarlugu.

*Imm. 2.* Taamatuttaaq eqqartuunneqassaaq kinaluunniit Kalaallit Nunaanni, Savalimmiuni, Qallunaat Nunaanni imaluunniit nunami allami eqqartuussisutut isumaqatigiisitsiniaasartutut atorfegarnerminut atatillugu tunisummik imaluunniit allamik ajungitsorsiassamik pisinnaatitaanani tigusaqartoq, piumasaqartoq imaluunniit tuneqqusoq.

### **Immikkoortut pingajuat**

#### **Pineqaatissiissutissat**

##### **Immikkoortoq I**

###### **Pineqaatissiissutissat pillugit aalajangersakkat nalinginnaasut**

###### **Kapitali 24**

*Pineqaatissiissutissanik toqqaaneq uuttuinerlu*

**§ 118.** Eqqartuussisuusut unnerluutigineqartup pinerluuteqarsimaneranik eqqartuussissutikkut aalajangiitigalutik eqqartuussisummi aalajangiissapput pineqaatissiissutit § 119-imik taagorneqartut arlaat suna atorneqassanersoq, taamaattorli tak. § 121, imm. 2.

**§ 119.** Eqqartuussisuusut aalajangiisinnaapput makkuninnga:

- 1) Mianersoqqusineq, tak. kapitali 25.
- 2) Akiliisitsineq, tak, kapitali 26.
- 3) Piumasaqaasiinikkut utaqqisitamik inissiisarfimmiittussanngortitsilluni eqqartuussissut, tak. kapitali 27.
- 4) Nakkutigisassanngortitsilluni eqqartuussissut, tak. kapitali 28.
- 5) Inuiaqatigiinnik kiffartuussisussanngortitsilluni eqqartuussissut, tak. kapitali 29.
- 6) Inissiisarfimmiittussanngortitsilluni nakkutigisassanngortitsillunilu eqqartuussissut, tak. kapitali 30.
- 7) Inissiisarfimmiittussanngortitsineq, tak. kapitali 31.

*Imm. 2.* Eqqartuussisuusut taarsiullugu aalajangiisinnaapput:

- 1) Inuuusuttunut ikuutissat immikkut ittut, tak. kapitali 32.
- 2) Niaqulaartunut imaluunniit eqqarsartaatsimikkut amigaatilinnut pineqaatissiissutit immikkut ittut, tak. kapitali 33.
- 3) Immikkut paarisassanngortitsineq, tak. kapitali 34.

## § 120. (atorunnaarsinnejarpooq)

### § 121. Pineqaatissiisummik toqqaanermi uuttuinermilu eqqarsaatigineqassapput

- 1) inatsisinik unioqqutitsinerup peqqarniissusia, matumani ilanngunneqassalluni iliuutsit taamatut ittut akiornissaannut inuiaqatigiit soqutiginninnerat, aamma
- 2) pinerluuteqarsimasup inuttut atugai, matumani ilanngunneqassalluni pineqartup inatsisinik unioqqutitseqqinissaa pinaveersaartinniarlugu pisariaqarsorineqartut.

*Imm. 2.* Pissutsit immikkut ittut taamatut iliornissamut atuuppata eqqartuussisuusut pineqaatisiisuteqanngitsoorsinnaapput. Taamatut pisoqartillugu eqqartuussisuusut tamanna eqqartuussisummi aalajangiiffigissavaat.

**§ 122.** Eqqartuussaq tigusaaqqasimappat, tigummigallagaasimappat imaluunniit eqqarsartaatsikut misissugassanngorlugu unitsitaasimappat inissiisarfimmiittussanngortitsilluni eqqartuussummi ullunniit aalajangersimasumik amerlassusilinnik sivikillisaasoqassaaq, ullut kiffaanngissusiiagaaffiit imaluunniit uninngatitaaffiit aallarnerneqarnerisa sivisoqataannik. Kiffaanngissusiiaanerit minnerpaamik nalunaaquttap akunnerinik 24-nik sivisussuseqarsimanngitsut sivikillisaataassanngillat. Eqqartuussisuusut aalajangiinerat naapertorlugu eqqartuussaq kiffaanngissusiiagaanermi nalaani kisimiititaalluni inissinnejarsimappat suli ullunik aalajangersimasunik amerlassusilinnik sivikillisaasoqassaaq, eqqartuussap kisimiititaalluni inissinnejarfingisimasaani ullut unnuallu pingasut aallartinneri tamaasa ulloq ataaseq sivikillisaatigineqarluni. Eqqartuussisummi nalunaarutigineqassapput kiffaanngissusiiagaanerit, uninngatitaanerit kisimiititaallunilu inissitaanerit ilanngaatissat qanoq sivisutigisimasut. Eqqartuussisuusut qaqutigoortumik aalajangersinnaavaat inissiisarfimmiittussanngortitsineq tamarmi naammassineqareersimasutut isigineqassasoq, naak inissiisarfimmiittussanngortitsineq eqqartuussissutaasimasoq eqqartuussap kiffaanngissusiiagaasimaneranit uninngatitaasimaneranilluunniit sivisunerugaluartoq. Suliareqqitassanngortitsinissaq itigartitsissutigineqarpat imaluunniit taamaatiinnarneqarpat aalajangiineq taamatut ittoq eqqartuussivimmit qulliunerusumit aalajangerneqassaaq. Akiliisitsineq eqqartuussutigineqarsimappat eqqartuussisummi aalajangerneqassaaq akiliutigisaq taassumaluunniit ilaa naammassineqareersutut isigineqassasoq.

*Imm. 2.* Imm. 1 taamatuttaaq atuutissaaq § 139, imm. 2 malillugu eqqartuussivikkut aalajangierni, eqqartuussaq aalajangiineq sioqqullugu tigusaaqqasimagaangat imaluunniit tigummigallagaasimagaangat.

*Imm. 3.* Eqqartuussaq tigusaaqqasimappat, tigummigallagaasimappat imaluunniit eqqarsartaatsimigut misissuiffigineqassalluni nunami allami napparsimmavimmi uninngasimappat eqqartuussisuusut aalajangissavaat tamanna pineqaatissatut eqqartuussisummi qanoq annertutigisumik sivikillisaataassneroq.

*Imm. 4.* Imm. 1, oqaaseqatigiinni siullerni tulliinilu aalajangersakkat taamatuttaaq atuupput inunnut saammaassaanissamut imaluunniit misiliummik iperagaanissamut piumasarineqartunik unioqqutitsinertik pissutigalugu tigusaaqqareerlutik imaluunniit tigummigallagaareerlutik pineqaatissiisumik naammassinninniarlutik inissitaasunut.

### § 123. Pissutsit sakkukinnerusumik pineqaatissiinermut imaluunniit pissutsit najoqqutaralugit pineqaatissiinngitsoornermut patsisigineqarsinnaasutut naatsorsuunneqarput

- 1) iliuuseqartoq iliuuseqarsimappat inatsisit, iliuuseqarnissamut inerterisut imaluunniit peqqusisut, utoqqatsissutaasinnaasumik ilisimanagit imaluunniit utoqqatsissutaasinnaasumik paasinerlullugit,
- 2) iliuuseqartoq allatut ajornartumik illersuisariaqalernermut imaluunniit illersuisinnaatitaanermut killissaritanik qaangiisimappat,
- 3) iliuuseqartoqarsimappat isummakkut puffassimaarluni, unioqqutitsilluni saassussinerup pilersitaanik imaluunniit pinerlineqartup tungaaniit ajuallatsitaarujuussuarnerup pilersitaanik, imaluunniit aamma iliuuseqartoqarsimappat killitsinnerujussuup pilersitaanik imaluunniit tarnikkut eqqissisimajunnaallatsiarnerup pilersitaanik,

- 4) iliuuseqartoq iliuuseqartinneqarsimappat inummut allamut atasorujussuunini pissutigalugu imaluunniit annertuumik ajoqsiinissamik siorasaarneqarluni,
- 5) inatsisinik unioqqutitsisoq iliuuseqarnermut soqtaarpianngitsumik ikiuunniarsimappat imaluunniit anguniagaareersoq soqtaarpianngitsumik sakkortusiniarsimappagu,
- 6) inatsisinik unioqqutitsiniarneq naammassineqarsimanngippat, pingartumik iliuuseqartoq nammineq piumassutsiminik, iliuuseqarnermullu imaluunniit taamatut iliornikkut siunertariniakkap nammassineranut nalaatsortumik akornutissat pissutiginagit, tunuarpat imaluunniit naammassiniaaneq akornusersimappagu imaluunniit akornusersiaraluarsimappagu,
- 7) iliuuseqartup inatsisinik unioqqutitsineq naammassineqareersoq nammineq piumassutsiminik nivalisitsineq iliuutsip nassatarisaa pinngitsoortissimappagu, imaluunniit ajoqsiineq iliuutsikkut pilersitaq aaqqeqqissimappagu imaluunniit aaqqeqqinniaraluarsimappagu,
- 8) iliuuseqartoq nammineq piumassutsiminik politiinut imminut oqaatigisimappat aamma tamakkii-sumik nassuersimappat, imaluunniit
- 9) pissutsinik immikkut ittunik inatsimmik unioqqutitsinerup pineqartup sakkukinnerusumik naliliivineqarnissaanut tunngavissaqartitsisoqarpat.

**§ 124.** Inuk eqqartuussaareersimasoq inatsisinik unioqqutitsinermut, eqqartuussissuteqarneq sioqullugu piliarineqarsimasumut, pisuutinneqarpat eqqartuussisuusut nutaamik pineqaatissiissapput, taamatulli iliortoqassanani eqqartuussisuusut isumaqarpata siornatigut pineqaatissiissutaasimasoq naammattoq. Siornatigut pineqaatissiissutaasimasoq tamakkerlugu naammassineqarsimanngippat pineqaatissiissutut nutaaq eqqartuussissutigineqarsinnaavoq siusinnerusukkut eqqartuussissutigineqarsimasumut taarsiullugu.

## Immikkoortoq II

### Pineqaatissiinerit ataasiakkaat aamma pinerluuteqarnermi inatsisitigut kinguneqartitsinerit allat

Kapitali 25

*Mianersoqqussut*

**§ 125.** Mianersoqqusineq atorneqarsinnaavoq inatsisinik unioqqutitsineq annikilluinnartumik peqqarniissuseqarpat, pingartumillu iliuuseqartoq siusinnerusukkut pineqaatissinneqarnikuunngippat.

**§ 126.** Mianersoqqussut eqqartuussisuusuniit eqqartuussamut nalunaarutigineqartassaaq, tamanalnu ilutigalugu eqqartuussisummi allanneqartassaaq suliassaq mianersoqqussuteqarnikkut naammassineqarsimasoq.

Kapitali 26

*Akiliisitsissut*

**§ 127.** Akiliisitsissuteqarneq atorneqarsinnaavoq sakkortunerusumik pineqaatissiissuteqarnissaq pisariaqanngippat.

*Imm. 2.* Akiliisitsisoqarsinnaavoq pineqaatissiissutinut allanut tapiliullugu, pingartumik unnerluutigineqartoq inatsisinik unioqqutitsinermigut aningaasatigut imminut iluanaaruteqartissimappat allanilluunniit iluanaaruteqartitsisimappat imaluunniit tamanna anguniagarisimappagu.

*Imm. 3.* Akiliisitsissutissamik annertussusiliinermi § 121-mi taaneqartut saniatigut iliuuseqartup akiliisinhaassuseqarnera aamma iluanaarutitut pissarsiap anguniakkalluunniit annertussusaa isiginiarneqassapput.

*Imm. 4.* Akiliisitsissutit naalagaaffiup karsianut nakkassapput, taamaassananili inatsisini allani allatut ittumik aalajangiisoqarsimappat.

**§ 128.** Eqqartuussisuusut akiliisitsissutip akilerneqarnissaanut piffissarititaasoq eqqartuussissumi aalajangersarsinnaavaat.

*Imm. 2.* Politiit eqqartuussamit noqqaavigineqarlutik aalajangiisinhaapput akiliisitsissut naafferatumik akilersorneqassasoq.

*Imm. 3.* Akiliisitsissut akilerneqanngippat akilersinniarneqassaaq qularnaveeqqutitut sillimmasiinikkut imaluunniit aningaasarsianit pisassanilluunniit allanit ilanngaassinikkut eqqartuussisarnermik inatsimmi kapitalini 45-47 aalajangersakkat naapertorlugit.

*Imm. 4.* Akiliisitsissut akilersinneqarsinnaanngippat aamma isumaqartoqartariaqarpat eqqartuussaq pinaaserluni akiliinaveersaartoq, eqqartuussisuusut suliassani pisortanit unnerluussissutigineqartussaasuni politiinit noqqaavigineqarlutik aalajangersinnaavaat eqqartuussaq inissiisarfimmut piffissami aalajangersimasumi inissinneqassasoq.

*Imm. 5.* Imm. 4 naapertorlugu inissiisarfimmiiittussanngortitsinermik sivisussusiliinermi akiligas-sap akiitsorineqartup qanoq annertutiginera isiginiarneqartassaaq. Tamatuma 10.000 koruunit qaanger-simanngippagit ullut qulit qaangerlugit inissiisarfimmiiittussanngortitsineq atorneqarsinnaanngilaq. Qanorluunniit pisoqaraluarpal 60-it qaangerlugit inissiisarfimmiiittussanngortitsinissaq pillugu aalajangiisoqarsinnaanngilaq.

*Imm. 6.* Imm. 2-5-imti aalajangersakkat taamatuttaaq atutissapput akiliisitsissutinut allaffisor-nikkut pisortani aalajangiunneqarsimasunut.

## Kapitali 27

### *Inissiisarfimmiiittussanngortitsinissaq piumasaqaasiinikkut utaqqisitaq*

**§ 129.** Inissiisarfimmiiittussanngortitsinissaq piumasaqaasiinikkut utaqqisitaq atorneqarsinnaavoq,

- 1) tamanna iliuuseqartup inatsisink unioqqutitseqqitsaalineqarnissaanut naammassorineqarpat, aamma
- 2) inatsisink unioqqutitsinerup peqqarniissusaa pineqaatissiisummik tamatuminnga atuinissamut akerliunngippat.

*Imm. 2.* Eqqartuussisuusut inissiinerup sivisussusissaq eqqartuussissummi aalajangersassavaat tamannalu ilutigalugu aalajangersassavaat pineqaatissiisutip naammassineqarnissaa kinguartinneqas-sasoq atorunnaassasorlu misiliutaasumik piffissarititaq qaangiuppat. Misiligungutaasumik piffissarititap ukiut pingasut qaangersimasinnaanngilai.

*Imm. 3.* Inatsisink unioqqutitsisoq 18-it inorlugit ukiulik inissiisarfimmiiittussanngortitsinissamik piumasaqaasiinikkut utaqqisitamik eqqartuunneqassanngilaq, aatsaalli taamatut eqqartuunneqarsinnaal-luni pissutsit immikkut ittut inissiisarfimmiiittussanngortitsinissamik piumasaqaasiinikkut utaqqisitamik atuinissaq pisariaqartippassuk.

**§ 130.** Eqqartuussaq misiligungutitut piffissarititap eqqartuussisuusunit aalajangikkap ingerlanerani inatsisink unioqqutitseqqippat suliassarlu eqqartuussivimmut suliassiissutigineqarpat misiligungutitut pif-fissarititaq suli qaangiutinngitsoq, taava eqqartuussisuusut pinerluummut tassunga aammalu inatsisink unioqqutitsinermut siusinnerusukkut eqqartuussissutaasimasumut ataatsimut pineqaatissiissuteqassap-put.

*Imm. 2.* Taamaaliornissaq pissutsinit ilalernartinneqarpat eqqartuussisuusut inatsisink unioqqu-titseqqinnermuinnaq pineqaatissiissuteqarsinnaapput.

## Kapitali 28

### *Nakkutigisassanngortitsilluni eqqartuussissut*

**§ 131.** Nakkutigisassanngortitsilluni eqqartuussuteqarneq atorneqarsinnaavoq

- 1) iliuuseqartup ikorfartorneqarnissaq imaluunniit katsorsarneqarnissaq pisariaqartippagu,
- 2) nakkutilliineq nakkutigisaanerup nassatarisaa pisariaqartinneqarpat, aammalu
- 3) inatsisinik unioqqutitsinerup peqqarniissusaa pineqaatissiissutip tamatuma atornissaanut aalajangiisuusumik akerliunngippat.

*Imm.* 2. Iliuuseqartoq 18-it inorlugit ukiulik nakkutigisassanngortinnejarluni eqqartuunneqas-sanngilaq, aatsaalli taamatut eqqartuunneqassalluni pissutsit immikkut ittut nakkutigisassanngortitsilluni eqqartuussissuteqarnissamik atuinissaq pisariaqartippassuk.

**§ 132.** Nakkutigisassanngortitsilluni eqqartuussissuteqarnermi eqqartuussisuusut aalajangissavaat eqqartuunneqartoq nakkutilliisumit, eqqartuussisuusut ivertitaannit, imaluunniit pinerluuteqarsimasunik isumaginnitoqarfimmit nakkutigineqassasoq. Pinerluuteqarsimasunik isumaginnitoqarfik nakkutigin-nituussaguni nakkutilliisussamik ivertitsissaaq, aalajangersaassaarlu qanoq akulikitsigisumik qanorlu iliorluni eqqartuussap nakkutilliisuni atassuteqarfigisassaga.

*Imm.* 2. Nakkutigineqarnissap qanoq sivisutiginissaa eqqartuussisuusut aalajangissavaat, taman-nalu nalinginnaasumik ukiunit pingasunit sivisunerusinnaanngilaq. Immikkut ittumik pissutissaqarto-qartillugu ukiut tallimat angullugit nakkutigineqarnissaq aalajangerneqarsinnaavoq.

*Imm.* 3. Eqqartuussisuusut eqqartuussissummi §§ 133-136 naapertorlugu piumasaqaasiisinnaapp-put. Tamakkua sivisussusissaasa, eqqartuussisuusunit aalajangerneqartussaasup, nakkutigisassanngor-titsinermut piffissaliussaq qaangersimasinnaanngilaat.

**§ 133.** Eqqartuussaq peqquneqarsinnaavoq pinerluuteqarsimasunik isumaginnitoqarfip najuga-qarneq, suliffeqarneq, ilinniagaqarneq, sunngiffimmik atuinissaq imaluunniit inunnik aalajangersima-sunik ilaqaqtarneq pillugit aalajangersagaanik malerauassasoq. Taamaakkaluartorli pinerluuteqarsimas-unik isumaginnitoqarfik taamaallaat aalajangiisinnaavoq eqqartuussaq nunaqarfigeriikkami imaluun-niit najugaqarfigeriikkami avataani najugaqassasoq, sulissasoq ilinniagaqassasorluunniit, tamanna pil-lugu eqqartuussissummi aalajangiisoqarsimappat.

*Imm.* 2. Siunertarisamut naleqquttuusorinarneruppat aalajangersakkat imm. 1-imi taagukkatut ittut eqqartuussissummi aalajangereerneqarsinnaapput.

**§ 134.** Eqqartuussisuusut eqqartuussissummi immikkut aalajangikkamik piumasaqaasiisinnaapp-put eqqartuussaq pinerluuteqarsimasunik isumaginnitoqarfip aalajangiinera naapertorlugu anger-larsimaffimmi piukkunnartumi najugaqassasoq, soorlu inuinnaat angerlarsimaffianni imaluunniit paaq-qinnifimmi.

*Imm.* 2. Siunertarisamut naleqquttuusorinarneruppat eqqartuussap imm. 1-imi taaneqartutut naju-gaqarnissaa pillugu eqqartuussissummi piumasaqaaseereertoqarsinnaavoq.

*Imm.* 3. Imm. 1 aamma 2 naapertorlugit piumasaqaasiinermut atatillugu najugaqarnissap sivisu-nerpaaffissaa tamatumunnga peqatigitillugu aalajangerneqassaaq.

**§ 135.** Eqqartuussisuusut eqqartuussissummi piumasaqaasiisinnaapput eqqartuussaq pinerluu-teqarsimasunik isumaginnitoqarfip aalajangiinera naapertorlugu

- 1) imigassamik, ikiaroornartunik assigisaannillu atuipilunnermut katsorsartissasoq, pisariaqassappat paaqqinnifimmi immikkut ittumi imaluunniit Kalaallit Nunaanni napparsimmavissuarmi,
- 2) nakorsamit katsorsartissasoq, pisariaqassappat Kalaallit Nunaanni napparsimmavissuarmi, imaluun-niit
- 3) tarnip pissusaanik imaluunniit tarnimigut/atoqatigiinermut tunngasutigut katsorsartissasoq.

*Imm. 2.* Siunertarisamut naleqquttusorinarneruppat pineqaatissiissutit imm. 1-imiktaagorneqartut eqqartuussisummi aalajangereerneqarsinnaapput.

**§ 136.** Tamakkua sanitigut siunertarisamut naleqquttusorinartunik allanik piumasaqaasiisoqarsinnaavoq, ilanngulluguttaaq piumasaqaatigineqarluni eqqartuussaq

- 1) imigassamik, ikiaroornartunik assigisaannillatuipilunnaveersaassasoq,
- 2) imigassartornaveersaassasoq imaluunniit imigassamik pissarsiniarnaveersaassasoq,
- 3) isertitanik pisuussutaatinillatuuinissamut killilersuinissaq pillugu aamma aningaasatigut pisussaaffinnik naammassinninnissaq pillugu pinerluuteqarsimasunik isumaginnitqarfiiup aalajangersaa-neranik maleruaassasoq.

**§ 137.** Aalajangersakkat, eqqartuussisummi aalajangersarneqarsimasut, kingusinnerusukkut eqqartuussisuuunit atorunnaarsinneqarsinnaapput imaluunniit nakkutigineqarnerup nalaani allanngortinneqarsinnaapput unnerluussisussaatitaasuniit, pinerluuteqarsimasunik isumaginnitqarfimmuit imaluunniit eqqartuussaasumiit noqqaassuteqarneq naapertorlugu. Pinerluuteqarsimasunik isumaginnitqarfiiup imaluunniit eqqartuussap noqqaassutaa unnerluussisussaatitaasunut saqqummiunneqassaaq, taakkualu suliassaq eqqartuussivimmut piaernerpaamik saqqummiutissavaat.

*Imm. 2.* Atorunnaarsitsinissamik allanngortitsinissamilluunniit eqqartuussap noqqaassutaa akuerineqanngippat tamanna aatsaat eqqartuussivimmut saqqummiuteqqinnejqarsinnaavoq aalajangiinermiit ukiup affaa ingerlareerpat.

**§ 138.** Eqqartuussaq nakkutigisaanermi nalaani inatsisinik unioqqutiseqqippat suliassarlu eqqartuussivimmut saqqummiunneqarpat nakkutigisaaneq qaangiutsinnagu, eqqartuussisuuut pinerlummut tamatumunnga inatsisinillu unioqqutitsinermut siusinnerusukkut eqqartuussisutaasimasumut aataatsimut pineqaatissiissapput. Taamaaliornissaq pissutsinit ilalernartinneqarpat eqqartuussisuuut inatsisinik unioqqutiseqqinnerinnaq pineqaatissiissutigisinnaavaat.

**§ 139.** Eqqartuussap nakkutigisaanissani pinaveersaartippagu imaluunniit piumasarineqartutut nalunaarutigineqarsimasut unioqqutippagit, unnerluussisussaatitaasut suliassaq uninngatinnagu eqqartuussivimmut saqqummiutissavaat, eqqartuussisullu

- 1) eqqartuussaq mianersoqqusinnaavaat, imaluunniit
- 2) piumasarineqartut ilasinnaavaat allanngortissinnaallugilluunniit aamma nakkutigisaanissamut pif-fissarititaq sivitsorsinnaavaat § 132, imm. 2-mi sivisunerpaaffiliinissamut aalajangersakkap iluani.

*Imm. 2.* Qanoq iliornissamut piareersaatit imm. 1-mi taagorneqartut eqqartuussap eqqartuussisummik malinaatinnissaanut naammanngippata, eqqartuussisuuut tamatumunnga taarsiullugu aamma imaluunniit akiliisitsisummik eqqartuussisseqarsinnaapput, imaluunniit pisariaqassappat pineqartoq eqqartuullugu inissiisarfimmut inissinneqartussanngortissinnaavaat piffissami aalajangersimasumi, qaammatinik pingasunik sivisunerusinnaanngitsumik. Taamatut iliornermi § 151-imi aalajangersagaq taamatulli atutissaq.

*Imm. 3.* Nakkutigisaanissap ingerlanneaannarnissaa iluaqtaasorineqanngippat eqqartuussisuuut eqqartuussissut atorunnaarsissinnaavaat tamatumunngalu atatillugu allamik pineqaatissiillutik.

## Kapitali 29

### *Inuiaqatigiinni sulisitaanissamik eqqartuussissut*

**§ 140.** Inuiaqatigiinni sulisitaanissamik eqqartuussissut atorneqarsinnaavoq

- 1) iliuuseqartoq taamatut eqqartunneqarnissaminut piukkunnaateqarpat, aamma

- 2) inatsisinik unioqqutitsinerup peqqarniissusaa eqqarsaatigalugu inissiisarfimmiittussanngortitsinissaq piumasaqaasiinikkut utaqqisitaq imaluunniit nakkutigisassanngortitsinissaq naammassorine-qanngippata.

**§ 141.** Eqqartuussisuusut inuaqatigiinni sulisitaasussanngortitsillutik eqqartuussissuteqarnerminni aalajangissavaat pinerluuteqarsimasunik isumaginnittoqarfiup erseqqinnerusumik aalajangiinera naaperlorlugu eqqartuussaq akissarsiaqarani inuaqatigiinni sulisitaassasoq sivikinnerpaamik nalunaaquttap akunnerini 40-ni sivisunerpaamillu nalunaaquttap akunnerini 240-ni. Sulisussaatitaanermik aala-jangigaq naammassineqassaaq sivisunerpaamik piffissarititap iluani, tamannalu naatsorsorneqartassaaq akunnernut suliffiusunut naleqqiullugu. Sivisunerpaamik sulisitaanissamut piffissarititaq pinerluuteqarsimasunik isumaginnittoqarfiup sivitsorsinnaavaa, taamaaliornissaq pissutsinit immikkut ittunit ilaler-nartinneqarpat, kisiannili nakkutigisaanissamut piffissarititaq qaangernagu. Pinerluuteqarsimasunik isumaginnittoqarfiup sivisunerpaamik sulisitaanissamut piffissarititap sivitsorneqarnissaanik aalajangiinera eqqartuussap noqqaassuteqarnera naapertorlugu eqqartuussivimmut saqqummiunneqassaaq.

*Imm. 2.* Eqqartuussaq nakkutigineqassaaq piffissami eqqartuussisuusut aalajangigaattut sivisus-sulimmi, sivisunerpaamik ukiuni marlunni. Taamaattorli nakkutigisaanermut piffissarititaq atuuk-kunnaassaaq sulisussaatitaanerup naammassineqarnissaanut piffissarititap sivisunerpaaffissaa qaangi-uppat, taamaassananili eqqartuussisummi allaanermik aalajangiisoqarsimappat. Siunertarisamut naleqquttuusorineqarpat eqqartuussisuusut aammattaaq piumasaqaasiisinhaapput nakkutigisaanissamut eqqartuussisummi aalajangersakkat naapertorlugit, tak. §§ 133-136.

**§ 142.** Eqqartuussaq nakkutigisaanermi nalaani inatsisinik unioqqutitseqqippat suliassarlu eqqartuussivimmut nakkutigisaanissaq qaangiutsinnagu saqqummiunneqarpat eqqartuussisuusut pinerlum-mut tamatumunnga inatsisinillu unioqqutitsinermut siusinnerusukkut eqqartuussissutaasimasumut ataatsimut pineqaatissiissuteqassapput. Tamanna pissutsinit ilalernartinneqarpat eqqartuussisuusut inat-sisinik unioqqutitseqqinneaq kisiat pineqaatissiissuteqarfigisinnaavaat.

**§ 143.** Eqqartuussap inuaqatigiinni sulisitaanissamik aalajangersagaq unioqqutippagu, imaluunniit tamatumunnga atatillugu piumasarineqartutut aalajangersakkat unioqqutippagit, suliassaaq unner-luussussaatitaasut eqqartuussivimmut uninngatinngu saqqummiutissavaat, eqqartuussiviullu eqqartuussissut atorunnaartissinnaavaa tamatumunngalu atatillugu pineqaatissiissut alla eqqartuussissutigalugu. Pineqaatissiissummik nutaamik aalajangiinerminni eqqartuussisuusut eqqarsaatigissavaat inui-aqatigiinni sulisitaaneq qanoq annertutigisoq eqqartuussap naammassisimaneraa.

*Imm. 2.* Tamanna pissutsinit immikkut ittunit ilalernartinneqarpat eqqartuussisuusut taarsiullugu

- 1) eqqartuussaq mianersoqqusinnaavaat, imaluunniit
- 2) inuaqatigiinni sulisitaanerup sivisunerpaaffissaa aamma nakkutigineqarnissamut piffissarititaq si-vitsorsinnaavaat killissarititap § 141, imm. 2-mi aalajangersakkap iluani.

## Kapitali 30

### *Inissiisarfimmiittussanngortitsilluni nakkutigisassanngortitsillunilu eqqartuussissut*

**§ 144.** Inissiisarfimmiittussanngortitsineq nakkutigisassanngortitsinerlu atorneqarsinnaapput nakkutigisassanngortitsineq imaluunniit inuaqatigiinni sulisitaasussanngortitsineq naammassorineqan-gippata, inatsisinik unioqqutitsinerup peqqarniissusaa pissutigalugu.

*Imm. 2.* Iliuuseqartoq 18-it inorlugit ukiulik inissiisarfimmiittussanngortinnejarluni eqqartuunneqassanngilaq, aatsaalli eqqartuunneqarsinnaalluni pissutsit immikkut ittu taamatut pineqaatissiinissaq pisariaqartippassuk.

**§ 145.** Inissiisarfimmiittussanngortitsilluni nakkutigisassanngortitsillunilu eqqartuussissuteqarnermi eqqartuussisuusut aalajangissavaat eqqartuussaq inissiisarfimmut inissinneqassasoq piffissami aalajangersimasumi, qaammatinit pingasunit sivisunerusinnaanngitsumi. Eqqartuussisuusut tamanna ilutigalugu aalajangissavaat eqqartuussaq kingusinnerusukkut nakkutigisaassasoq. Nakkutigisassanngortitsilluni eqqartuussissutit pillugit aalajangersakkat kapitali 28-miittut matumuuna assinganik atuu-tissapput.

*Imm. 2.* Inissiisarfimmiinnissamut piffissarititaq naammassineqareertinnagu misiligummik iperagaatitsisoqarsinnaanngilaq imaluunniit iperagaavitsitsisoqarsinnaanngilaq.

## Kapitali 31

### *Inissiisarfimmut inissiineq*

**§ 146.** Inissiisarfimmut inissiineq atorneqarsinnaavoq pisariaqaraangat

- 1) iliuuseqartup inatsisinik unioqqutitseqqinnissaa pinaveersaartinniarlugu, imaluunniit
- 2) inatsisinik unioqqutitsinerup peqqarniissusaa pissutigalugu.

*Imm. 2.* Iliuuseqartoq 18-it inorlugit ukiulik inissiisarfimmiittussanngortinnejarluni eqqartuunneqarsinnaanngilaq, aatsaalli taamatut eqqartuunneqarsinnaalluni pissutsit immikkut ittu taamatut inissi-inissaq pisariaqalersippassuk.

**§ 147.** Inissiisarfimmut inissinneqarnerup sivisussusissaa, ukiunit qulinit sivisunerusinnaanngitsoq, eqqartuussissummi aalajangersarneqassaaq.

*Imm. 2.* Eqqartuussaq inissiisarfimmiitsitaanermi nalaani inatsisinik unioqqutitseqqippat eqqartuussisuusut pinerluuummut tamatumunnga inatsisinillu unioqqutitsinermut siusinnerusukkut eqqartuussissutaasimasumut ataatsimut pineqaatissiissuteqassapput, taamatulli iliussanngillat siusinnerusukkut pineqaatissiissutaasimasoq naammassoriguniku. Taarsiullugu eqqartuussisuusut pinerloqqinneaq kisiat pineqaatissiissutigisinnaavaat.

*Imm. 3.* Imm. 2 taamatuttaaq atuutissaaq eqqartuussaq inissiisarfimmiittussanngortinnejarluni eqqartuunneqareerluni suli inissiisarfimmut inissinneqarani inatsisinik unioqqutitseqqippat.

**§ 148.** Eqqartuussisuusut aalajangersinnaavaat eqqartuussaq Kalaallit Nunaanni imaluunniit Danmarkimi napparsimmavissuarmut nuunneqassasoq,

- 1) nuunneqarnissaa § 234, imm. 1. malillugu pisinnaanngippat,
- 2) eqqartuussaq inunnut § 156-imi pineqartunut ilaasutut isigineqartariaqarpat, aamma
- 3) eqqartuussap tamanna pissutigalugu inissiisarfimmiiginnarnissaa naleqqutinngippat.

*Imm. 2.* Eqqartuussaq § 161-imi pineqartunut ilaasutut isigineqartariaqarpat eqqartuussisuusut aalajangersinnaavaat immikkut isumagisassanngortinnejarluni nuunneqassasoq, nuunneqarneq § 234, imm. 1 malillugu pisinnaanngippat.

*Imm. 3.* Eqqartuussivik nuussinissamik aalajangiissaq unnerluussisussaatitaasut imaluunniit pinerluuteqarsimasunik isumaginnittoqarfiup noqqaassuteqarnerat naapertorlugu. Pinerluuteqarsimasunik isumaginnittoqarfiup noqqaassutaa unnerluussisussaatitaasunut saqqummiunneqassaaq, taakkualu su-liassaq eqqartuussivimmut sapinngisamik piaartumik saqqummiutissavaat. Nuussineq utaqqiisaasumik pisinnaavoq imaluunniit inissiisarfimmiinnissap sinnerani. § 163, imm. 2, taamatulli atuutissaaq.

**§ 149.** Inissiisarfimmiiffissap 2/3-ia, sivikinnerpaamilli qaammatit sisamat, ingerlareerpat Kalaallit Nunaanni Pinerluuteqarsimasunik Isumaginnittoqarfimmi aqutsisut aalajangissavaat eqqartuus-

saq misiligummik iperagaassanersoq. Iperagaanerli siusinnerusukkut pisinnaavoq tamanna pissutsinit immikkut ittunit ilalernartinneqarpat.

*Imm. 2.* Misiligummik iperagaaneq aatsaat pisinnaavoq eqqartuussap atugai pissutigalugit iperagaanissaq inassutigiuminaatsinnejannigippat, pineqartup naammaginartumik najugaqarnissaa sulifefqarnissaalu imaluunniit allatut ittumik inuussutissaqarnissaa isumannaarneqarsimassalluni, aammalu pineqartoq piumasarineqartunik iperagaanermut atatitanik malinnikkumalluni neriorsuisimassalluni.

*Imm. 3.* Iperagaatitsinermi piumasarineqarpoq pineqartoq misiligummik iperagaanermi nalaani inatsisinik unioqqutitseqqissangitsoq. Misiliummik iperagaaneq ukiunit pingasunit sivisunerusin-naangilaq. Inissiisarfimmiffissalli sinneruttup ukiut pingasut qaangersimappagit ukiut tallimat angulugit misiligummik iperagaaffiliisoqarsinnaavoq.

*Imm. 4.* Misiliummik iperagaanissamut piumasarisatut aalajangerneqarsinnaavoq eqqartuussaq misiligummik iperagaaffini tamaat ilaani luunniit nakkutigineqassasoq. Saniatigut piumasarisatut aalajangersakkanik aalajangersaasoqarsinnaavoq nakkutigisassanngortitsilluni eqqartuussissuteqarnerup assinginik, tak. §§ 133-136.

**§ 150.** Misiliummik iperagaasoq misiligaaffimmi nalaani inatsisinik unioqqutitseqqippat misiligaaffillu suli qaangiutinngitsoq suliassaq eqqartuussivimmut saqqummiunneqarpat, eqqartuussi-suusut ataatsimut pineqaatissiissapput. Tamatumunnga taarsiullugu eqqartuussisuusut inatsisinik unioqqutitseqqinneaq kisiat pineqaatissiissutigisinnaavaat, immaqalu tamanna ilutigalugu misiligummik iperagaanissamut piumasarineqartut allanngortillugit.

*Imm. 2.* Misiliummik iperakkap aalajangersakkat § 149, imm. 4 malillugu aalajangersar-neqarsimasut unioqqutippagit suliassaq eqqartuussivimmut saqqummiunneqassaaq, taakkualu

- 1) misiligummik iperagaq mianersoqqussummik tunisinnaavaat,
- 2) aalajangiussat allangortissinnaavaat misiligmillu iperagaaffissaq sivitsorlugu § 149, imm. 3-mi sivisunerpaaaffissatut aalajangikkap iluani, imaluunniit
- 3) aalajangersinnaavaat inissiisarfimmut inisseeqqittoqassasoq.

*Imm. 3.* Misiliummik iperagaq misiligaaffimmi nalaani inatsisinik unioqqutitseqqippat, tamatumngalu unnerluunneqarani, imm. 2-mi aalajangersakkat taamatulli atuutissapput. Taamatuttaaq pineqassaaq misiligummik iperagaq nunami allami pinerluummut misiligaaffimmi nalaani pinerluutigisaminut eqqartuunneqarpat, eqqartuussisummut atillugu pineqaatissiissutip sinneruttup naammassiniarnissaa isummerfigineqarsimanani.

*Imm. 4.* Imm. 2, tak. Imm. 3 malillugu taamaallaat aalajangiisoqarsinnaavoq misiligummik iperagaaneq qaangiutsinnagu.

*Imm. 5.* Inissiisarfimmut inisseeqqiinissaq imm. 2, tak. Imm. 3, naapertorlugu aalajangiunneqar-simappat misiliummik iperagaatitseqqisoqarsinnaavoq taamatut iliornissaq tulluartuusorineqarpat

Taamatut misiliummik iperagaanerup kingorna misiligaaffiliunneqartumut tunngatillugu piffissarititat aalajangersakkat § 149, imm. 3-miittut atuupput, ilanngaatigalugu piffissaq pineqartup siusinnerusuk-  
kut misiligummik iperagaaffigisimasa.

**§ 151.** Inissiisarfimmiettussanngortitaaneq qaammatinik sisamanik ataallugillunniit sivisussuse-qarpat, inissiisarfimmiennerullu 2/3-ia ingerlareersimappat Kalaallit Nunaanni Pinerluuteqarsimasunik Isumaginnitoqarfimmi aqutsisut iperagaavinnissaq pillugu aalajangiisinnaapput.

## Kapitali 32

### *Pinerluttunut inuuusuttunut pineqaatissiissutit immikkut ittut*

**§ 152.** Inuuusuttunut immikkut ittumik ikiuinissamik aaqqiissuteqarluni eqqartuussuteqarneq ator-neqarsinnaavoq pinerluttoq eqqartuussinerup nalaani 18-it inorlugit ukioqarpat imaluunniit pissutsini immikkut ittuni 20-t inorlugit ukioqarpat.

*Imm. 2.* Inuuusuttunut immikkut ittumik ikiuinissamik aaqqiissuteqarluni eqqartuussuteqarnermi eqqartuussisuusut aalajangissavaat eqqartuussaq inunniq isumaginninnermi oqartussaasunit nakkutigi-neqassasoq inunniq isumaginninnermi inatsisit naapertorlugit ikiuinissamut aaqqiissutitalimmik. Aam-malu eqqartuussisuusut aalajangissavaat inuuusuttup pineqartup maleruassagai najoqquassat, inunniq isumaginninnermi pisortat pineqartumut peqqussutigisaat. Tamannali aatsaat pisinnaavoq inunniq isu-maginninnermi pisortat nakkutiginnikkumanerisa annertussusaa naapertorlugu.

*Imm. 3.* Eqqartuussisuusut pineqaatissiissutip sivisunerpaaffissa, amerlanertigut ukiunit marlunit sivisunerusinnaanngitsoq, aalajangissavaat. Pissutsinili immikkut ittuni ukiut pingasut angullugit sivi-sunerpaaffiliisoqarsinnaavoq.

**§ 153.** Inunniq isumaginninnermi pisortat ikiuinissamik aaqqiissutit suussanersut inunniq isuma-ginninnermut inatsisit malillugit aalajangissavaat aammalu aalajangissavaat tamakku eqqartuussisuusut sivisunerpaaffiliissutaata iluani, tak § 152, imm. 3, qanoq sivisutigisumik atutissasut.

**§ 154.** Eqqartuussaq sivisunerpaamik piffissarititap eqqartuussisuusut aalajangersarsimasaasa atuunnerani inatsisink unioqqutitseqqippat, suliassarlu piffissarititaq qaangiutsinnagu eqqartuussivim-mut saqqummiunneqarpat, eqqartuussisuusut pinerluummut tamatumunnga aamma inatsisink unioq-quitsinermut siusinnerusukkut eqqartuussissutaasimasumut ataatsimut pineqaatissiissapput. Tamanna pissutsinit ilalernartinneqarpat eqqartuussisuusut inatsisink unioqqutitseqqinnej kisiat pineqaatissiissu-tigisinnaavaat.

**§ 155.** Eqqartuussap nakkutigineqarnissani pinaveersaartippagu imaluunniit inunniq isumagin-ninnermi pisortat pineqartumut najoqquassiaat sanioqquppagit, unnerluussisussaatitaasut suliassaq eqqartuussivimmun saqqummiuteqqissinnaavaat, eqqartuussisuusullu eqqartuussissutip aalajangersagar-tai eqqaasitsissutigeqqissinnaavaat.

*Imm. 2.* Taamatut ilorneq eqqartuussap eqqartuussisummik maleruaatinneqarnissaanut naam-massorineqanngippat eqqartuussisuusut eqqartuussaq aamma akiliisussanngortissinnaavaat.

*Imm. 3.* Inuuusuttumut immikkut ittumik ikiuinissamik aaqqiissutit atuutsiinnarneqarnissaat siunertarisamut naleqquttuusorinanngippat eqqartuussisuusut eqqartuussissut atorunnaartissinnaavaat tamatumunngalu atatillugu pineqaatissiissummik allamik aalajangiillutik.

## Kapitali 33

### *Pinerluttunut tarnikkut nappaatilinnut pineqaatissiissutit immikkut ittut*

**§ 156.** Iliuuseqartoq inatsisinik unioqqutitsinerup nalaani niaqlaarsimappat imaluunniit tamatumunga assingulluinnartumik pissuseqarsimappat, imaluunniit eqqarsartaatsimigut innarluuteqarsimappat kapitali manna naapertorlugu pineqaatissiissuteqartoqarsinnaavoq, tamanna pisariaqarpat iliuuseqartup inatsisinik unioqqutiseqqinnissaq pinaveersaartinniarlugu.

*Imm. 2.* Taamatuttaaq pineqassaaq iliuuseqartoq inatsisinik unioqqutitsinerup kingorna, kisianni suli eqqartuussut nalunaarutigineqanngitsoq, eqqarsartaatsimigut innarluuteqalersimappat imaluunniit niaqlaalersimappat imaaliallaannaq qaangilertugassaanngitsumik.

**§ 157.** Inatsisinik unioqqutiseqqinnissaq pinaveersaartinniarlugu siunertamut naleqquutusorineqarpat eqqartuussisuusut aalajangersinnaavaat eqqartuussa Kalaallit Nunaanni Danmarkimiluunniit napparsimmavissuarmut imaluunniit paaqqinniffimmut allamut inissinneqassasoq.

*Imm. 2.* Pineqaatissiissutit sakkukinnerusut naammassorineqarpata pineqaatissiissutit taamaattut pineqaatissiissutigineqarsinnaapput. Tamakkununnga ilanngullugu eqqartuussisuusut Kalaallit Nunaanni imaluunniit Danmarkimi napparsimmavissuarmi imaluunniit paaqqinniffimmi allami katsorsaasussanngortitsisinnaapput imaluunniit kapitali 28-mi aalajangersakkat naapertorlugit nakkutigisassanngortitsisinnaapput.

**§ 158.** § 157 naapertorlugu pineqaatissiissutip kinguneranik eqqartuussa napparsimmavissuarmut imaluunniit paaqqinniffimmut allamut inissinneqartussaappat, imaluunniit pineqaatissiissut taamatut iliornissamut periarfissiippat pineqaatissiissutip tamatuma sivisunerpaffissaa ukiunut pingasunut aalajangerneqassaaq. Sivisunerpaffissamut ilaapputtaaq pineqaatissiissutit § 159, tak. § 157 naapertorlugu kingusinnerusukkut aalajangerneqartut, maannamullu pineqaatissiissutaasumik oqilisaanermik kinguneqartut. Pissutsini immikkut ittuni eqqartuussisuusut unnerluussisussaatitaasunit noqqaavigineqarlutik aalajangiissuteqarnikkut nutaamik sivisunerpaffiliisinjaapput ukiuni marlunni sivisussuseqartumik.

*Imm. 2.* Taamaattorli imm. 1-im ieqqartorneqartutut pisoqartillugu amerlanertigut sivisunerpaffiliisoqartassangilaq eqqartuussa qpisuutitaasimappat toqtsinermut, ujajaanermut, kiffaanngissusiiia-nermut, annertuumik nakuusernermut, § 98-im ieqqartorneqartutut siorasaarinermut, ikuallatsitsiner- mut, pinngitsaaliilluni atoqateqarnermut imaluunniit kinguaassiutitigut annertuumik pinerlunnermut allamut, imaluunniit siuliani taaneqartutut pinerloriaraluarsimanermut. Sivisunerpaffiliisoqarsiman- ngippat pineqaatissiissutip allanngortinnejarnissaa imaluunniit atorunnaarsivinnejarnissaa pillugu apeqqut unnerluussisussaatitaasut eqqartuussivimmut saqqummiutissavaat aalajangiissuteqarnermiit ukiut pingasut qaangiuppata, taamali pisoqassangilaq apeqqut eqqartuussivimmut ukiut kingullit marluk iluini saqqummiunneqarsimappat. Tamatuma kingorna suliassaq eqqartuussivimmut saqqummiun- neqartassaaq minnerpaamik ukioq allortarlugu.

*Imm. 3.* Imm. 1-im taaneqartuniit allaanerusumik pineqaatissiissuteqarnermi pineqaatissiissum- mut sivisunerpaffiliisoqassaaq, ukiunit marlunni sivisunerasinnaanngitsumik. Pissutsit immikkut ittut atuutsillugit eqqartuussisuusut unnerluussisussaatitaasunit noqqaavigineqarlutik aalajangiissuteqarner- mikkut sivisunerpaffissarititaq sivitsorsinnaavaat. Pineqaatissiissut tamarmiusoq ukiunit pingasunit sivisunerasinnaanngilaq.

**§ 159.** Unnerluussisussaatitaasut isumagisassaraat § 157 malillugu pineqaatissiissutip sivisuneru-sumik aammalu pisariaqtumiit annertunerusumik atuutsinneqannginnissaar.

*Imm. 2.* Pineqaatissiissutaasimasup eqqartuussissutigineqartup atorunnaarsinneqarnissaar allan-ngortinneqarnissaaluunniit eqqartuussisuuusut aalajangissavaat.

*Imm. 3.* Eqqartuussisuuusut aalajangiissapput unnerluussisussaatitaasuniit, pinerluuteqarsimasunik isumaginnitoqarfimmiit, eqqartuussamiit, taassuma toqqammavigisaaniit imaluunniit napparsimmavisuarmiit paaqqiniffimiilluunniit noqqaassuteqarnerup kingorna. Pinerluuteqarsimasunik isumaginnitoqarfimmiit, eqqartuussamiit, taassuma toqqammavigisaaniit imaluunniit napparsimmavisuarmiit paaqqiniffimiilluunniit noqqaassut unnerluussisussaatitaasunut saqqummiunneqassaaq, taakkualu apeqqut sapinnigisamik piaernerpaamik eqqartuussivimmut saqqummiutissavaat. Eqqartuussamiit taas-sumaluunniit toqqammavigisaaniit noqqaassut akuerineqanngippat apeqqut eqqartuussivimmut aatsaat saqqummiunneqarsinnaavoq aalajangiissuteqarnermiit ukiup affaa ingerlareerpat.

**§ 160.** Eqqartuussaq pineqaatissiissummik naammassinniniaanerup nalaani inatsisinik unioq-qutitseqqippat, eqqartuussisuuusut pinerluummut tassunga inatsisinillu unioqquitsinermut siusinnesukkut eqqartuussissutaasimasumut ataatsimut pineqaatissiissuteqassapput, taamatulli iliussangillat siusinnerusukkut pineqaatissiissutaasimasoq naammassoriguniku. Tamatumunnga taarsiullugu eqqartuussisuuusut pinerluuteqaaqqinermut taamaallaat pineqaatissiisinnaapput.

**§ 160 a.** Inunnut, § 157 malillugu aalajangiinerup malitsigisaanik napparsimavimmi unitsinneqarsimasunut imaluunniit paaqqiniffimmi allami inissinneqarsimasunut, anisinnaatitaanermik il.il. akuersissuteqarnissaq pillugu Naalakkersuisut, social- aamma boligministeri kiisalu indenrigs- og sundhedsministeri isumaqatiginniarfigereerlugit, inatsiseqarnermut ministeri malittarisassanik aalajangersaasinnaavoq. Anisinnaatitaaneq il.il. pillugit akuersissutit nalunaarutigineqarnissaannut utertinneqarnissaannullu piginnaasaqarnerup, tarnikkut napparsimasunut katsorsaavinni nakorsaanermut, aamma social service pillugu inatsimmi § 108 malillugu najugaqarfinni, kommuninit, nunap ilaanit aamma namminersortunit ingerlanneqartuni, aqutsisumut aamma aqutsisup sinniisaanut, suliassiissutigineqarsinnaanera pillugu, tassunga atatillugu Inatsiseqarnermut ministeri malittarisassanik aalajangersaasinnaavoq. Malittarisassat taakku malillugit aalajangiinerit, allaffissornikkut oqartussaasumut qaffasinnerusumut saqqummiunneqarsinnaannginnerat, inatsiseqarnermut ministerip tassunga atatillugu aammattaaq aalajangersinnaavaa.

## Kapitali 34

### *Immikkut isumagisassanngortitsiseq*

**§ 161.** Sivisussusilerneqanngitsumik immikkut paarisassanngortitsineq atorneqarsinnaavoq

- 1) iliuuseqartoq pisuutitaappat toqtsinermut, ujajaanermut, kiffaanngissusiilaanermut, annertuumik nakuuserluni pinerlunnermut, § 98-imi eqqaaneqartutut sioorasaarinermut, pinngitsaaliilluni atoqateqarnermut imaluunniit allamik kinguaassiuutitigut annertuumik pinerlunnermut imaluunniit ikuallatsitsinermut imaluunniit pinerluutinik taaneqartunik tamakkuninnga iliuuseqariaraluarnermut,
- 2) pinerluutigisap qanoq ittuunera aamma pineqartoq pillugu paassisutissat, pingaartumik siusinnerusukkut pinerluutigisimasai, tunngavigalugit isumaqartoqartariaqarpat pineqartoq inuit allat inuunerannik, timaannik, peqqissusaannik kiffaanngissusaannilluunniit navialisitseriataarsinnaasoq, aammalu
- 3) navialisitsineq tamanna pinaveersaartinniarlugu immikkut isumagisassanngortitsinerup atorneqarnissaar pisariaqarpat.

**§ 162.** Iperagaavinnissaq imaluunniit misiligmumik iperagaanissaq pillugu eqqartuussisuusut aalajangiissapput. Misiligaaffik ukiunit tallimanit sivisunerusinnaanngilaq. Aammalu § 149, imm. 2-4-ni aalajangersakkat misiligmumik iperagaanermi taamatulli atuupput.

*Imm. 2.* Misiliummik iperagaq misiligaaffimmi nalaani inatsisinik unioqqutitseqqippat imaluunniit misiligmumik iperakkap aalajangersakkat § 149, imm. 4-miittut unioqqutippagit eqqartuussisuusut inatsisitigut kingunerititassaq pillugu § 150 malillugu aalajangiissapput.

*Imm. 3.* Misiliummik iperagaanissaq pillugu eqqartuussisuusut aalajangiissapput unnerluussisussaatitaasuniit, pinerluuteqarsimasunik isumaginnittooqarfimmiit, eqqartuussamiit imaluunniit taassuma toqqammavigisaaniit noqqaassuteqarneq malillugu. Pinerluuteqarsimasunik isumaginnittooqarfip, eqqartuussap imaluunniit taassuma toqqammavigisaata noqqaassutaa unnerluussisussaatitaasunut saqqummiunneqassaaq, taakkualu apeqquq eqqartuussivimmuit sapinngisamik piaartumik saqqummiutissavaat. Eqqartuussap imaluunniit taassuma toqqammavigisaata noqqaassutaa akuerineqanngippat apeqquq aatsaat eqqartuussivimmuit saqqummiuteqqinnejqarsinnaavoq aalajangiissuteqarnermiit ukiup affaa ingerlareerpat.

*Imm. 4.* Unnerluussisussaatitaasut isumagisassaraat immikkut paarisassanngortitsilluni eqqartuussisutip pisariaqartumiit sivisunerusumik atuutinnginnissaa. Unnerluussisussaatitaasut misiligmumik iperagaanissaq pillugu apeqquq eqqartuussivimmuit saqqummiutissavaat eqqartuussissuteqarnermiit kingusinnerpaamik ukiut pingasut qaangiunnerini, tamatumalu kingorna ukioq allortarlugu. Inissiisarfimmut inisseeqqittoqarsimappat apeqquq eqqartuussivimmuit saqqummiunneqassaaq inisseeqqinnermiit ukiut marluk qaangiunnerini, tamatumalu kingorna ukioq allortarlugu.

## Kapitali 35

### *Toqqammavigisassat*

**§ 163.** Inuk § 157 malillugu pineqaatissinneqassappat imaluunniit § 161 malillugu immikkut isumagisassanngortinneqassappat eqqartuussisuusut toqqammavigisassamik ivertitsisinnaapput, sapinngisamik ajornanngippat unnerluutigineqartup qaniginerpaasaasa arlaannik, suliassap ingerlanerani unnerluutigineqartumik ikiuisussamik taassumap illersuisua suleqatigalugu.

*Imm. 2.* Inuk imm. 1-imni taaneqartutut pineqaatissinneqarsimaguni imaluunniit paarisassanngortinneqarsimaguni toqqammavigisassaminik ivertitsivigineqassaaq. Taanna eqqartuussap qanoq innernik malinnaaviginissaaq isumagissallugulu inissinneqarnerata akuliunnerillu allat pisariaqartumiit sivisunerusumik atuutsinneqannginnissaat. Toqqammavigisassaligaaneq atorunnaassaaq pineqaatis-siissut atorunnaarsinneqavippat.

*Imm. 3.* Kalaallit Nunaanni toqqammavigisassat ilinniartinneqarnerannut, siunnersorneqarnerannut atorfinitsinneqarnerannullu attuumassuteqartunik suliaqartussamik toqqammavigisassanut ataqtigiissaarisumik inatsiseqarnermut ministeri toqqaasinnaavoq.

*Imm. 4.* Inatsiseqarnermut ministerip aalajangersassavai maleruagassat erseqqinnerusut toqqammavigisassaliisarnermut taakkualu aningaasarsiaannut tunngasut, kiisalu taakkua suliassat pisinnaatitaanerallu erseqqinnerusut.

## Kapitali 36

### *Pisinnaatitaaffinnik annaasaqarneq*

**§ 164.** Pinerlunneq inuiaqtigiinni innuttaasutut pisinnaatitaaffiigaanermik nassataqanngilaq.

*Imm. 2.* Taamaattorli kinaluunniit pinerlummut eqqartuussaasimasoq suliamik, immikkut pisortaniit piginnaatitaanermik imaluunniit akuersisummik peqarluni ingerlanneqartussaasumik, ingerlat-seqquaajunnaarsinneqarsinnaavoq, pinerluutigisimasaq atorfimmik suliaqartitaanermilluunniit ator-

nerluinissamut tunngavissaqartumik navianartoqartitsippat.

*Imm. 3.* Pinerluut suliat imm. 2-mi taaneqartut suliarinissaannut akornutaanersoq apeqqut pillugu unnerluussisussaatitaasunit imaluunniit pisortanit pisussaasumiit eqqartuussivimmut saqqummiunneqassaaq, inuup piginnaassuseqartitaanermik akuersissummilluunniit taamaattumik qinnuteqarluni itigartinneqarsimasup noqqaassuteqarnera naapertorlugu. Aalajangiunneqarpat suliffimmi tassani suli-sinnajunaarsitaasoqassasoq apeqqut eqqartuussivimmut saqqummiuteqqinnejqarsinnaavoq, siusinner-paamilli ukiut marluk qaangiunnerini. Piginnaassuseqartitaaneq akuersissulluunniit aamma piffissari-titaq taanna qaangiutsinnagu pisortamit pisussaasumit tunniunneqarsinnaavoq.

**§ 165.** Kinaluunniit suliassanik § 164, imm. 2-mi taaneqartunik sulialik pinerluummut eqqartuun-neqarnerminut atatillugu suliamic pineqartumik ingerlatsiinnarsinnaajunnaarsinnejqarsinnaavoq imaluunniit aalajangersimasunik suliaqarsinnaajunnaarsinnejqarsinnaavoq, pinerluutigisimasaq atorfimmik atornerluinissamut tunngavissaqartumik navianartoqartitsippat.

*Imm. 2.* Tamannarpiaq atuuppoq suliassanik allanik suliaqarnermut tunngatillugu, pissutsit immikkut ittut tamanna ilalernartippassuk. Maleruagassaq taannarpiaq malillugu selskabimik killeqartumik akisussaaffilimmik, selskabimik imaluunniit peqatigiifimmik, immikkut pisortanit akuerineqartus-samik, aningasaateqarfimmilluunniit aallarniisuuusinnaajunnaartsisoqarsinnaavoq imaluunniit taakku-nani pisortaanerusinnaajunnaartitsisoqarsinnaavoq imaluunniit siulersuisunut ilaasortaasinnaajunnaartsisoqarluni.

*Imm. 3.* Suliaqarsinnaajunnaarsitsineq ukiuni ataatsimiit tallimanut sivisussuseqartassaaq, inaa-rutaasumik eqqartuussissuteqarnermiit naatsorsorlugu, imaluunniit atuukkallartussangorlugu, taamaat-toqassappallu suliffeqarfimmik tassani suli sulisinnaajunnaarsitsisoqassappat apeqqut ukiut tallimat i-ngerlareerpata eqqartuussivimmut § 164, imm. 3-mi maleruagassatut aalajangikkat malillugit saqqum-miunnejqarsinnaavoq. Tamanna pissutsinit immikkut ittunit ilalernartinneqarpat inatsiseqarnermut mi-nisterip imaluunniit ministerip taamatut piginnaatitaata akuerisinnaavaa eqqartuussivimmut suliassan-ngortitsineq pissasoq piffissarititaq imm. 1-imi taaneqartoq, ukiunik tallimanik sivisussusilik, qaangiut-sinnagu.

*Imm. 4.* Suliassat imm. 1-imi aamma 2-mi taaneqartut suliarineqarneranni eqqartuussisuusut pi-neqartoq sulisinnaajunnaartissinnaavaat, suliassap inaarutaasumik aalajangiivigineqarnissaata tungaa-nut. Suliassami eqqartuussissutikkut aalajangerneqarsinnaavoq suliareqqitassanngortitsineq kinguar-saataasumik sunniuteqassanngitsqo.

## Kapitali 37

### *Arsaarinninneq*

**§ 166.** Pinerlunnikkut iluanaarutit imaluunniit aningaasat tamatuma amerlaqatai tamarmik ila-an-naalluunniit arsaarinnissutigineqarsinnaapput. Aningaasat amerlassusaasa aalajangerneqarnissaannut naammattumik tunngavissaq amigarpat aningaasat iluanaarutaasut amerlaqataattut nalilerneqartut arsaarinnissutigineqarsinnaapput.

*Imm. 2.* Inatsisinik unioqqutseqqinnissaq pinaveersaartinniarlugu pisariaqarsorineqarpat imaluunniit tamanna pissutsinit immikkut ittunit ilalernartinneqarpat, arsaarinnissutigineqarsinnaapput makku

- 1) pigisat pinerluummut atorneqarsimasut imaluunniit atorneqarniartutut aalajangiussat,
- 2) pigisat pinerlunnikkut pilersitat, aamma
- 3) pigisat, pinerluutigineqartut.

*Imm. 3.* Pigisat iliuuseqartup inatsisit malillugit inuussutissarsiorneranut annertuumik pingaaru-teqartut arsaarinnissutigineqassanngillat, arsaarinnissutaasinnaallutilli tamanna pissutsinit immikkut ittunit ilalernartinneqarpat.

*Imm. 4.* Pigisanik imm. 2-mi taagorneqartunik arsaarinninnissamut taarsiullugu arsaarinnissutigineqarsinnaapput aningaasat pigisat naleqataat imaluunniit naleqataasa ilaat.

*Imm. 5.* Imm. 2 malillugu arsaarinninnermut taarsiullugu aalajangersarneqarsinnaavoq pigisat pillugit aaqqiissuteqartoqassasoq, pinerluttulioqqinnissaq pinaveersaartinniarlugu.

*Imm. 6.* Peqatigiiffik eqqartuussissuteqarnikkut atorunnaarsinneqarpat, peqatigiiffiup pisuussuttaai, toqqorsiviutaa, allattaavii assigisaallu arsaarinnissutigineqarsinnaapput.

**§ 167.** § 166, imm. 1 malillugu arsaarinniffigineqarsinnaavoq kinaluunniit pinerlunnikkut toqqaannartumik iluanaaruteqarsimasoq.

*Imm. 2.* Pigisanik nalilinnillu § 166, imm. 2-mi aamma 4-mi taaneqartunik arsaarinniffigineqarsinnaavoq kinaluunniit inatsisinik unioqqutitsinermut akisussaasusoq, aamma kinaluunniit pinerluttoq sinnerlugu iliuuseqarsimasoq.

*Imm. 3.* Pigisanut arsaarinnissutigineqartunut immikkut isumannaakkamik piginnittussaatitaanerit aatsaat atorunnaassapput eqqartuussisuusut aalajangiinerisigut piumasarisat imm. 2-mi taaneqartut assingi piumasaralugit.

*Imm. 4.* Inuit imm. 1-imi aamma 2-mi taaneqartut arlaat pinerlunnerup kingorna iluanaarutinik imaluunniit pigisanik § 166, imm. 2-mut ilaatinneqartunik imaluunniit tamakkununnga piginnittussaatitaanernik atuisimappata tunniunneqartoq taassumaluunniit nalinga pissarsisumiit arsaarinnissutigineqarsinnaavoq, pissarsisup nalusimanngippagu tunniunneqartoq pinerluummut atassuteqartoq imaluunniit pissarsisoq tamatumunnga tunngatillugu annertuumik mianersuaalliorsimappat imaluunniit tunniunneqartoq tunissutaappat.

*Imm. 5.* Inuk imm. 1-4 malillugu arsaarinninnissamut akisussaasusoq toquppat taassuma akisusanera atorunnaassaaq. Taamaassanngilarli § 166, imm. 1 malillugu arsaarinnittoqarpat.

**§ 168.** Pigisat aningaasanik nalillit, pinerluummut pisuutitaasup pii, tamakkerlugit ilaannaalluuniit arsaarinnissutigineqarsinnaapput,

- 1) iliuuserisaq annertuumik pissarsissutaasinnaasutut isikkoqarpat, aamma
- 2) inatsisinik unioqqutitsineq immikkut peqqarniitsuuppat imaluunniit ikiaroornartut pillugit inatsisinik unioqqutitsineq.

*Imm. 2.* Piumasarineqartut imm. 1-imi atuutsillugit pigisat aningaasanik nalillit, pinerluttup aappaata inooqataataluunniit pissarsiarisimasai, tamaasa ilaannaalluunniit arsaarinnissutigineqarsinnaapput, taamatulli pisoqassanani

- 1) pigisaq aningaasanik nalilik pinerlunnermiit imm. 1 malillugu arsaarinninnermut tunngaviusumiit ukiut tallimat sinnerlugit siusinnerusukkut pissarsiarineqarsimappat, imaluunniit
- 2) pigisap nalillip pissarsiarinerata nalaani aappariinneq imaluunniit inooqatigiinneq piusimanngippat.

*Imm. 3.* Piumasarineqartut mm. 1-imi atuutsillugit arsaarinnissutigineqarsinnaapput pigisat aningaasanik nalillit tamakkerlugit ilaannaalluunniit, tunniunneqarsimasut ingerlatsiviit sinnerlugit inatsisitigut akisussaasuuusumut, pineqartup kisimiilluni imaluunniit qaniginerpaasani peqatigalugit aalajangiinkkut sunniuteqarfigisai. Taamaassaartaaq pineqartoq ingerlatsiviit sinnerlugit inatsisitigut akisussaa-suusup isertitaasa ilaannik annertuumik aningaasarsiorpat. Taamaattorli arsaarinnittoqarsinnaangilaq pigisaq aningaasanik nalilik ingerlatsiviit sinnerlugit inatsisitigut akisussaasuuusumut tunniunneqarsimappat pinerluummiit imm. 1 malillugu arsaarinninnermut tunngaviusumiit ukiut tallimat sinnerlugit siusinnerusukkut.

*Imm. 4.* Imm. 1-3 malillugit arsaarinnittoqarsinnaanngilaq pineqartup ilimanarsisippagu pigisaq aningaasanik nalilik pissarsiarineqarsimasoq unioqqutitsinerunngitsumik periuseqarluni imaluunniit aningaasat unioqqutitsinani pissarsiarisimasat atorlugit.

*Imm. 5.* Imm. 1-3 malillugu pigisanik aningaasanik nalilinnik aalajangersimasunik arsaarinninnermut taarsiullugu aningaasat pigisat naleqataat ilaannaalluunniit arsaarinnissutigineqarsinnaapput.

**§ 169.** § 166, imm. 1 imaluunniit § 168 malillugit arsaarinnitoqarpat, inatsisinillu unioqqutitsinermut atasumik taarsiivigineqarnissamik piumasaqartoqarpat, arsaarinnissutit taarsissutissamut akiiliutit atorneqarsinnaapput.

*Imm. 2.* Taamatorpiaq pineqassapput pigisat aningaasallu nalillit § 166, imm. 2 aamma 4 malilugit arsaarinnissutigineqartut, tamanna eqqartuussisummi aalajangerneqarsimappat.

*Imm. 3.* Eqqartuussap pisuni imm. 1-imi aamma 2-mi taaneqartuni pinerlineqartoq eqqartuussisuteqarnerup kingorna taarsiivigisimappagu aningaasat arsaarinnissutit taakku amerlaqataannik ikilisinneqassapput.

**§ 170.** Pigisat, ilusertik pissutigalugu pissutsinut allanut atuuttunut atasumik pinerluummut atorneqarnissaminut aarlerinaateqartut, arsaarinnissutigineqarsinnaapput, tamanna pinerluutip pinaveer-saartinnissaanut pisariaqarsorineqarpat. Piumasarineqartut assingi atuutsillugit pigisat aningaasanik nalillit, matumani ilangunneqarlutik aningaasat, arsaarinnissutigineqarsinnaapput. § 166, imm. 5 taa-matulli atuutissaaq.

### **Immikkoortoq III**

#### **Pineqaatissiissutinik naammassinninneq**

##### **Kapitali 38**

*Pineqaatissiissutinik naammassinninnerit pillugit aalajangersakkat nalinginnaasut*

*Naammassinninnermi anguniakkat iliuusissallu*

**§ 171.** Pineqaatissiissummik naammassinninnermut siunertaq pingaardeq tassaavoq pinerluttar-nermik killilersueqataanissaq.

*Imm. 2.* Pingaarnertut siunertaasumik imm. 1. naapertorlugu isumaginninnermi naammassinnin-niaasussaatitaasup eqqartuussaq ikiorlugulu kaammattussavaa inuttut ineriartornerup, inooqatigiinnerup suliffeqarnerullu- aamma ilinniartitaanerup tungaasigut ineriartornej aqququtigalugu pinerluttarani inuu-niassamat aamma nakkutiginninneq isumannaatsuunerlu pineqaatissiissummik nammassinninnissa-mut pisariaqartut isumagalugit.

**§ 172.** Pineqaatissiissummik naammassinninnerup nalaani inuup inuunera allanik killilersuiffigi-neqassangilaq, taamaallaat killilersuiffigineqassaaq killilersuutinik inatsimmi aalajangersarneqarsi-masunik imaluunniit pineqaatissiissutip nassataanik.

*Naammassinninniaasussaatitat*

**§ 173.** Kalaallit Nunaanni Pinerluuteqarsimasunik Isumaginnitoqarfimmi aqutsisut, Pinerluute-qarsimasunik Isumaginnitoqarfimmut Pisortaqarfip ataaniittut, pineqaatissiissutinik inatsit manna naapertorlugu aalajangikkanik naammassinniniaaneq isumagissavaat, taamaattorli tak. §§ 177 aamma 239-240.

**§ 174.** Kalaallit Nunaanni Pinerluuteqarsimasunik Isumaginnitoqarfimmi aqutsisut aalajanger-sagaqassapput pineqaatissiissutinik naammassinninnissamut atortussat qanoq aaqqissunneqarnissaat pillugit, paaqqinniffit pinerluuteqarsimasunik isumaginnitoqarfimmit ingerlanneqartut maleruagasaannik, matumani ilangunneqarluni nakkutigineqarnermut immikkoortortaqarfifit, pensionit inissiisar-

fillu aaqqissuunneqarnissaat pillugu aamma inissiisarfinni immikkoortortaqarfiit ammasut matoqqasulu aaqqissuunneqarnissaat pillugu.

**§ 175.** Naammassinninniaanermi pinerluuteqarsimasunik isumaginnittoqarfiup suleqatigissavai politiit eqqartuussiviillu, inunnik isumaginnittoqarfiit, peqqinnissaqarfiit aamma paaqqinniffiit il.il. pisortat inuinnaallu ingerlataat, ilinniartitsinissamik, sulisitsinissamik, katsorsaanissamik allatigullu ikuunnissamik neqerooruteqartartut.

*Aallartisaaneq*

saaq.

**§ 176.** Pineqaatissiissutinik naammassinninniaaneq sapinngisamik piaartumik aallartisarneqassaaq.

*Imm. 2. Kalaallit Nunaanni Pinnerluuteqarsimasunik Isumaginnittoqarfimmi aqutsisut aallartisaaneq*  
*pillugu maleruagassaliussapput.*

## Kapitali 39

*Akiliisitsissutinik naammassinninniaaneq*

**§ 177.** Akiliisitsissutinik politidirektør naammassinninniaassaaq § 128 naapertorlugu.

*Imm. 2. Akiliisitsissut inissiisarfimmut inissinneqarnikkut anigorneqassasoq pillugu eqqartuus-*  
*sisuusut § 128, imm. 4 malillugu aalajangiinerat naammassineqassaaq,*  
*inissiisarfimmittussangortitaanikkut eqqartuussissutinik naammassinnitarneq pillugu aalajangersakkat*  
*kapitali 43-miittut malillugit.*

## Kapitali 40

*Eqqartuussissutinik nakkutilliinertalinnik il.il. naammassinninneq*

*Nakkutilliinerup il.il. naammassineqarnissaa pillugu aalajangersakkat nalinginnaasut*

**§ 178.** Nakkutilliineq aamma immikkut piumasariset allat, inatsit manna naapertorlugu aalajangersarneqartut, pinerluuteqarsimasunik isumaginnittoqarfiup naammassissavai, taamaassananili eqqartuussiuusut aalajangiissutaanni allatut aalajangiisoqarsimappat.

**§ 179.** Nakkutilliisussaatitaasut eqqartuussaq pisinnaatitaaffii pisussaatitaanerilu, nakkutilliinerup immikkullu piumasarineqarsimasinnaasut nassatarisaat, pillugit ilitsersussavaat, matumani ilanngunneqarlungi piumasarisanik unioqqutitsineq qanoq kinguneqassasoq.

*Imm. 2. Aammattaaq nakkutilliisussaatitaasut eqqartuussaq suleqatigalugu nakkutilliinerullu aal-*  
*lartinnerata kingorna piaernerpaamik pilersaarusiussapput, nakkutilliinerup nalaani tamatumalu kingor-*  
*na atuuttussamik. Pilersaarasiaq taanna eqqartuussap nakkutilliinerup nalaani atugarisaanut akuttun-*  
*ngittumik naleqqiunneqartassaaq pisariaqarpallu pissutsinut tamakkununnga naleqqussarlugu allan-*  
*ngortinneqartassaaq.*

*Pinerluuteqarsimasunik isumaginnittoqarfimmiit nakkutilliineq il.il.*

**§ 180.** Nakkutilliinissaq pillugu piumasariset nassatarisaannik eqqartuussap pinerluuteqarsimasunik isumaginnittoqarfik atassuteqarfigisassavaa isumaginnittoqarfiup erseqqinnerusumik aalajangiinera naapertorlugu, tamatumunnga ilaavoq pinerluuteqarsimasunik isumaginnittoqarfimmut orniguttarnissaq taassumanngalu pulaarneqartarnissaq. Eqqartuussap pinerluuteqarsimasunik isumaginnittoqarfik naju-

garisaq suliffigisarlu pillugit ilisimatittassavaa.

*Imm. 2.* Eqqartuussap piumasarisat immikkut ittut maleruassavai aamma pinerluuteqarsimasunik isumaginnittoqarfik piumasarisat immikkut ittut naammassinissaannut pisariaqartunik ilisimatittasallugu.

*Imm. 3.* Eqqartuussap noqqaavigineqarluni paassisutissiissutigisani uppernarsassavai.

*Imm. 4.* Eqqartuussap aamma allatigut maleruassavai aalajangersakkat, pinerluuteqarsimasunik isumaginnittoqarfiup aalajangigai nakkutiginninnermut piumarineqarsinnaasimasunullu immikkut ittunut naammassinnissaasussat.

**§ 181.** Pinerluuteqarsimasunik isumaginnittoqarfik eqqartuussap nakkutilliinerup nalaani atugari-saanik malinnaaviginnissaaq, aamma pineqartup najugaqarfia suliffialu pillugit.

*Imm. 2.* Pinerluuteqarsimasunik isumaginnittoqarfiup piumasarisat immikkut ittut, pinngitsoorani malinneqartussat, aallartisarneqarnissaat malinneqarnissaallu nakkutigissavva. Aammattaaq pinerluuteqarsimasunik isumaginnittoqarfiup malinnaavigissavai eqqartuussap atugarisai immikkut ittut, piu-masarisat immikkut ittut atuutinngikkallartut atuutilersinneqarnerannik imaluunniit piumasarisat immikkut ittut atuutereersut allanngortinnejnarnerannik atorunnaarsinneqarnerannilluunniit kinguneqar-sinnaasut.

*Imm. 3.* Pinerluuteqarsimasunik isumaginnittoqarfiup aalajangersakkat, nakkutiginninnerup piu-marineqartullu immikkut ittut naammassineqarnissaannut pisariaqartut aalajangersassavai.

**§ 182.** Pinerluuteqarsimasunik isumaginnittoqarfiup eqqartuussaq sulinerup, inooqatigiinnerup inuttullu atukkat tungaasigut ilitsorsorniarlugu ikiorniarlugulu neqeroorfigissavva, pineqartup piner-luttarani inuunissaminut periarfissaasa pitsaanerulernissaat siunertaralugu. Pinerluuteqarsimasunik isu-maginnittoqarfiup tamatumunnga atatillugu aqqutissiuussavaa inunnut allanut, paaqqinniffinnut pisor-taqarfinnullu, inatsisit allat najoqqutaralugit ikiuisinnaasunut, atassuteqarnissaanut.

**§ 183.** Kalaallit Nunaanni Pinerluuteqarsimasunik Isumaginnittoqarfik maleruagassiussaaq nakkutilliinerup piumarineqarsimmasinnaasullu immikkut ittut naammassiniarneqarnissaat pillugit, aamma nakkutilliinerup aallartisarneqarnissa, atassuteqarnerup akulikissusissaa aamma oqartussaasunik allanik il.il. suleqateqarnissaq pillugit.

### *Piumasarisanik unioqqutitsineq*

**§ 184.** Pinerluuteqarsimasunik isumaginnittoqarfik iliuuseqassaaq nakkutigineqarneq pilerseqqin-niarlugu aamma piumasarisat immikkut ittut malinneqarnissaat qularnaarniarlugu, eqqartuussap nakkutigineqarnini imaluunniit piumasarisat immikkut ittut naammassineqarnissaat sumiginnarpagit.

*Imm. 2.* Eqqartuussap eqqartuussissummi piumasarisat unioqqutippagit, piumasarisanillu unioqqutitsineq pinerluuteqariataarsinnaanermik nassataqarsinnaasorneqarpat, pinerluuteqarsimasunik isu-maginnittoqarfiup tamanna unnerluussisussaatitaasunut nalunaarutigissavaa.

*Imm. 3.* Eqqartuussap aalajangikkat imaluunniit piumasarisat allat unioqqutippagit pinerluuteqar-simasunik isumaginnittoqarfiup pineqartoq peqqussavaa aalajangikkat piumasarisallu maleruassagai. Assingusumik unioqqutitsinermut atatillugu siusinnerusukkut peqqussutiliisoqarsimappat unnerluus-sisussaatitaasunut nalunaarusiortoqassaaq.

*Imm. 4.* Kalaallit Nunaanni Pinerluuteqarsimasunik Isumaginnittoqarfimmi aqutsisut suliassat piumasarisanik unioqqutitsinermut tunngasut pillugit maleruagassanik aalajangersaassaaq, aammalu imm. 1. naapertorlugu iliuusissat, imm. 2. aamma 3 naapertorlugit nalunaaruteqartarnissaq aamma imm. 3. naapertorlugu peqqussutinik nalunaaruteqartarnissaq pillugit.

*Pinerluuteqarsimasunik isumaginnittoqarfiunngitsup oqartussaasulli allat nakkutilliinerat il.il.*

**§ 185.** Oqartussaasoq susassaqartoq isumaqatigiinniuteqarfereerlugu inatsiseqarnermut ministeri maleruagassiuasaq oqartussaasut allat pinerluuteqarsimasunik isumaginnitqarfiunngitsut nakkutilliinerat il.il. pillugu.

## Kapitali 41

*Eqqartuussissutinik inuaqatigiinni sulisitaasussanngortitsinertalinnik naammassinninneq*

**§ 186.** Inuaqatigiinni sulisitaasussanngortitsilluni eqqartuussissutit pinerluuteqarsimasunik isumaginnitqarfiup naammassissavai.

*Imm. 2.* Inuaqatigiinni sulisitaasussanngortitsilluni eqqartuussissutip nassatarisaanik eqqartuussap sulisussaatitaanini naammassissavaa sivisunerpaaffissatut piffissaliussap iluani. Inuaqatigiinni sulisitaaneq ingerlaavartumik naammassineqassaaq sivisunerpaaffissatut piffissaliussap iluani.

*Imm. 3.* Pinerluuteqarsimasunik isumaginnitqarfik inuaqatigiinni sulisitaanermi suliffigisassaaq pillugu aalajangiissaq. Eqqartuussap aamma maleruassavai aalajangersakkat, pinerluuteqarsimasunik isumaginnitqarfiup inuaqatigiinni sulisitaanerup naammassineqarnissaq pillugu aalajangersagai.

**§ 187.** Kalaallit Nunaanni Pinerluuteqarsimasunik Isumaginnitqarfiup aqutsisui maleruagassisapput inuaqatigiinni sulisitaasussanngortitsilluni eqqartuussissutinik naammassinnissaq pillugu.

**§ 188.** Pinerluuteqarsimasunik isumaginnitqarfiup nakkutigissavaa eqqartuussap sulisussaatitaanini aalajangiussaq naammassineraa.

*Imm. 2.* Eqqartuussap unioqqutippagit inuaqatigiinni sulisitaasussanngortitsilluni eqqartuussisummi aalajangersakkat imaluunniit aalajangersakkat, inuaqatigiinni sulisitaanerup qanoq ingerlanneqarnissaq pillugu pinerluuteqarsimasunik isumaginnitqarfiup aalajangersagai, pinerluuteqarsimasunik isumaginnitqarfiup eqqartuussaq peqqussavaa aalajangersakkat maleruassagai. Tamanna pillugu siusinnerusukkut peqqussuteqartoqarsimappat unnerluussisussaatitaasunut nalunaarusiortoqassaaq.

*Imm. 3.* Kalaallit Nunaanni Pinerluuteqarsimasunik isumaginnitqarfimmi aqutsisut maleruagassisapput suliassat inuaqatigiinni sulisitaanissamut piumasarisanik unioqqutitsinermut tunngasut suliarineqartarnissaat pillugu.

**§ 189.** Nakkutigisassanngortitsilluni il.il eqqartuussissutinik naammassinnissaq pillugu aalajangersakkat kapitali 40-miittut taamatuttaaq atutissapput piumasarisanik, § 141, imm. 2, oqaaseqatigii pingajui, tak. §§ 133-136, malillugit aalajangersarneqarsimasunik naammassinninnermi.

## Kapitali 42

*Eqqartuussissutinik inissiisarfimmiittussanngortitsinertalinnik nakkutilliinertalinnillu naammassinninneq*

**§ 190.** Inissiisarfimmiittussanngortitsilluni nakkutiliisussanngortitsillunilu eqqartuussissut tunngavigalugu inissiisarfimmut inissiineq naammassineqassaaq aalajangersakkat kapitali 43-miittut naaperlorlugit, taamaattorli tak. § 145, imm. 2.

*Imm. 2.* Inissiisarfimmiittussanngortitsilluni nakkutiliisussanngortitsillunilu eqqartuussissut tunngavigalugu nakkutigineqarneq piumasarislallu immikkut ittut naammassineqassapput aalajangersakkat kapitali 40-miittut naaperlorlugit.

## Kapitali 43

*Eqqartuussissutinik inissiisarfimmiittussanngortitsinertalinnik naammassinninneq*

*Aallaqqaasiutitut aalajangersakkat*

*Kinguartitsineq*

**§ 191.** Kalaallit Nunaanni Pinerluuteqarsimasunik Isumaginnittoqarfimmi aqutsisut imaluunniit aqutsisut taamaaliornissamut piginnaatitaata aalajangersinnaavaat pineqaatissiissummit naammassinninissaq kinguartinneqassasoq

- 1) eqqartuussamik qajassuussineq, matumani ilangunneqarlutik taassuma sulinikkut, ilinniartitaanik-kut, ilaquaqarnikkut imaluunniit peqqissutsikkut atugai, pissutigalugit tamanna ilalernartinneqarpat, aamma
- 2) inatsisinik maleruaatitsiniarnermik soqtiginninneq naammassinninnerup kinguartinneqarnissaanut akerliunngippat.

*Imm. 2.* Naammassinninssamik kinguartitsisoqassappat eqqartuussap pinerluuteqannginnissaa piumasaqaataavoq. Kinguartitsisoqassappat eqqartuussap piumasarisatut aalajangersakkanik maleruaanissaa aamma piumasaqaataasinnaavoq, matumani ilangunneqarluni pinerluuteqarsimasunik isumaginnittoqarfimmit nakkutigitissasoq, tak. kapitali 28 aamma 40.

*Imm. 3.* Eqqartuussap kinguartitsinissamut akuersissummut piumasarisatut aalajangersakkat maleruanngippagit imaluunniit pinerluuteqaqqippat akuersissut utertinneqarsinnaavoq.

*Imm. 4.* Kalaallit Nunaanni Pinerluuteqarsimasunik Isumaginnittoqarfimmi aqutsisut naammassinninssamik kinguartitsineq pillugu suliassat suliarineqarnissaannut maleruagassiusapput.

*Saammaaneqarneq*

**§ 192.** Kalaallit Nunaanni Pinerluuteqarsimasunik Isumaginnittoqarfimmi aqutsisut maleruagassiusapput saammaanneqarnermik suliassat allaffissornikkut suliarineqarnissaat pillugu.

*Imm. 2.* Nakkutiliineq aamma piumasaqaatit immikkut ittut, piumasaqaasiinikkut saammaanneqarneq pillugu aalajangiineq naapertorlugu aalajangerneqarsimasut, aalajangersakkat kapitali 40-miittut malillugit naammassineqassapput.

*Pineqaatissiissutip sivisussusissaanik naatsorsuineq*

**§ 193.** Pineqaatissiissutip sivisussusissaanik naatsorsuinermi aalajangersakkat § 122-miittut naaperlorlugit ilanngaatigineqassaaq piffissaq, eqqartuussap tigusaaqqasimaffia, tigummigallagaaqqasi-maffia imaluunniit eqqarsartaatsikkut misissorneqarluni uninngasimaffia.

*Imm. 2.* Kalaallit Nunaanni Pinerluuteqarsimasunik Isumaginnittoqarfimmi aqutsisut pineqaatis-siissutip sivisussusissaanik naatsorsuinissaq pillugu maleruagassiusapput, matumani ilangullugu eqqartuussaaq naatsorsuineq pillugu sapinngisamik piaartumik ilisimatinneqassasoq aamma naammassinninssap unitsikkellarneqarsimanera imaluunniit naatsorsuinermi tunngavigisat allanngornerat pissutigalugit kingusinnerusukkut naatsorsueqqinermik.

*Paaqqinnifinnut inissiineq taakkualu akornanni nuussineq*

*Oqartussaasut*

**§ 194.** Kalaallit Nunaanni Pinerluuteqarsimasunik Isumaginnittoqarfimmi aqutsisut paaqqinnifinnut inissiineq taakkualu akornanni nuussineq pillugu aalajangiisiuussapput.

*Paaqqinniffit il.il.*

**§ 195.** Pineqaatissiissut inissiisarfimmiittussanngortitsinertalik inissiisarfimmi naammassineqas-saaq, taamaattorli tak. imm. 2 aamma imm. 3.

*Imm. 2.* Pineqaatissiissut inissiisarfimmiittussanngortitsinertalik sivikitsoq pissutsini immikkut ittuni isertsitsivimmi naammassineqarsinnaavoq maleruagassat, Kalaallit Nunaanni Pinerluuteqarsimasunik Isumaginnitoqarfimmi aqutsisunit politidirektori suleqatigalugu aalajangersakkat, malillugit.

*Imm. 3.* Pineqaatissiissut inissiisarfimmiittussanngortitsinertalik aammattaaq aalajangersakkat § 234-miittut malillugit pissutsini immikkut ittuni naammassineqarsinnaavoq pinerluuteqarsimasunik isumaginnitoqarfiup pensioniutaani aamma paaqqinniffinni il.il. pinerluuteqarsimasunik isumaginnitoqarfiup avataaniittuni.

*Paaqqinniffimmik inissinneqarfissamik toqqaaneq*

**§ 196.** Pineqaatissiissut inissiisarfimmiittussanngortitsinertalik ajornannngippat sapinngisamik naammassineqartassaaq eqqartuussap najugaqarfiaita qanittuani. Paaqqinniffimmik sorlermi eqqartuussaq inissinneqassasoq aalajangiinermi aammattaaq eqqarsaatigineqassapput eqqartuussap nam-mineq kissaatigisai, pingaartumik pissutsit sulinermut, ilinniartitaanermut, ilaquaqarnermut imaluunniit peqqissutsinut tunngasut.

*Imm. 2.* Aalajangersagaq imm 1, oqaaseqatigiinni siullerniittoq sanioqquqneqarsinnaavoq  
1) taamatut inissiineq § 197, imm. 2 malillugu inissiinermut qaqutigoortumik taarsiunneqarsinnaappat,  
2) pineqartoq eqqartuunneqarsimappat pinerluummut inuiaqatigiinni pigisanut annertuumik nalilinnut sammisumik, aammalu inatsisinik atortitsinissamik soqutiginninneq eqqartuussap najugaqarfiaita qanittuani inissiinermut akerliunngippat,  
3) eqqartuussaq najugaqarfimmi qanittuaniittumi paaqqinniffimmik kingullermik inissitaanermi nalaani pinerluuteqaaqqissimappat imaluunniit paaqqinniffiup maleruagassaanik peqqarniitsumik unioqquttsisimappat,  
4) eqqartuunneqartoq perorsaariaatsikkut, nakorsatut imaluunniit allatigut immikkut ittumik ikiorniarlugu,

5) pinngitsoortinniarlugu, inissinneqarsimasup qanigisami arlaata suliffisaani inissinneqarnissaa,

6) pinngitsoortinniarlugu, eqqartuunneqarluni inissinneqarsimasup pinerluffigisimasaata atorfliittap imaluunniit taassuma qanigisaata suliffisaani inissinneqarnissaa

7) eqqartuussaq innarligaanissaanut illersorniarlugu tamanna pisariaqartutut isigineqartariaqarpat,

8) pinerluuteqarsimasunik isumaginnitoqarfiup paaqqinniffiutaani inissanik tamakkiisumik atuinissap tamanna pisariaqalersippagu.

*Imm. 3.* §§ 198-199 malillugit nuussinissaq pillugu aalajangiinermi imm. 1 aamma 2 taamatulli atuutissapput.

*Inissiineq*

**§ 197.** Pineqaatissiissummik inissiisarfimmiittussanngortitsinertalimmik naammassinninnissaq immikkoortortami ammasumi pissaaq, taamaattorli tak. imm. 2 aamma 3.

*Imm. 2.* Imm. 1. malillugu naammassinninnissaq affarmik matoqqasumi pisinnaavoq pineqartoq pinerlunnermut inunnik annertuumik navialisitsisinnaasumut eqqartuunneqarpat aammalu inatsisinik atuutsitsinissamik soqutiginninneq pissutigalugu ammasumi inissiinissaq ilalernartinneqanngippat, tak.

§ 214, imm. 2.

*Imm. 3.* Naammassinninnissaq matoqqasumi pisinnaavoq eqqartuussaq siusinnerusukkut inisitaasimalluni immikkoortortamit matoqqasumiit kingullermik iperagaasimappat, immikkoortortamut ammasumut nuutsinneqarnissamut piumasarineqartut naammassineqarsimanngimmata.

### *Nuussineq*

**§ 198.** Immikkoortortami ammasumi inissitaq, tak. § 197, imm. 1 aamma 2, immikkoortortamut matoqqasumut nuutsinneqarsinnaavoq, pineqartooq

- 1) qimaasimappat imaluunniit qimaaniaraluarsimappat, imaluunniit
- 2) pinerloqqissimappat.

*Imm. 2.* Immikkoortortami ammasumi inissitaq immikkoortortamut ammasumut allamut nuutsinneqarsinnaavoq

- 1) inissitaq qimaasimappat imaluunniit qimaaniaraluarsimappat,
- 2) inissitaq pinerloqqissimappat imaluunniit paaqqinniffimi maleruagassanik annertuumik unioquq-titsisimappat,
- 3) tamanna pisariaqartutut isigineqartariaqarpat inissitaq innarlerneqarnissaanut illorsorniarlugu,
- 4) inissitap nammineq tamanna kissaatigippagu aamma tamanna ilaqtariinnermut tunngasut immik-kut ittut imaluunniit inuttut atukkat allat tunngavissaqartippassuk, imaluunniit
- 5) pinerluuteqarsimasunik isumaginnitoqarfip paaqqinniffiini inissat tamarmiusut atorneqarnissaasa tamanna pisariaqalersippagu.

*Imm. 3.* Isertitsivimmi inissitaq aalajangersakkat imm. 1-imiittut malillugit immikkoortortamut matoqqasumut nuutsinneqarsinnaavoq aamma aalajangersakkat imm. 2-miittut malillugit isertitsivim-mut allamut imaluunniit immikkoortortamut ammasumut.

**§ 199.** Immikkoortortami matoqqasumi inissitaq immikkoortortamut ammasumut nuutsinne-qassaaq, isumannaatsuunissaq eqqarsaatigalugu immikkoortortami matoqqasumiititsinissaq pisariaqa-runnaarpat aammalu qajassuussinerusumik inissiinissaq inassutiginarpas. Nuussinissaq pillugu aalaja-ningiinermi § 197, imm. 1 aamma 2 taamatulli atuutissapput.

*Imm. 2.* Affarmik matoqqasumi inissitaq ammasumut nuutsinneqassaaq, inatsisinik maleruaatitsi-niarneq tamatumunnga akerliujunnaarpas.

### *Allaffissornikkut aalajangikkat*

**§ 200.** Kalaallit Nunaanni Pinerluuteqarsimasunik Isumaginnitoqarfimmi aqutsisut §§ 195-199 malillugit inissiisarneq aamma nuussisarneq pillugu suliassat suliarineqarnissaannut maleruagassius-sapput.

### *Inissitat paaqqinniffimiinnerminni pisinnaatitaaffii pisussaaffilu*

### *Ilitsersuineq pilersaarusiornnerlu*

**§ 201.** Inissitaq paaqqinniffimi inissinneqarnermi kingorna paaqqinniffimmit piaernerpaamik ilitsersuunneqassaaq paaqqinniffimiinnermi nalaani pisinnaatitaaffimminik pisussaaffimminillu aam-malumi pissutsinik allanik.

*Imm. 2.* Paaqqinniffik aammattaaq inissitaq suleqatigalugu inissiinerullu kingorna piaerner-paamik pilersaarusiussaaq inissinneqarnerup nalaani iperagaanerullu kingorna atuuttussamik. Pileraarut taanna inissitap inissitaanermini atugaanut akuttunngitsumik sanilliunneqartassaaq pisariaqassappal-lu tamakkununnga naleqqussarniarneqartassaaq.

### *Innersuussutit*

**§ 202.** Inissitap maleruassavai innersuussutit paaqqinniffimi sulisunit paaqqinniffiup suliassa-sa isumagineqarnerannut atatillugu innersuussutigineqartut.

### *Ataatsimooqateqartarneq*

**§ 203.** Inissitaq inissitanik allanik sapinggisamik ataatsimooqateqartinneqassaaq.

*Imm.* 2. Inissitap tamanna nammineq kissaatigippagu pissutsinillu ajornartinneqanngippat ne-qeroorutigineqarsinnaavoq inissitanik allanik ataatsimooqateqartoqassanngitsoq imaluunniit killiler-sukkamik ataatsimooqateqartoqassasoq.

*Imm.* 3. Ataatsimooqateqarani inissitaaneq taamaallaat allatigut aalajangerneqarsinnaavoq ma-leruagassat §§ 223-miittut aamma 227, imm. 2-miittut malillugit.

*Imm.* 4. Kalaallit Nunaanni Pinerluuteqarsimasunik Isumaginnittoqarfimmi aqutsisut imm. 1 ma-lillugu ataatsimooqateqarnissaq pillugu maleruagassiussapput, ilanngullugu inissitat namminneq inigi-saminnik parnaaqqtitsisinnaanerat aamma inissitanik parnaarussisinnaaneq.

### *Sunniuteqaqataaneq*

**§ 204.** Inissitat paaqqinniffimi inuunerminnut sunniuteqaqataanissaminnut periarfissaqartinne-qassapput.

*Imm.* 2. Inissitat suliassat, paaqqinniffiup isumannaallisagaaneranut inunnulu ataasiakkaanut tunngasut, pillugit oqaloqatigiinnerni peqataasinnaatitaanngillat.

*Imm.* 3. Kalaallit Nunaanni Pinerluuteqarsimasunik Isumaginnittoqarfimmi aqutsisut inissitat sunniuteqaqataanissaasa, ilanngullugu oqaaseqartittakkat toqqakkat aqqutigalugit, naammassiniarnis-saanut maleruagassiussapput.

### *Nammineq pigisat aningaasaatillu*

**§ 205.** Inissitaq nammineq pigisaminik paaqqinniffimi nassarsinnaatitaavoq pigisaqarsinnaa-titaavoq aamma atuisinnaatitaavoq, tamannali atutissanani torersuutitsinissap isumannaatsuunissallu tungaasigut soqutigisassat pissutigalugit tamanna akuerineqarsinnaanngippat.

*Imm.* 2. Kalaallit Nunaanni Pinerluuteqarsimasunik Isumaginnittoqarfimmi aqutsisut imaluunniit aqutsisut taamatut iliornissamut pisinaatitaat inissitat namminneq pigisaminik paaqqinniffimi nas-sarsinnaanerannut, pigisaqarsinnaanerannut atuisinnaanerannullu killilersuutissanik maleruagassius-sapput.

*Imm.* 3. Kalaallit Nunaanni Pinerluuteqarsimasunik Isumaginnittoqarfimmi aqutsisut maleruagasiussapput inissitat aningaasanik namminneq pigisaminik paaqqinniffimi nassarsinaanerat, pigisa-qarsinnaanerat atuisinnaanerallu pillugu.

### *Upperisarsiorneq*

**§ 206.** Inissitaq palasimik imaluunniit assigisaanik upperisarsioqatimineersumik oqaloqateqar-sinnaatitaavoq.

### *Sunngiffeqarneq*

**§ 207.** Inissitap nammineq sapinggisamik isumagissavai suliassat imminut tunngasut, ilanngul-ugit nerisassiorneq eqqiluisaарnerlu.

*Imm. 2.* Paaqqinniffiup inissitat sunngiffimminni sammisassaannik neqeroorfigissavai.

*Imm. 3.* Inissitaq ullormut minnerpaamik nalunaaquttap akunnerani ataatsimi silamiissinnaatitaavoq, tamannali atuutissanani paaqqinniffiup isumannaatsuunissaanut tamanna qaqtigoortumik sanilliunneqarsinnaanngippat.

*Isumaginninnerup tunngaatigut ikiuineq*

**§ 208.** Paaqqinniffiup inissitaq ilitsersuutissavaa ikiorlugulu pineqartup sulinikkut, ilinniartitaankut, inoqateqarnikkut, inuttullu atugaasa tungaasigut, makku anguniarlugin

1) pineqartup pinerluttarani inuunissaminut periarfissai pitsaanerulersinniarlugin, aamma

2) ajoquitit kiffaanngissusiagaanerup nassatarisai killilersimaarniarlugin.

*Imm. 2.* Paaqqinniffik imm. 1 malillugu sulinerminut atatillugu inunnut allanut, paaqqinniffiinut oqartussanullu, inatsisit allat naapertorlugin ikuiusussaasunut, attassuteqalernissamut aqqutissiuussisaq.

*Peqqissutsikkut ikiuineq*

**§ 209.** Inissitaq nakorsamit katsorsartissinnaatitaavoq allatigullu peqqissutsimigut ikiorserneqarsinnaatitaalluni.

*Imm. 2.* Justitsministerip inatsisitigut aalajangersinnaavaa pinerluuteqarsimasunik nakkutilliivimmi Danmarkimiittumi inissitap nuunneqarsinnaanissaak nakorsamik ikorneqarnissamik allatulluunniit peqqissutsimut ikorneqarnissaak siunertaappat, tak. *imm. 1.*

*Sulineq ilinniartitaanerlu il.il.*

**§ 210.** Inissitaq sulinissaminut pisinnaatitaavoq pisussaaffeqarlunilu sulinermi, ilinniartitaanermi sammisassamiluunniit akuerisami allami peqataanermigut.

*Imm. 2.* Kalaallit Nunaanni Pinerluuteqarsimasunik Isumaginnittoqarfimmi aqutsisut aalajangersagaq imm. 1-imiiittoq sanioqqussinnaavaat paaqqinniffiinut aalajangersimasunut imaluunniit inisitanut aalajangersimasunut tunngatillugu, tamanna isumagisassat nalinginnaasut imaluunniit immikkut ittut pisariaqalersippassuk. Taamaattorli inissitat sulinissaminnik ajornannangippat neqeroorfigineqartassappat.

*Imm. 3.* Inissitaq sammisassamik paaqqinniffimmit akuerineqartumik suliaqarumanngitsoq suliffiup nalaani nammineq inigisaminiitinneqartassaaq imaluunniit allami innersuussamiissalluni.

**§ 211.** Immikkoortortami ammasumi inissitaq ajornannangippat paaqqinniffiup avataani sulisinneqassaaq, taamaattoq tak. § 214, imm. 2. Paaqqinniffiup avataani sulinissamut akuerineqarnissaq pillugu aalajangiineq aalajangersakkat § 214-imiiittut malillugin aalajangiinerussaaq.

*Imm. 2.* Suliffimmik toqqaaneq pissutsini ataasiakkaani tamani aalajangerneqartassaaq inissitap atugarisai ataatsimut nalilersuiffigalugin. Aalajangiinermi sapinngisamik eqqarsaatigineqassapput inisitap nammineq kissaatai aamma inissitap aamma iperagaanermi kingorna paaqqinniffiup avataani suliffissarsinissaminut ilinniarfissarsinissaminulluunniit periarfissai. Inissitaq ilitsersuunneqassaaq atuartitaanikkut allamilluunniit ilinniartitaanikkut atuarfimmi ilinniakkamigut amigaatigisaminik imaluunniit inuussutissarsiornerup tungaatigut allatulluunniit ilinniartitaanikkut amigaatigisaminik pitsaanerusunngortsinissaminut periarfissat pillugit.

**§ 212.** Inissitaq sulisinerminut akissarsiaqassaaq. Aamma inissitat suliffissanik amigaateqarneq pissutigalugu sulinissamik neqeroorfigineqarsinnaanngitsut imaluunniit napparsimanertik pissutigalugu sulinngitsut akissarsiaqartitaassapput. Taamatuttaaq pineqassapput inissitat paaqqinniffiup aalajangierna naapertorlugu imaluunniit allanik immikkut ittunik patsiseqarlutik sulinngikkallartut, imaluunniit

§ 210, imm. 2 malillugu sulinngitsut.

*Imm. 2. Inissitat allat inuttut pisariaqartitatik taamaallaat matussusertittassavaat.*

**§ 213.** Paaqqinniffiup suliffiutai imatut aaqqissuunneqarsimassapput inissitat sulinerminni pissut-sit atugaat isumannaallisaanikkut peqqissutsikkullu tamakkiisumik aarlerinaateqassanatik.

*Imm. 2. Kalaallit Nunaanni Pinerluuteqarsimasunik Isumaginnittooqarfimmi aqutsisut maleruagasakiussapput inissitat §§ 210-212 naapertorlugit sulinerat akissarsiaqartitaanerallu il.il. pillugit.*

*Inissitat paaqqinniffiup avataani inuiaqatigiinnut atassuteqarnerat*

*Paaqqinniffiup avataani angalaarnissamut akuerineqarnissaq (aneerneq)*

**§ 214.** Inissitaq aneernissaminut akuerineqarsinnaavoq

- 1) aneernissamut siunertaasoq ilinniartitaanerup, sulinerup, katsorsartinnerup, ilaquaqarnerup imaluunniit allatut inuttut tunngasut tungaasigut naleqquttumik patsisissaqarpat,
- 2) aalajangersimasumik pissutissaqanngippat isumaqassalluni inissitaq aneernini iluatsillugu pinerluuteqaqqissasoq, naammassinninniaanerup ingerlateqqinnissaanik sumiginnaassasoq imaluunniit allatut iliuuseqarluni aneernissamik akuerineqarnini atornerlussagaa, aamma
- 3) inatsisinik maleruaatitsinissaq aneernissamik akuersissuteqarnermut allatigut akornusiinngippat.

*Imm. 2. Immikkoortortami affarmik matoqqasumi ineqarnermini inissitaq paaqqinniffiup avataani sulinissamut akuerineqarsinnaanngilaq aammalumi aneernissamut akuerineqarsinnaanani, aatsaallu akuerineqarsinnaalluni pissutsit immikkut ittut tamatumunga tunngavissaqartitsippata*

*Imm. 3. Immikkoortortami matoqqasumi ineqarnermini inissitaq paaqqinniffiup avataani sulinissamut akuerineqarsinnaanngilaq aammalumi aneernissamut akuerineqarsinnaanani. Taamaattorli aneernissaq akuerineqarsinnaavoq sunngiussiartuaartitsinermut atatillugu, imaluunniit pissutsit immikkut ittut tamatumunga tunngavissaqartitsippata.*

*Imm. 4. Aneernissamut akuerineqarneq piffissamut aalajangikkamut killiligaassaaq, pineqaatisiissutip sivisussusaata naatsorsorneqarneranut ilaasussamik.*

*Imm. 5. Aneernissaq akuerineqassappat piumasarineqassaaq inissitaq pinerluuteqaqqissanngitsoq. Aneernissaq akuerineqassappat aamma allanik piumasaqaateqartoqarsinnaavoq, aneernissamut akuerineqarnermik atornerluinaveersaartitsinissamut iluaqtissaasorisanik imaluunniit inatsisit tungaatigut naapertuilluarnermik misigisimanissaq eqqarsaatigalugu.*

*Imm. 6. Aneernissamut akuersissut utertinneqarsinnaavoq imaluunniit akuersissuteqarnermut atatillugu piumasarineqartut allanngortinneqarsinnaapput*

- 1) inissitaq aneersimalluni utinngitsoorpat imaluunniit allatigut piumasarisatut aalajangiussat malinngippagit imaluunniit pinerluuteqaqqippat, imaluunniit
- 2) paasisat nutaat inissitap atugaanut tunngasut aalajangersimasumik patsisissaqartumik ilimanarisippassuk inissitap aneernissamut akuerineqarnini atornerlunniaraa.

*Imm. 7. Kalaallit Nunaanni Pinerluuteqarsimasunik isumaginnittooqarfimmi aqutsisut aneernermut akuerineqarnissaq pillugu maleruagassiussapput.*

*Pulaarneq*

**§ 215.** Inissitaq minnerpaamik sapaatip akunneranut ataasiarluni pulaartoqarsinnaatitaavoq minnerpaammik nalunaaquattap akunneranik ataatsimik sivisussuseqartumik, ajornangippallu nalunaaquattap akunnerinik marlunnik sivisussuseqartumik. Inissitat aneernissamut akuerineqanngitsut ajornangippat akulikinnerusumik sivisunerusumillu pulaartoqarnissamut akuerineqartariaqarput.

*Imm. 2. Inissitaq imm. 1-imi eqqaaneqartutut killilersugaangnitsumik pulaartoqarsinnaatitaavoq illersuisutut piginnaanilikkamit imaluunniit eqqartuussissuserisumit, pineqartumut illersuisussanngor-*

tinneqarsimasumik imaluunniit pineqartup nammineq qinersimasaanit illersuisorissallugu pinerlunnermik suliassami paaqqinniffimmut inissinneqaatigisimasamini, imaluunniit pinerluummut suliassamut suli ingerlanneqartumut.

*Imm. 3.* Pinerluuteqarsimasunik isumaginnittoqarfíup aalajangersinnaavaa, pulaartut inissinneqarsimasup pulaarnissaannut akuersissummik piniaqqaassasut. Pulaarnissamut akuersissummut piumasaqaataasinnaavoq, pulaartut misissorneqarnissamut akuersinissaat. Misissuineq tassaasinnaavoq pulaartut atisaannik misissuineq, pulaartut pularnerminni atugaannik, aamma annertunerusumik pulaartut qaatiguuinik aamma nassataannik misissuineq.

*Imm. 4.* Kalaallit Nunaanni Pinerluuteqarsimasunik Isumaginnittoqarfímmi aqutsisut torersuunissap imaluunniit isumannaatsuunissap tungaatigut soqutigisassat aallaavigalugit aalajangiisinnaapput pularnermut pisinnaatitaanermi killilersuineq pillugu maleruagassanik.

### *Meeqqat*

**§ 216.** Inissitaq qitornaminik ataaseq inorlugu ukiulimmik paaqqinniffimmi najorteqarsinnaatitaavoq, inissitap meeraq nammineq paarisinnaappagu aammalu meeqqap tassani najugaqarnissaa paaqqinniffimmi pissutsinit illersorneqarsinnaanngitsutut isigineqanngippat.

*Allaffigeqatigiinneq oqarasuaatikkullu oqaloqatigiinnerit.*

**§ 217.** Inissitaq allaffigeqatigiinnissamut oqarasuaatikkullu oqaloqateqarnissamut pisinnaatita-

*Imm. 2.* Paaqqinniffíup eqqartuussivik aalajangiitinnagu inissitamut allakkat aamma inissitap allagai ammarsinnaavai matusinnaallugillu. Tamanna inissitap najuunnerani pissaaq, taamaattoqassanngilarli imm. 3-mi taaneqartutut pisoqartillugu.

*Imm. 3.* Kalaallit Nunaanni Pinerluuteqarsimasunik Isumaginnittoqarfímmi aqutsisut torersuunissap imaluunniit isumannaatsuunissap tungaatigut soqutigisassat pissutigalugit imaluunniit inatsisinik unioqqutitsinermi pinerlineqartoq illersorniarlugu pisinnaatitaanermik killiliinissaq pillugu maleruagassiorsinnaapput imm. 1 malillugu, tamatumunnga ilanngullugit allakkanik atuaaneq, uninngatitsineq utertitsinerlu aamma oqarasuaatikkut oqaloqqusaannginnej aamma oqarasuaatikkut oqaloqatigiinnerik tusarnaarneq pillugit.

*Imm. 4.* Paaqqinniffimmi pisortaq imm. 3 malillugu aalajangersakkanik aalajangiissaq.

**§ 218.** Inissitaq pisinnaatitaavoq nakkutiliiffigineqanngitsumik allakkatigut atassuteqarnissamut inatsiseqarnermut ministerimut, pinerluuteqarsimasunik isumaginnittoqarfímmi direktörimit, pinerluuteqasimasunik isumaginnittoqarfímmi aqutsisumut, eqqartuussivinnut, Immikkut ittumik eqqartuussivimmut maalaaruteqarfigineqarsinnaasumut, Suliareqtitassanngortitsinissamik aalajangiisartunut, unnerluussisussaatitaasunut politiinullu, Folketingip ombudsmandianut, Inatsisartut ombudsmandianut, Folketingimut ilaasortanut, Inatsisartunut ilaasortanut, Inuit pisinnaatitaanerat pillugu Europami eqqartuussivimmut, Inunnik naalliutsitsineq akiorniarlugu Europami ataatsimiititaliamut, Naalagaaffit Peqatigiit inuit pisinnaatitaanerannut kommissioniannut, Naalagaaffit Peqatigiit inunnik naalliutsitsineq akiorniarlugu ataatsimiititaliaannut aammalu illersuisumut akuerisaasumut imaluunniit eqqartuussissuserisumut, pineqartumut illersuisungortitaasimasumut, pineqartup pinerlunnermik suliassami paaqqinniffimmut inissinneqaatigisaanut imaluunniit pinerlunnermik suliassamut suli ingerlanneqartumut illersuisussamisut toqqarsimasaanut.

### *Aviisinik, atuakkanik il.il. atuarsinnaatitaaneq*

**§ 219.** Inissitaq aviisinik atuarnermigut aamma radiukkut aallakaatitanik tusarnaarnermigut fjernsynikkullu aallakaatitanik isiginnaarnermigut il.il. paasisassarsiornissaminut periarfissaqartitaassaaq.

*Imm. 2.* Inissitaq atuakkanik atorniartarfik pisortat ingerlataat aqqutigalugu atuakkanik atuagassianillu atorniarsinnaatitaavoq.

*Tusagassiuitinut atassuteqarneq*

**§ 220.** Inissitaq tusagassiuitinut paaqqinniffimmi oqaaseqarsinnaatitaavoq tamatumunngalu atatillugu assilitilluni.

*Imm. 2.* Taamaattorli Kalaallit Nunaanni Pinerluuteqarsimasunik Isumaginnittoqarfimmi aqutsisut aalajangiisinnaapput imm. 1 malillugu pisinnaatitaanermik killilersuineq pillugu maleruagassanik, paaqqinniffimmi isumannaatsuunissaq eqqarsaatigalugu, inatsisink unioqquitsinermi pinerlineqartoq illorsorniarlugu imaluunniit inatsisit tungaasigut naapertuilluarnermik misigisimanerup erseqqissumik ajoquserneqarnissaak akiorniarlugu.

*Imm. 3.* Kalaallit Nunaanni Pinerluuteqarsimasunik Isumaginnittoqarfimmi aqutsisut imm. 2-mi aalajangersakkat malillugit aalajangiissapput.

*Inissitaq akuliuffigalugu iliuutsit*

*Misissuiffiginninneq*

**§ 221.** Paaqqinniffiup misissorsinnaavaa pigisat suut inissitap inigisaminiitinnerai imaluunniit nammineq tigumminera (misissuineq), taamatut misissuinissaq pisariaqarpat torersuutitsinissamik aalajangersakkat malinnejarnissaat imaluunniit isumannaatsuunissamik nakkutiginninnissaq qulakeerniarlugu, matumanilanganngullugit

- 1) inissitap paaqqinniffimmut inissinneqarnerani,
- 2) pulaartoqarnerup siornatigut kingornatigullu,
- 3) paaqqinniffimmiit imaluunniit isersimaartarfittut immikkoortortamiit qimagussimanerup siornatigut kingornatigullu,
- 4) inissitaq pasillerneqarpat pigisanik tigummisassarinngisaminik tigummisaqartoq.

*Imm. 2.* Paaqqinniffimmi pisortaq isumannaatsuunissap tungaatigut soqutigisassat pissutigalugit aalajangiisinnaavoq inissitap inuttaa annertunerusumik misissuiffigineqassasoq, aalajangersimasumik pissutissaqarluni isumaqartoqarpat inissitaq pigisanik tigummisassarinngisaminik tigummisaqartoq. Timimik taamatut misissuineq taamaallaat pisassaaq nakorsaq peqataatillugu. Nakorsap isummerfigissavaa misissortinnermut atatillugu anniarnissaq navialisitsisinnaanerlu eqqarsaatigalugit kiisalu inissitap qanoq innera tunngavigalugu misissuinissaq nakorsanit illorsorneqarsinnaanersoq.

*Imm. 3.* Misissusoqassangilaq tamanna akuliunnerup siunertaanut aamma narrunarsaanissamut inuummarlutsinsinissamullu akuliunnerup nassatarisassaatut ilimagineqarsinnaasunut sanilliullugu naleqqutingitsumik akuliunnerussappat.

*Imm. 4.* Misissuineq pissutsit tassunga tunngasut najoqqutaralugit sapinggisamik qajassuartumik pissaaq. Atisaajaalluni misissuineq taamaallaat qaqtiguinnaq pissaaq aamma inissitap suaassuseqatiginngisai najuutsillugit. Taamaassanngilarli peqqinnissaqarfimmi sulisunut.

*Imm. 5.* Kalaallit Nunaanni Pinerluuteqarsimasunik Isumaginnittoqarfimmi aqutsisut maleruagassaliussapput inissitap timaanik inigisaanillu misissuinermut tunngasunik.

*Imm. 6.* Paaqqinniffik inissitamik assiliisinnaatitaavoq aamma inuaanik ipaasiuisinnaatitaavoq kingusinnerusukkut kinaassusersineqarnissaq siunertalarugu. Kalaallit Nunaanni Pinerluuteqarsimasunik Isumaginnittoqarfimmi aqutsisut maleruagassiorsinnaapput oqaaseqatigiit siullit naapertorlugit assiliineq inussanillu ipaasiuineq pillugu, matumanilanganngullugit tamakkuninnga paarsaqarnissaq aamma aseroterinissaq.

**§ 221 a.** Inissiisarfiup pisortaata imaluunniit inuup tamatumunnga piginnaatitaasup aalajangersinnaavaa inissinneqarsimasoq supoorsilluni misiligummik imaluunniit quumik misiligummik tunniussissasoq, imigassamik, ikiaroornartunik allatigulluunniit akuutissanik inatsisit nalinginnaasumik atuuttut malillugit inerteqqutaasunik iisaqarsimasinnaanera misissorniarlugu.

*Imm. 2. § 221, imm. 4, assigisaanik atorneqassaaq.*

*Imm. 3. Supoorsilluni misiligutit nakkutigineqarnissaasa aamma quumik misiligutit nakkutigineqarnissaasa piviusunngortinnissaannut Kalaallit Nunaanni Pinerluuteqarsimasunik Isumaginnittooqarfiup aqutsisui maleruagassanik aalajangersaassapput.*

### *Pissaanermik atuineq*

**§ 222.** Paaqqinniffik inissitamut pissaanermik atuisinnaavoq, tamanna pisariaqarpat

- 1) nakuusernissamik aarlerinartorsiorneq pinngitsoortinniarlugu imaluunniit sakkortuumik pinaaserneq ajugaaffiginiarlugu,
- 2) imminornissaq imaluunniit allatut imminut ajoquserniarneq akornuserniarlugu,
- 3) qimaanissaq akornuserniarlugu imaluunniit qimaasoq unitsinniarlugu imaluunniit
- 4) pineqaatisiissutitut peqqussutaasoq pingitsaaliisummik naammassitinniarlugu, tamatuma ingerlaannaq naammassineqarnissaa pisariaqaraangat aamma inissitap paaqqinniffimmi sulisut tamanna pillugu innersuussutaat akueriumanngikkaangagit imaluunniit malikkumanngikkaangagit.

*Imm. 2. Pissaanermik atuisoqarsinnaavoq eqqornaveeqquummik atuinikkut, anaatamik atuinikkut imaluunniit peberspray-imik atuinikkut.*

*Imm. 3. Pissaanermik atuisoqassanngilaq tamanna akuliunnerup siunertaanut aamma narrunarsaanissamut inuummarlutsitsinissamullu, akuliunnerup nassatarisassaatut ilimagineqarsinnaasunut, sanilliullugu naleqqutinngitsumik akuliunnerussappat.*

*Imm. 4. Pissaanermik atuineq pissutsit apeqqutaatillugit sapinngisamik qajassuartumik pisassaaq. Pissaanermik atuinerup kingorna pineqartoq nakorsamit misissorneqassaaq nappaateqartoqarnera pasitasaanneqarpat, matumani ilanngullugu pissaanermik atuinermut atatillugu inissitaq ajoqusersimanersoq, imaluunniit inissitap nakorsamit ikiorneqarnissani noqqaassutigippagu.*

*Imm. 5. Kalaallit Nunaanni Pinerluuteqarsimasunik Isumaginnittooqarfimmi aqutsisut maleruagassiussapput inissitanut pissaanermik atuineq pillugu.*

### *Kisimiittussanngortitaaneq*

**§ 223.** Paaqqinniffimmi pisortap imaluunniit inuup taamaaliornissamut piginnaatinneqartup inissitaq kisimiittussanngortissinnaavaa, tamanna pisariaqarpat qimaanissaq, pinerluuteqarnissaq imaluunniit sakkortuuliornissaq pinaveersaartinniarlugu

*Imm. 2. Tunngavissaqarpat isumaqassalluni kisimiittitsilluni inissiinissamut imm. 1-imi piumasarineqartut naammassineqarsimasut, paaqqinniffiup inissitaq kisimiittussanngortikkallarsinnaavaa, kisimiittussanngortitsinissaq pillugu apeqqutip suliarineqarnerata nalaani.*

*Imm. 3. Inissitaq kisimiittassanngortinnejartoq nammineq inigisamini imaluunniit immikkortortami inimi immikkut ittumi immikkortinnejarluni inissinneqassaaq. Taamatut inissitaanerup nalaani inissitaq inuunermini allanik killilersuiffigineqassanngilaq, taamaallaat inimi kisimiittitaalluni inissitaanerup nassataanik killilersuiffiginninnernik, tak. § 172.*

*Imm. 4. Kisimiittussanngortitsisoqassanngilaq allanit avissaartitaaneq akuliunnnerup siunertaanut aamma narrunarsaanissamut inuummarlutsitsinissamullu, akuliunnerup nassatarisassaatut ilimagineqarsinnaasunut, sanilliullugu naleqqutinngitsumik akuliunnerussappat.*

*Imm. 5.* Kisimiittussanngortitsineq pissutsit najoqqtaralugit sapinggisamik qajassuartumik ingerlanneqassaaq.

*Imm. 6.* Kisimiittussanngortitsineq ingerlaannaq kipitinneqassaaq taamaaliornissamut piumasarineqartut atuukkunnaarpata. Paaqqinniffiup minnerpaamik sapaatip akunneranut ataasiarluni isummerfigisassavaa kisimiittussanngortitsineq tamakkiisumik ilaannakortumilluunniit atorunnaarsinnejassarnersoq.

*Imm. 7.* Kalaallit Nunaanni Pinerluuteqarsimasunik Isumaginnittooqarfimmi aqtsisut maleruagasiussapput kisimiittussanngortitsisarneq pillugu, matumani ilanngullugu nalunaaruteqarnissamut pisusaaeq pillugu.

**§ 223 a.** Torersuunissaq- imaluunniit isumannaatsuunissaq pissutigalugit inissinneqarsimasup sivikiitsumik nammineq inigisamini imaluunniit immikkut ittumik inimi nakkutilliiffiusartumi inissisimanissaa pillugu sullissiviup aalajangiineri, § 223-imi aalajangersakkani ilaatinneqanngillat.

*Imm. 2.* Imm. 1 malillugu inissinneqarsimasut inissisimaffimmiainnissaat pillugit Kalaallit Nunaanni pinerluttutik isumaginnittooqarfimmi aqtsisut malittarisassanik aalajangersaassapput.

### *Paffequtit savimerngit*

#### **§ 224.** Paffequtit savimerngit atorneqasinnaapput, pisariaqarpat

- 1) nakuusernissamik aarlerinartorsiorneq pinngitsoortinniarlugu imaluunniit sakkortuumik pinaaserneq ajugaafffiginiarlugu,
- 2) imminornissaq imaluunniit allatut imminut ajoquuserniarneq akornuserniarlugu,
- 3) qimaanissaq akornuserniarlugu

*Imm. 2.* Paffequtit savimerngit atorneqassanngillat tamanna akuliunnerup siunertaanut aamma narrunarsaanissamut inuummarlutsitsinissamullu, akuliunnerup nassatarisassaatut ilimagineqarsinnaasunut, sanilliullugu naleqqutinngitsumik akuliunnerussappat.

*Imm. 3.* Paffequtit savimerngit atorneqassapput pissutsit najoqqtaralugit sapinggisamik qajassuartumik.

*Imm. 4.* Kalaallit Nunaanni Pinerluuteqarsimasunik Isumaginnittooqarfimmi aqtsisut maleruagasiussapput paffequtit savimerngit atorneqarnissaat pillugu, matumani ilanngullugit nakorsamit nakkutigineqarnissaq aamma allatut nakkutigineqarnissaq pillugu.

*Ini nakkutilliiffiusoq, ini isumannaarsagaq aamma pinngitsaaliisummik susinnaajunnaarsitsineq*

**§ 225.** Paaqqinniffimmi pisortaq imaluunniit inuk taamaaliornissamut piginnaatinneqartoq aalagiisinnavaoq inissitaq inimi nakkutilliiffiusumi imaluunniit inimi isumannaarsakkami inissinneqasasoq, inimilu isumannaarsakkamiinnermi nalaani pinngitsaaliisummik susinnaajunnaarsinnejassasoq, atorlugit qitequatasat, assannut isikkanullu qilerutit kiisalu aaqqatit, tamanna pisariaqarpat

- 1) nakuusernissamik aarlerinartorsiorneq pinngitsoortinniarlugu imaluunniit sakkortuumik pinaaserneq ajugaafffiginiarlugu,
- 2) imminornissaq imaluunniit allatut imminut ajoquuserniarneq akornuserniarlugu.

*Imm. 2.* Taamaattorli inimut nakkutilliiffiusumut isumannaarsakkamullu inissiisoqassanngilaq aamma pinngitsaaliisummik susinnaajunnaarsitsisoqassanngilaq tamanna akuliunnerup siunertaanut aamma narrunarsaanissamut inuummarlutsitsinissamullu, akuliunnerup nassatarisassaatut ilimagineqarsinnaasunut, sanilliullugu naleqqutinngitsumik akuliunnerussappat.

*Imm. 3.* Ininut nakkutilliiffiusunut inimullu isumannaarsakkamut inissiineq aamma pinngitsaaliisummik susinnaajunnaarsitsineq pissutsit najoqqtaralugit sapinggisamik qajassuartumik pissaaq.

*Imm. 4.* Inimi isumannaarsakkami inissinneqarsimasumik pinngitsaaliiinikkut susinnaajunnaar-

sitsinermi paaqqinniffiup nakorsaq inissitamik ingerlaannaq nakkutiginnikkartoqqussavaa. Nakorsap pineqartoq misissussavaa, misissussanaguli nakorsaq isumaqaruni taamatut misissuinissaq pisariaqanngitsooq.

*Imm. 5.* Inimi nakkutilliiffiusumi aamma inimi isumannaarsukkami pinngitsaaliissumik susinnaajunnaarsitsinertaqanngitsumik inissiinermi nakorsaq aggeqquneqassaaq pasitsaanneqarpat inissitaq napparsimasoq, imaluunniit ajoquusersimasoq imaluunniit inissitap nammineq nakorsamit ikiorneqarnissani noqqaassutigippagu.

*Imm. 6.* Kalaallit Nunaanni Pinerluuteqarsimasunik Isumaginnittoqarfimmi aqtsisut maleruagassaliussapput init nakkutilliiffiusut isumannaarsakkallu akuerineqarnissaat pillugit aamma inimik nakkutilliiffiusumik inimillu isumannaarsakkamik atuisarneq aamma pinngitsaaliissumikk susinnaajunnaarsitsisarneq pillugit, matumunnga ilanggullugit nakorsamit nakkutigineqarnissaq nakkutigineqarneillu allat.

#### *Maleruagassanik unioqqutitsinerit*

**§ 226.** Inissitaq paaqqinniffimmi pisortamit imaluunniit inummit taamaaliornissamut pisinnaatinneqartumit maleruagassanik unioqqutitsinermut pineqaatissinneqarsinnaavoq

- 1) § 202-mik unioqqutitsiguni,
- 2) takkutinngitsooruni, qimaaguni imaluunniit taamatut ilioriaraluaruni,
- 3) § 210, imm. 1 malillugu sulisussaatitaanerminik sumiginnaasimaguni,
- 4) § 221 a malillugu supoorsilluni misiligmumik imaluunniit quumik misiligmumik tunniussinissaq itigartitsissutigineqarpat,
- 5) imigassamik, ikiaroornartunik imaluunniit akuutissanik allanik inatsit nalinginnaat malillugit inerteqquaasunik iiisisimanermi,
- 6) pinerluttulerinermi inatsisinik unioqqutitsiguni, unioqqutitsineq aamma ilaqpata paaqqinniffimmi torersuutitsinissamik isumannaatsuunissamillu immikkut innarliisumik,
- 7) maleruagassanik, Kalaallit Nunaanni Pinerluuteqarsimasunik Isumaginnittoqarfimmi aqtsisut aalajangigaannik, unioqqutitsiguni, maleruagassani aalajangerneqarsimappat unioqqutitsineq pineqaatissiinermik nassataqarsinnaasoq, aamma
- 8) maleruagassanik, paaqqinniffimmi pisortap aalajangersagaanik, unioqqutitsiguni, maleruagassani aalajangerneqarsimappat unioqqutitsineq pineqaatissiinermik nassataqarsinnaasoq.

#### *Maleruagassanik unioqqutitsinermut pineqaatissiissutit*

**§ 227.** Maleruagassanik unioqqutitsinermut pineqaatissiissutit atorneqarsinnaapput mianersoqqu sineq, akiliisitsineq, aneersinnaanermut akuersissumikk atorunnaarsitsineq aamma kisimiittussangortitsineq.

*Imm. 2.* Taamaattorli kisimiittussanngortitsineq taamaallaat atorneqarsinnaavoq unioqqutitsineri makkunani:

- 1) takkutinngitsoorneq imaluunniit qimaaneq,
- 2) sakkussanik isertorluni eqqussineq imaluunniit pigisaqarneq,
- 3) inissisimaqatinut imaluunniit sulisunut nakuuserneq nakuusernissamilluunniit sioorasaarineq,
- 4) § 221 a malillugu supoorsilluni misiligmumik imaluunniit quumik misiligmumik tunniussinissaq itigartitsissutigineqarpat,
- 5) imigassanik imaluunniit ikiaroornartunik imaluunniit aanngajaarniutit allat, inatsit nalinginnaasoq malillugu inerteqquaasut isertorluni eqqussineq, pigisaqarneq imaluunniit imigassartorneq ikiaroornartutorerlu, aamma
- 6) unioqqutitsinerit annertuut akulikitsumillu iliuuserineqartartut allat.

*Imm. 3.* Aneersinnaanermut akuersissumikk atorunnaarsitsineq taamaallaat atorneqarsinnaavoq

inissitaq aneersimalluni takkutinngitsoorpat imaluunniit aamma akuersissuteqarnermi piumasarineqartut malinngippagit.

*Imm. 4.* Akiliisitsisoqarsinnaavoq aneernissamut akuersissummik atorunnaarsitsinermut kisimiittussanngortitsinermullu peqatigitillugu.

*Imm. 5.* Maleruagassanik unioqqutitsinermut pineqaatissiisummik naammassinninnissaq tamakkiisumik ilaannakuusumilluunniit pinngitsoortinneqarsinnaavoq piumasaralugu inissitaq piffissami aalajangersimasumi pinerluuteqassanngitsoq imaluunniit maleruagassanik unioqqutitsissanngitsoq.

*Maleruagassanik unioqqutitsinernut pineqaatissiissutinik aalajangersaasarneq naammassinnittarnerlu*

**§ 228.** Akiliisitsissuteqartitsinermi akiliisitsissutip annertussusissaa aalajangerneqassaaq unioqqutitsinerup qanoq ittuunera annertussusaalu eqqarsaatigalugit. Akiliutissaq ilanngaatigineqarsinnaavoq inissitap § 212, imm. 1 malillugu sulinerminut aningaasarsiaanit. Taamaattorli inissitaq minnerpaamik aningaasanik tigusaqartassaaq nammineq pisariaqartitami matussuserneqarnissaannut naammattunik.

*Imm. 2.* Aneersinnaanermik atorunnaarsitsinermi atorunnaarsitsineq atornerluisimanermut naleqqiullugu ilusilerneqarlunilu annertussusilerneqassaaq. Taamaalilluni atorunnaarsitsineq siunertanut aalajangersimasunut piffissaliussanullu aalajangersimasunut killilerneqarsinnaavoq. Aammattaaq atorunnaarsitsineq aalajangersimasumik piffissalerneqassaaq, sapaatit akunnerinit aqqaneq marlunnit sivisunerusinnaanngitsumik.

*Imm. 3.* Kisimiittussanngortitsineq aalajangerneqassaaq unioqqutitsinerup qanoq ittuunera annertussusaalu eqqarsaatigalugit atuuttussanngorlugu piffissami aalajangersimasumi, sapaatit akunnerinit sisamanit sivisunerusinnaanngitsumi. Inissiineq inissitap sunngiffianut killilerneqarsinnaavoq.

*Imm. 4.* Tunngavissaqartumik pasitsaannejqarpal inissitaq aalajangersakkaniq unioqqutitsisimasoq, maleruagassanik unioqqutitsinermut pineqaatissiisutitut kisimiittussanngortitsinermik kinguneqartussatut isumaqarfisariaqakkamik, inissitaq ineeqqamut killisiuisarfimmut inissinneqarsinnaavoq, maleruagassanik unioqqutitsinermi suliassamik misissuinerup ingerlanneqarnissaa eqqarsaatigalugu tamanna pisariaqarpal.

*Imm. 5.* Inissitaq kisimiittussanngortitaq nammineq inigismini imaluunniit inimi immikkootortaqrifimmi immikkut ittumiittumi immikkoortillugu inissinneqassaaq. Inissiinerup nalaani inissitaq inuunermini allatigut killilersuiffiqeqassanngilaq, taamaallaat inimi kisimiittussanngortitaanerup nasataanik killilersuiffiqeqarsinnaalluni, tak. § 172.

*Imm. 6.* Kalaallit Nunaanni Pinerluuteqarsimasunik Isumaginnitqarfimmi aqutsisut maleruagassiusapput suliassanik unioqqutitsinermut tunngasunik suliaqartarneq pillugu aamma maleruagassanik unioqqutitsinermut pineqaatissiisutaasussat pillugit, matumanil anngullugit akiliisitsissutip annerpaafissaa aamma piffissap aalajangersimasup iluani akilersuilluni ilanngaatsittarnerup agguataarneqarnissaanik periarfissat pillugit, aneersinnaanermik tamakkiisumik ilaannakortumilluunniit atorunnaarsitsisinnaneq pillugu aamma ullut unnuallu pingasut sinnerlugit kisimiittussanngortitsilluni inissiinermk nalunaaruteqartussaatitaaneq akuerineqarnissarlu pillugit.

### *Arsaarinninneq*

**§ 229.** Paaqqinniffimmi pisortap imaluunniit inuup taamaaliorissamut piginnaatinneqartup aalajangersinnaavaa arsaarinnittooqassasoq

- 1) pigisanik aningaasanillu paaqqinniffiup iluani nassaarineqartunik, aalajangerlugu oqaatigineqarsinnaanngippat kiap taakku pigigai,
- 2) pigisanik aningaasanillu inatsisit unioqqutillugit paaqqinniffimmut eqquunneqarsimasunik, paaqqinniffimmi pissarsiarineqarsimasunik imaluunniit pilersinneqarsimasunik, kisianni arsaarinnissuttaasinnanatik pinerluummut akisussaanngitsumit pigineqarpata, aamma
- 3) pigisanik aningaasanillu inissitanut isertortumik eqquunniarsarisanik, arsaarinnissuttaasinnaanatilli

pisumut pineqartumut akisussaanngitsumit pigineqarpata.

*Imm. 2. Kalaallit Nunaanni Pinerluuteqarsimasunik Isumaginnittooqarfimmi aqutsisut maleruagasiussapput suliassat arsaarinninnermut tunngasut suliarineqartarnerat pillugu.*

*Taarsiissutinik akiliineq (taarsiissutinik ilanngaassuineq)*

**§ 230.** Inissitaq inissiisarfimmiitsilluni taarsiisussanngortitaassutigisaminik iliuuseqarluni paaq-qinniffiup pigisaanik aseruippat, paaqqinniffimmi pisortaq imaluunniit inuk taamaaliornissamut piginnaatinneqartoq aalajangiisinhaavoq taarsiissutissat inissitap § 212, imm. 1 naapertorlugu sulinermini akissarsiassaanit ilanngaatigineqassasut. Taamaattorli inissitaq minnerpaamik aningaasanik tigusaqartassaaq nammineq pisariaqartitami matussuserneqarnissaannut naammattunik.

*Imm. 2. Kalaallit Nunaanni Pinerluuteqarsimasunik Isumaginnittooqarfimmi aqutsisut maleruagasiussapput suliassat taarsiissutinut tunngasut suliarineqartarnissaat pillugu.*

*Naammassinninnermi allannguutit imaluunniit naammassinninnerup atorunnaarsinnejnarnera*

*Takkutinngitsoornermi, qimaanermi tigummigallagaanermi il.il.  
naammassinninnermik kipititsineq*

**§ 231.** Kiffaanngissusiaalluni pineqaatissiisummik naammassinninneq kipitinneqassaaq inissitaq

- 1) takkutinngitsoorpat, qimaappat imaluunniit allatigut nammineq pisuussutigisaminik naammassinninnermik sumiginnaappat, imaluunniit
- 2) tigusaappat imaluunniit minnerpaamik nalunaaquttap akunnerini 24-ni tigummigallagaappat.

*Naammassinninnissamik unitsitsinissamut akuersissut*

**§ 232.** Kalaallit Nunaanni Pinerluuteqarsimasunik Isumaginnittooqarfimmi aqutsisut imaluunniit inuk aqutsisut taamaaliornissamut piginnaatitaat aalajangiisinhaapput pineqaatissiisummik naammassinninnissaq unitsinnejnarallassasoq,

- 1) pissutsit immikkut ittut, soorlu sulinermut, ilinniartitaanermut, ilaqtariinnermut peqqissutsimuluunniit tunngassuteqartut naammassinninnissap ingerlaatiinnarneqarnissaanut akerliuppata,
- 2) atornerluinissaq aarlerinaateqarsorineqanngippat, aamma
- 3) naammassinninnissap kinguartinneqarnera inatsisinik maleruaasitsiniarnissamut akerliunngippat.

*Imm. 2. Naammassinninnissamik unitsitsinissamut akuersisoqassappat piumasarineqassaaq eqqartuussaq pinerluuteqeqqissanngitsoq. Aammattaaq akuersissuteqartoqassappat piumasarineqarsinnaavoq eqqartuussap piumasarit aalajangikkat malissagai, matumani ilanngullugu pinerluuteqarsimasunik isumaginnittooqarfimmit nakkutigitinnissani, tak. kapitali 28 aamma 40.*

*Imm. 3. Kalaallit Nunaanni Pinerluuteqarsimasunik Isumaginnittooqarfimmi aqutsisut maleruagasiorsinnaapput imm. 1 malillugu unitsitsineq pillugu.*

*Naammassinninnissamik aallartitseqqiineq*

**§ 233.** Pineqaatissiisummik naammassinninnissaq aallarteqqinnejqassaaq inissitaq orniguteqqipat, naammassinninnissaq siunertalarugu tigusaappat imaluunniit pinerluuteqarsimasunik isumaginnittooqarfipat tamanna pillugu pineqartumut nalunaaruteqarneratigut naammassinninnissaq nangeqqittus-sanngortinneqarpat.

*Pinerluuteqarsimasunik isumaginnittooqarfip pensioniini aamma paaqqinniffinni il.il. pinerluute-*

*qarsimasunik isumaginnittooqarfíup avataaniittuni naammassinninniaaneq*

**§ 234.** Pinerluuteqarsimasunik Isumaginnittooqarfíup aqutsisut aalajangersinnaavaat eqqartuuus-saq napparsimmavimmut, ilaqtariinni ilasiatut, angerlarsimaffimmut imaluunniit paaqqinniffimmut piukkunnartumut utaqqiisaasumik imaluunniit inissinneqarnermi sinnera tamaat inissinneqassasoq

- 1) eqqartuussaq immikkut ittumik katsorsarneqarnissaminik imaluunniit paaqqutarineqarnissaminik pisariaqartitsippat, paaqqinniffimmi tassani il.il. annertunerusumik isumagineqarsinnaasumik,
- 2) eqqartuussap ukiui, peqqissutsimigut inissisimanera pissutigalugit imaluunniit pissutsit allat immikkut ittut pissutigalugit eqqartuussap inissiisarfíup inissinneqannginnissaanut imaluunniit inissiisarfíup inissinneqassapput, taamaassananili inatsisinik maleruaasitsiniarnermut soqutigisassat akerliun-nippata.
- 3) inissiisarfíup avataani inissiinissamut inatsisinik maleruaasitsiniarnermut soqutigisassat akerliun-nippata.

*Imm. 2.* Eqqartuussat 18-it inorlugit ukiullit paaqqinniffinni il.il. imm. 1-im ieqqaaneqartutut it-tuni inissinneqassapput, taamaassananili inatsisinik maleruaasitsiniaaneq inissiisarfíup avataani inissi-inissamut akerliuppat.

*Imm. 3.* Inissiisoqassappat piumasarineqassaaq eqqartuussaq pinerluuteqaqqissanngitsoq. Aam-mattaaq inissiisoqassappat piumasarineqarsinnaavoq eqqartuussap piumasarisatut aalajangikkat allat maleruassagai, matumanil ilangunneqarluni pinerluuteqarsimasunik Isumaginnittooqarfíup naktutigineqarneq, tak. kapitali 28 aamma 40.

*Imm. 4.* Eqqartuussaq inissinneqarnissamut piumasarisatut aalajangikkánik maleruaanngikkuni imaluunniit pinerluuteqaqqikkuni Inissiisarfíup nuutsinneqarsinnaavoq imaluunniit utertinneqarsin-naavoq.

*Imm. 5.* Kalaallit Nunaanni Pinerluuteqarsimasunik Isumaginnittooqarfíup aqutsisut maleruagasiussapput inissiisarfíup avataani paaqqinniffimmi il.il. inissiisarneq pillugu.

### *Piffissaq iperagaaffík*

**§ 235.** Iperagaasoqartassaaq pineqaatissiissut naammassineqarpat imaluunniit misiligummik iperagaanermut, pineqaatissiissummit unitsigallarnermut imaluunniit saammaasinermut atatillugu.

*Imm. 2.* Kalaallit Nunaanni Pinerluuteqarsimasunik Isumaginnittooqarfíup aqutsisut maleruagasiussapput piffissaq iperagaaffissaq pillugu aamma iperagaaffissap sivikitsumik siuartiallannissaanut periarfissaq pillugu, matumanil ilangunneqarluni sulinermut tunngassutillit imaluunniit pissutsit immikkut ittut tamatumunnga tunngavissaqartitsippata.

### *Misiligummik iperagaanissaq pillugu aalajangiineq*

**§ 236.** Pineqaatissiissummut piffissaliussap 2/3-iata atorneqareernerani pineqaatissiissutip naam-massineqartup misiligummik iperagaanissaq periarfissaqartippagu, tak, § 149, imm.1-mi oqaaseqatigijit siulliit, misiligummik iperagaanissaq pillugu aalajangiineq piffissap imaalinerani pisassaaq, pineqaatissiissutip 2/3-ia naammassineqarniariarpat misiligummik iperagaatitsisoqarsinnaasoqarluni.

*Imm. 2.* Kalaallit Nunaanni Pinerluuteqarsimasunik Isumaginnittooqarfíup aqutsisut maleruagasiussapput misiligummik iperagaanissamik suliassanik suliariaqartarneq pillugu.

### *Misiligummik iperagaanermi nakkutiginninnermik il.il. naammassinninneq*

**§ 237.** Misiligummik iperagaanissamut aalajangiinerup nassatarisaanik nakkutigineqarnissaq pi-umasarineqartullu immikkut ittut naammassineqassapput pineqaatissiissutit nakkutigineqarnissamik ilaqtitat il.il.naammassineqarnissaannut aalajangersakkat kapitali 40-miittut malillugit.

*Apeqqutit immikkut ittut suliarineqarnerat*

**§ 238.** Apeqqutit aneernissamut akuerineqarnermut, paaqqinniffimmi allami il.il. naammassinniniaaneq nanginneqartussanngorlugu nuutsitsinermut, misiligummik iperagaanermut tunngasut apeq-qutillu allat soqutiginaatillit inissitamut tunngasut paaqqinniffiup akuttunngitsumik isummerfigisassavai, inissitaq tamatumingga noqqaassuteqarnersoq apeqquataatinnagu. Tamanna pillugu maleruagassat Kalaallit Nunaanni Pinerluuteqarsimasunik Isumaginnitoqarfimmit aalajangersarneqassapput.

**Kapitali 44**

*Pinerluuteqarsimasut ilaannut pineqaatissiissutinik naammassinninneq*

*Iniuusuttunut inatsisinik unioqqutitsisunut ikorsiissutitut pineqaatissiissutit immikkut ittut*

**§ 239.** Iniuusuttunut kapitali 32 malillugu ikorsiissutitut pineqaatissiissutit immikkut ittut inunnik isumaginninnermut pisortanit naammassineqassapput pinerluuteqarsimasunik isumaginnitoqarfik politiillu suleqatigalugit.

*Imm. 2.* Imm. 1 malillugu ikorsiissutitut pineqaatissiissuteqarnermi aalajangersakkat §§ 179-miittut aamma 182-miittut taamatulli atutissapput.

*Inatsisinik unioqqutitsisut tarnimikkut napparsimasut*

**§ 240.** Tarnimikkut napparsimasunik kapitali 33 malillugu inissiineq katsorsaanerlu peqqinnissaqarfimmiit ingerlanneqassaaq.

*Imm. 2.* Kapitali 33 malillugu inunnik eqqarsartaatsimikkut kinguarsimasunik inissiineq katsorsaanerlu isumaginnitoqarfimmit naammassineqassaaq.

*Imm. 3.* Nakkutilliineq piumasarislalu immikkut ittut, § 157, imm. 2 malillugu aalajangersarneqarsimasut, pineqaatissiissutinik nakkutilliinermik ilaqtitanik il.il. naammassinnitarneq pillugu aalajangersakkat kapitali 40-miittut malillugit ingerlanneqassapput.

*Imm. 4.* Kalaallit Nunaanni Pinerluuteqarsimasunik Isumaginnitoqarfimmi aqutsisut maleruagassiussapput tarnimikkut napparsimasut katsorsarneqarneranni piumasarisanik naammassinninnermi pinerluuteqarsimasunik isumaginnitoqarfifiup peqataanissaa pillugu aamma tamatumunga atatillugu pinerluuteqarsimasunik isumaginnitoqarfifiup tarnimikkut napparsimasunik katsorsaasunut suleqataanissaa pillugu.

*Immikkut paarisassanngortitsineq*

**§ 241.** Kapitali 34 malillugu immikkut paarisassanngortitsineq naammassineqassaaq eqqartuussissutinik inissiisarfimmiittussanngortitsinertalinnik naammassinnitarneq pillugu aalajangersakkat kapitali 43-miittut naapertorlugit, taamaattorli tak. imm. 2 aamma imm. 3.

*Imm. 2.* Immikkut paarisassanngortitsineq nalinginnaasumik ingerlanneqassaaq immikkoortortami immikkut paarisassanngortitsiffiusartumi.

*Imm. 3.* Inissitaq immikkoortortami immikkut paarisassanngortitsiffiusartumi inissinneqarsimamerri nalaani inissiisarfifiup avataani sulinissaminut akuerineqarsinnaanngilaq aammalumi aneernissamut akuerineqarsinnaanani. Taamaattorli aneerneq akuerineqarsinnaavoq sungiussiartuaartitsinerup ilaatut, imaluunniit pissutsit immikkut ittut tamatumunga tunngavissaqartitsippata.

*Imm. 4.* Kalaallit Nunaanni Pinerluuteqarsimasunik Nakkutilliisoqarfimmi Aqutsisut aalajangersinnaavaat, immikkoortumi ammasumi inissitaq, § 161 malillugu nakkutigineqartussatut eqqartuunneqarsimasoq, nakkutigisassatut immikkoortortamut

nuutsinnejassasoq, immikkoortortami ammasumi inissinneqarsimanera naammattumik isumannaatsuunngitsoq paasineqarpat.

*Imm. 5.* Kalaallit Nunaanni Pinerluuteqarsimasunik Nakkutilliisoqarfimmi Aqtsisut aalajangersinnaavaat nakkutigisanut immikkoortortami inissinneqarsimasoq immikkoortortamut ammasumut nuutsinnejassasoq, nakkutigisat immikkoortortaannut nuutsinnejassasoq tamanna isumannaatsuunissakkut mianerisassanut siunniinneqarsinnaasutut ataqatigiilersinnejarsinnaasutullu isigineqarpat. Kingorna tassani inissitaq immikkoortumi ammasumiitsinnissa piukkunnangitsutut paasineqarpat imaluunniit taamatut inissiineq naammattumik isumannaatsuutinnejarsinnaanngitsoq paasineqarpat, Kalaallit Nunaanni Pinerluuteqarsimasunik Nakkutilliisoqarfimmi Aqtsisut aalajangersinnaavaat tassani inissitaq nakkutigisassat immikkoortortaannut nuutsinnejassasoq.

*Imm. 6.* Kalaallit Nunaanni Pinerluuteqarsimasunik Isumaginnittooqarfimmi aqtsisut maleruagassiussapput paarisassanngortitsinermik naammassinnitarneq pillugu, matumanilanganngullugit suliassat aneernissamut akuersinermut tunngasut suliarineqartarerat, paaqqinniffimmut allamut nuutsitsinerit misiligummillu iperagaanerit aamma kapitali 40 malillugu nakkutilliinermik il.il. naammassinnitarneq.

**§ 241 a.** Tigummigallagassanngorlugu inissitaq immikkoortumi ammasumi najugaqarsinnaasutut naleqqutinngippat, imaluunniit inissiineq taanna naammattumik isumannaatsuunngitsutut paasineqarpat, inuit 2019-imi 1. augustip kingorna inuaqatigiinnut aksuleqqinnissamut ikaarsaariarnermut atatillugu utaqqiisaagallartumik ataavartumik isumaqatigiissutitaqanngitsumik najugaqarnermut atatillugu Danmarkimi inissiisarfimmit, pinerluttunik isumaginnittut ataaniitumit, eqqarsartaatsikkut nappaatillit pillugit ilisimasalinnit aqunneqartumit, Kalaallit Nunaanni Pinerluttunik Isumaginnittooqarfipataani inissiisarfimmi tigummigallagassanngorlugu immikkoortortaqarfimmut nuunneqassasut, Inatsiseqarnermut ministerip imaluunniit ministerimit piginnaatinneqartup, aalajangersinnaavaa.

*Imm. 2.* Imm. 1 malillugu nuussinerit pillugit Inatsiseqarnermut ministeri malittarisassanik erseqqinnerusunik aalajangersaassaaq.

## Kapitali 45

*Pineqaatissiissutinik naammassinninermi maleruagassat nalinginnaasut*

*Ajutoornerup il.il. nassatarisaanik taarsiivigineqarneq*

**§ 242.** Inatsiseqarnermut ministeri imaluunniit inuk taassuma tamatumunnga piginnaaniliga maleruagassiussaaq inissiisarfinni, pensionini aamma isertitsivinni inissitat ajutoornerup il.il. nassatarisaanik taarsiivigineqarnissaat pillugu, aamma maleruagassiussaaq inuaqatigiinni sulisitaanerup kingunerisaanik ajutoornernut il.il. taarsiivigineqarnissaq pillugu.

*Naammassinninnaanerup nalaani akuliuffigineqarnermut taarsiivigineqarneq*

**§ 243.** Inissitaq eqqartuussisarnermik inatsimmi § 486-imi aalajangersakkat malillugit taarsiivigineqartussaatitaavoq, inissitaq nammineq pisuussutiginngisaminik

- 1) sivisualaamik kiffaanngissusiagaasimaguni, imaluunniit
- 2) § 223 malillugu kisimiittussanngortitaasimaguni imaluunniit § 227 malillugu inimi killisiuiffiusartumi, inimi nakkutilliiffiusartumi imaluunniit inimi isumannaarsakkami inissinneqarsimaguni.

*Imm. 2.* Kinaluunniit pineqaatissiissummik naammassinninnaanerup nalaani imm. 1-imi taaneqartuniit allaanerusunik nammineq pisuussutiginngisaminik akuliuffigineqarsimasoq taarsiivigineqarsinnaavoq eqqartuussisarnermik inatsimmi § 486-imi aalajangersakkat naapertorlugit

*Imm. 3.* Taarsiivigeqqusissut Kalaallit Nunaanni Pinerluuteqarsimasunik Isumaginnittoqarfimmi aqutsisunut tunniunneqassaaq kingusinnerpaamik akuliuffigineqarnerup atuukkunnaarneraniit qaammaat marluk qaangiunnerini. Taamaattoq piumasaqaat piffissarititaq taanna qaangiutereersoq tunniunneqartoq suliarineqarsinnaavoq, qaangiineq patsisissaqarsorineqarpat.

*Imm. 4.* Naammassinniniaanerup nalaani akuliuffigineqarneq pillugu taarsiivigineqarnissamik piumasaqaatit Kalaallit Nunaanni Pinerluuteqarsimasunik Isumaginnittoqarfimmi aqutsisut aalajangiiffigisassavaat.

*Pinerluuteqarsimasunik isumaginnittoqarfiuup paaqqinnifiutaani najugaqarnermut akiliineq*

**§ 244.** Inissitaq inissiisarfimmi, isertitsivimmi imaluunniit tamakkua avataanni aningaasarsiu-tigisaminik suliffeqartoq imaluunniit aningaasanik inuuniutissaminik pisortanit pisartagaqartoq ineqar-nerminut akiliuteqassaaq. Taamatut aamma pineqassapput eqqartuussat pinerluuteqarsimasunik isuma-ginnittoqarfiuup pensioniini najugaqartut.

*Imm. 2.* Kalaallit Nunaanni Pinerluuteqarsimasunik Isumaginnittoqarfimmi aqutsisut maleruagas-siussapput ineqarnermut akiliuteqartarneq pillugu aamma akiliutissanik eqqartuussisarnermik inatsim-mi kapitalini 45 - 47-mi aalajangersakkat malillugit akiliisitsiniartarneq pillugu.

*Maalaaruteqarnissamut aalajangersakkat il.il.*

*Allaffissornikkut maalaaruteqarsinnaaneq*

**§ 245.** Najukkami pinerluuteqarsimasunik isumaginnittoqarfimmi oqartussaasut inatsit manna malillugu aalajangiineri Kalaallit Nunaanni Pinerluuteqarsimasunik Isumaginnittoqarfimmi aqutsisunut maalaarutigineqarsinnaapput. Maalaarut aallarnerneqassaaq aalajangiinerup pineqartumut nalunaaruti-gineqarnerata kingornatigut qaammatit marluk qaangiutsinnagit. Taamaattoq maalaarut piffissaritap tamatuma kingorna saqqummiunneqartoq suliarineqarsinnaavoq qaangiineq patsisissaqarsorineqarpat.

*Imm. 2.* Maalaarut kinguartitsissutaasumik sunniuteqartanngilaq, aatsaalli kinguartitsissutaasumik sunniuteqassalluni aalajangiisuusimasoq imaluunniit Kalaallit Nunaanni Pinerluuteqarsimasunik Isu-maginnittoqarfimmi aqutsisut tamanna pillugu aalajangiippata.

*Imm. 3.* Kalaallit Nunaanni Pinerluuteqarsimasunik Isumaginnittoqarfimmi aqutsisut inatsit man-na malillugu aalajangiineri allaffissornikkut oqartussaasunut allanut maalaarutigineqarsinnaanngillat.

*Imm. 4.* Kalaallit Nunaanni Pinerluuteqarsimasunik Isumaginnittoqarfimmi aqutsisut maleruagas-siussapput maalaarnissamut ilitsersuutit pillugit aamma maalaarutit suliarineqarnissaat pillugu.

*Eqqartuussivimmi misiliineq*

**§ 246.** Allaffissornikkut inaarutaasumik aalajangiinerit eqqartuussamit eqqartuussivimmi misilin-neqartussatut saqqummiqquneqarsinnaapput aalajangiinerup eqqartuussamut nalunaarutigineqarnerata kingorna kingusinnerpaamik sapaatit akunneri sisamat qaangiutsinnagit, pineqartut tassaappata

- 1) § 149 malillugu misiligummik iperagaanissamut itigartitsissut pillugu § 236 malillugu aalajangiineq,
- 2) pineqaatissiissutip sivisussusissaanik naatsorsuineq pillugu § 193 malillugu aalajangiineq,
- 3) maleruagassanik unioqqutitsinermut pineqaatissiissutit ullaar arfineq marluk sinnerlugit kisimiittussanngortitsineq pillugu § 227 malillugu aalajangiineq,
- 4) pigisanik aningaasanilluunniit, inissitap sapaatip akunnerani ataatsimi sulinerminut akissarsiaanit amerlanerusunik, arsaarinnineq pillugu § 229 malillugu aalajangiineq,
- 5) taarsiissutissaniit, sapaatip akunnikkaartumik akissarsianiit imm. 4-mi taaneqartuniit amerlaneru-suniit, ilanngaassiffitinnissaq pillugu § 230 malillugu aalajangiineq, imaluunniit

- 6) nammineq pisuussutiginagu sivisuallaartumik kiffaanngissusiiagaalluni pineqaatissiisummik atuinermut imaluunniit maleruagassanik unioqqutitsinermut pineqaatissiisuttut kisimiittussanngortitaalluni inissinneqarnermut atatillugu § 243 malillugu taarsiivigineqarnissamik itigartitsissutarnermik aalajangiineq, tak. nr. 3.

*Imm. 2.* Eqqartuussivimmi misiliisitsinissamut noqqaassut ingerlatinneqassaaq paaqqinniffimmut, aalajangiissuteqaqqaarsimasumut, Kalaallit Nunaanni Pinerluuteqarsimasunik Isumaginnitoqarfimmi aqutsisunut imaluunniit eqqartuussivimmut.

*Imm. 3.* Eqqartuussiviup immikkut ittumik pissutissaqartoqartillugu piffissarititaq imm. 1- imiuttoq atuutsinngitsoorsinnaavaa, qaangiineq patsisissaqarsorineqarpas.

**§ 247.** Suliassap eqqartuussivimmut tunniunneqarnera kinguartitsissutaasumik sunniuteqartanngilaq, aatsaalli kinguartitsissutaasumik sunniuteqarsinnaalluni Kalaallit Nunaanni Pinerluuteqarsimasunik Isumaginnitoqarfimmi aqutsisut imaluunniit eqqartuussivik allaanermik aalajangiippata.

#### *Eqqartuussivimmi misiliisitsinermi periaaseq*

**§ 248.** Suliassaq tunniunneqassaaq, eqqartuussisoqarfimmi paaqqinniffiup aalajangiissuteqaqqaarsimasup inissimaffiani, eqqartuussivimmut. Eqqartuussaq kingusinnerusukkut paaqqinniffimmut allamut nuutsinneqarsimappat suliassaq eqqartuussisoqarfimmi, paaqqinniffiup eqqartuussap inissitaaffigisaata inissimaffiani, eqqartuussivimmut tunniunneqarsinnaavoq. Eqqartuussaq kiffaanngissusiiagaasimanngippat suliassaq eqqartuussisoqarfimmi eqqartuussap najugaqarfiani imaluunniit najoral-lagaani eqqartuussivimmut tunniunneqassaaq.

*Imm. 2.* Suliassami illuatungeriit arlaata noqqaassuteqarneratigut eqqartuussisuusut akuerisinnavaat suliassaq suliassanngortinneqartoq eqqartuussivimmut allamut imm. 1 malillugu inatsisit naaperorlugit sularinnittussaasumut nuutsinneqassasoq, tamanna ilisimannittut najugaqarfiat, eqqartuussap iperagaanissaa imaluunniit pissutaasoq alla immikkut ittoq pissutigalugu suliassap ingerlatilertornissaanut naleqquuttuusorineqarpas.

*Imm. 3.* Suliassaq innersuussutigineqassanersoq imaluunniit innersuussutigineqassannginnersoq pillugu eqqartuussisuusut aalajangiinerat tunngavilersukkamik aalajangiinerussaaq. Suliassamik inner-suussinissamik aalajangiineq eqqartuussivimmut quilliunerusumut ingerlatinneqarsinnaanngilaq.

*Imm. 4.* Suliassanik Kalaallit Nunaanni Eqqartuussivimmut innersuussuteqartarneq pillugu Eqqartuussisarnermik inatsimmi § 56 taamatuttaaq atuutissaaq.

**§ 249.** Suliassaq Kalaallit Nunaanni Pinerluuteqarsimasunik Isumaginnitoqarfimmi aqutsisunuit eqqartuussivimmut sapinngisamik piaartumik tunniunneqassaaq, aqutsisullu suliap pappiarartai nas-siutissavaat aalajangiineq maalaarutigineqartoq ilisimatitsissutigalugu aamma paassisutissiisutetqarlutik pissutsit tunngaviutinnejarniartut kiisalu uppermarsaatit suliassap aalajangiivigineqarnissaanut pingaaruteqarsinnaasut pillugit.

**§ 250.** Eqqartuussiviup piumasarisinnaavaa paassisutissat amerlanerusut pissarsiarineqassasut.

*Imm. 2.* Eqqartuussisup aalajangissavaa suliassaq oqaatsitigut sularineqassanersoq imaluunniit allakkatigut sularineqarsinnaanersoq. Oqaatsitigut sularineqassappat eqqartuussisuusut aalajangiissapput eqqartuussaq allallu killisiorneqassanersut aamma uppermarsaatissamik pissarsiortoqassanersoq. Eqqartuussiviup nammineq illuatungeriit ilisimannittullu aggersassavai.

*Imm. 3.* Eqqartuussisuusut tamanna pisariaqarsoriguniku eqqartuussaq illersuisumik illersuisutut sulisinnaatitaasumik invertitsivigissavaat.

**§ 251.** Eqqartuussisuusut tunngavilersukkamik aalajangiissapput suliassaq itigartinneqassanersoq imaluunniit aalajangiineq atuuttussanngortinneqassanersoq, allanngortinneqassanersoq imaluunniit

atorunnaarsinnejassanersoq.

*Imm. 2.* Eqqartuussisuusut imm. 1 malillugu aalajangiinerat eqqartuussisarnermik inatsimmi kapitali 43-mi aalajangersakkat naapertorlugit nunatta eqqartuussisuuneqarfianut aalajangeqqitassangortinneqarsinnaavoq.

**§ 252.** § 246, imm. 1, nr. 1 malillugu aalajangiineq atuutsiinnarneqarpat aalajangiineq eqqartuussivimmut suliassanngorteqqinnejarsinnaavoq aalajangiinerup nalunaarutigineqarneraniit qaammatit arfinillit ingerlareernerini. § 246, imm.1, nr. 2-6 malillugu aalajangiinerit eqqartuussivimmut suliassiisutigeqqinnejarsinnaannngillat.

**§ 253.** Aalajangersakkat §§ 246-252-imiittut taamatulli atuutissapput allaniit inissitaanngitsunit maalaaruteqarnermi pigisanik aningasanilluunniit, inissitat sapaatip akunnerani ataatsimi sulillutik akissarsiaanniit nalinginnaasuniit naleqarnerusunik, pineqartumi § 229 malillugu arsaarinninnissamik aalajangiineq pillugu.

## Immikkortoq IV

### Aalajangersakkat naggiussat

#### Kapitali 46

##### *Pineqaatissiissutinik nuussineq*

**§ 254.** Akiliisitsissutit Kalaallit Nunaanni aalajangersarnejarsimasut naalagaaffeqatigiiffiup ilaani allami akilersinniarnejarsinnaapput maleruagassat tassani atuuttut naapertorlugit. Pillaasarnermik inatsimmi § 55 taamatuttaaq atuutissaqaq pillaatip allanngortinneqarnissaanik aalajangersaer- mut tunngatillugu.

*Imm. 2.* Akiliisitsissutit naalagaaffeqatigiiffiup ilaani allami aalajangersarnejarsimasut Kalaallit Nunaanni akilersinniarnejarsinnaapput maleruagassat tassani atuuttut naapertorlugit. § 128, imm. 4 taamatulli atuutissaqaq.

**§ 255.** Nakkutiginninneq aamma tamatumunnga atatillugu piumasarineqartut, naalagaaffeqatigiiffiup ilaani ataatsimi aalajangersarnejarsimasut, naalagaaffeqatigiiffiup ilaata appaanut nuunnejarsinnaapput. Tamanna pillugu aalajangiisuuussaaq inatsiseqarnermut ministeri imaluunniit inuk taassuma taamaaliornissamut piginnaaniligaa. Inatsiseqarnermut ministeri nakkutiginninnerup ingerlannejarnissaa pillugu erseqqinnerusumik aalajangersaasinnaavoq.

*Imm. 2.* Nakkutiginninneq Kalaallit Nunaanniit naalagaaffeqatigiiffiup ilaanut allamut nuunnejarpot, eqqartuussisummik imaluunniit aalajangiissummi aalajangikkanik allannguinissamut aamma aalajangikkanik sumiginnaanermi inatsisitigut kinguneritinnejartartunut tunngatillugu pillaasarnermik inatsimmi maleruagassat atuutissapput. Taamatorpiaq pinerluttulerinermi inatsimmi maleruagassat atuutissapput, nakkutiginninneq Kalaallit Nunaannut nuunnejarpot.

*Imm. 3.* Pineqartoq nakkutigineqarnermi imaluunniit misiligaaffimmi nalaani inatsisinik unioq-qutitseqqippat aalajangersakkat imm. 2-miittut taamatulli atuutissapput, naak nakkutilliineq imm. 1 malillugu nuunnejanngikkaluartorluunniit.

**§ 256.** Inatsiseqarnermut ministeri imaluunniit inuk ministerip taamaaliornissamut piginnaatitaa aalajangiisinnavaoq inuit Kalaallit Nunaanni najugaqartut nunaqartulluunniit naalagaaffeqatigiiffiup ilaani allami parnaarunnejarnissamut eqqartuunnejarsimasut Kalaallit Nunaanni parnaarussaanerminnik naammassinniniaassasut. Taamatut pisoqartillugu pillaat inissiisarfimmot inissiinngortinneqassaaq

eqqartuussisummi aalajangikkap sivisoqataanik. Taamaattoqassaartaaq eqqartuussaq Kalaallit Nunaanniissimappat naammassinninnissallu Kalaallit Nunaanni pinissaa naleqquttuusorineqarpat.

**§ 257.** Inatsiseqarnermut ministeri aalajangiisinnaavoq inissiisarfimmiittussanngortitsilluni eqqartuussissut naalagaaffeqatigiiffiup ilaani allami naammassineqassasoq, eqqartuussaq tamaani najugaqarpat nunaqarpalluunniit. Taamatut pisoqartillugu pineqaatissiissut parnaarussaaninngortinneqassaaq piffissami eqqartuussisummi aalajangikkap sivisoqataanik. Taamaattoqassaartaaq eqqartuussaq naalagaaffeqatigiiffiup ilaani allamiissimappat naammassinninniaanerullu tamaani pinissaa naleqquttuusorineqarpat.

**§ 258.** Inatsiseqarnermut ministeri imaluunniit inuk ministerip taamaaliornissamut piginnaatitaa aalajangiisinnaavoq inuit Kalaallit Nunaanni najugaqartut nunaqartulluunniit naalagaaffeqatigiiffiup ilaani allami immikkut paarisassanngortinneqarsimasut Kalaallit Nunaanni pineqaatissiissumminnik naammassinninniaassasut. Taamaattoqassaartaaq eqqartuussaq Kalaallit Nunaanniissimappat naammassinninniaanerullu Kalaallit Nunaanni pinissaa naleqquttuusorineqarpat.

**§ 259.** Inatsiseqarnermut ministeri aalajangiisinnaavoq immikkut paarisassanngortitsilluni Kalaallit Nunaanni eqqartuussissut naalagaaffeqatigiiffiup ilaani allami naammassineqassasoq, eqqartuussaq tamaani najugaqarpat imaluunniit nunaqarpat. Taamaattoqassaartaaq eqqartuussaq naalagaaffeqatigiiffiup ilaani allamiissimappat naammassinninniaanerullu tamaani pinissaa naleqquttuusorineqarpat.

**§ 260.** §§ 256 – 259 malillugu aalajangiinerit eqqartuussivimmut misilitsitassatut tunniunneqarnissaat eqqartuussap piumasarisinnaavaa, aalajangiinerup eqqartuussamut nalunaarutigineqarneranit sapaatit akunneri sisamat qaangiutsinnagit. Noqqaassut oqartussaasumut nuutsitsinissamik aalajangiisimasumut saqqummiunneqassaaq.

*Imm. 2.* Eqqartuussivimmi misiliisitsinissamut noqqaassut naammassinninniaanerup aallartinnisanut nanginnejarnissaanulluunniit akornutaassanngilaq, taamaassallunili tamanna eqqartuussisuusut aalajangerpassuk.

*Imm. 3.* Suliassaq tunniunneqassaaq eqqartuussisoqarfimmi oqartussaasup aalajangiisimasup inissisimaffigisaani eqqartuussivimmut. Suliassaq suliarineqassaaq pinerlunnernik suliassat suliarineqartarnerat pillugu aalajangersakkat eqqartuussisarnermik inatsimmi immikkoortoq V-imiittut malillugit. Eqqartuussisuusut aalajangiinerat tunngavilersukkamik aalajangiinerussaaq. Suliassanik Kalaallit Nunaanni Eqqartuussivimmut innersuussisarneq pillugu Eqqartuussisarnermik inatsimmi § 56 taamattutaaq atuutissaaq.

## Kapitali 47

### *Pineqaatissiissutit atorunnaarsitaasarnerat*

**§ 261.** Inissiisarfimmiittussanngortitsilluni nakkutigisassanngortitsillunilu eqqartuussissut, tak. § 144, aamma inissiisarfimmiittussanngortitsilluni eqqartuussissut, tak. § 146, atorunnaassaaq ukiut tallimat qaangiuppata, taamaassananili naammassinninniaaneq tamanna sioqquillugu aallartissimappat. Piffissaritarli unnerluussisussaatisitaasuniit noqqaassuteqarneq naapertorlugu eqqartuussisuusunit sivitsorneqarsinnaavoq.

*Imm. 2.* Akiliisitsissut ukiut pingasut qaangiuppata atorunnaassaaq, tamanna sioqquillugu naammassineqarsimanngikkuni. Taamaattorli 3.000 koruunit sinnerlugit akiliisitsissutinut piffissarititaq ukiunik tallimanik sivisussuseqarpoq.

*Imm. 3.* § 128, imm. 4 naapertorlugu inissiisarfimmiittussanngortitsineq piffissarititat imm. 2-mi

taaneqartut qaangiunneranni atorunnaassaaq, taamaassananili nammassinninnissaq tamanna sioqqullugu aallartissimappat.

*Imm. 4.* Arsaarinninneq ukiut tallimat qaangiunnerini atorunnaassaaq, taamaassananili nammassinninnissaq tamanna sioqqullugu aallartissimappat. Piffissaritarli unnerluussisussaatitaasuniit noqqaassuteqarneq naapertorlugu eqqartuussisuusunit ukiut qulit tikillugit sivitsorneqarsinnaavoq.

*Imm. 5.* Pisoqalisoornissamut piffissarititat imm. 1, 2 aamma 4-miittut naatsorsorneqassapput piffissamiit aalajangiinerup inatsisini maleruagassat nalinginnaasut malillugit naammassineqarsinnaalerfianiit. Piffissarititanut ilanngullugu naatsorsorneqanngilaq piffissaq, piumasaqaasiinikkut saamamaassaanikkut naammassinniniaanerup kinguartinneqarsimaffiani atugaq. Imm.1 malillugu pisoqalisoornissamut piffissarititamut ilanngullugu naatsorsorneqanngilaq piffissaq, eqqartuussap pinerluttulerinermi inatsisitigut malitseqartitsinermik kiffaanngissusiiagaanertut ittumik atugaqarfia.

*Imm. 6.* Misiligummik iperagaanerup kingorna imaluunniit pineqaatissiissutip ilaanut piumasaqaasiinikkut saammaassaanerup kingorna inissiisarfimmumt inisseeqqinnissaq pillugu aalajangiisqarpat, pineqaatissiissutip sinneranut pisoqalisoornissamut piffissarititaq naatsorsorneqassaaq inisseeqqinnissamik aalajangiinermiit. Naammassinninnissaq misiligummik iperagaanermiit imaluunniit saammaassaanermiit allaanerusumik unitsikkallarneqarpat piffissarititaq unitsitsigallarnermiit naatsorsorneqassaaq.

**§ 262.** Pineqaatissiissutit naammassineqarsinnaanngillat eqqartuussap toqunerata kingorna.

*Imm. 2.* Aammattaaq unnerluussisussaatitaasut arsaarinninnerup attatiinnarneqarnissaa pillugu apeqqut eqqartuussivimmumt saqqummiussinnaavaat. Arsaarinninneq taamaallaat attatiinnarneqarsinnaavoq pineqarpata pigisat imaluunniit aningaasat, pinerlunnermi pissarsiaineqarsimasut imaluunniit pissarsiat taamaattut assingi. Eqqartuussisuusut arsaarinninnermiit aalajangiineq allanngortissinnaavaat, taamaalilluni pigisanut taarsiullugu aningaasat arsaarinnissutaillugit.

**§ 263.** Akiliisitsissutinut, arsaarinninnernut aamma inissiisarfimmittussanngortitsilluni eqqartuussissutinut tunngatillugu saammaassisooqarsinnaavoq.

### Kapitali 47a

*Napparsimasut pinerluttulerinermi inatsit tunngavigalugu inissinneqarsimasut*

**§ 263a.** Inatsiseqarnermut ministeri malittarisassiorsinnaavoq tarnimikkut nappaatilinnik nammineersinnaajunnaarsitsineq allatigullu pinngitsaaliisummik iliuuseqarneq pillugu inatsisartut inatsisaata, tarnimikkut napparsimasunut inissiisarfimmittunut qanoq atorneqarsinnaanersoq pillugu, eqqartuussivimmi pinerluttulerinermi inatsit tunngavigalugu aalajangikkamut atatillugu.

### Immikkoortut sisamaat

**Aalajangersakkat allat, atortuutilersitsineq il.il.**

### Kapitali 48

*Aalajangersakkat allat*

**§ 264.** Inatsiseqarnermut ministeri malittarisassiorsinnaavoq Kalaallit Nunaata ilaani aalajangersimasumi angallannermut akuersissuteqartarneq aamma piumasarisat pillugit, matumani ilanngullugu sermersuarmi, Kalaallit Nunaata avannaani-kangiani nunami eqqissisimatitami kisalu sakkutooqarfinnut sakkutooqarfinniillu angallannerit, Kalaallit Nunaata illersorneqarnissaa pillugu Qallunaat Nunaata

Amerikamilu Naalagaaffeqatigiit akornanni isumaqatigiissut 27. april 1951-meersoq kingusinnerusuk-kullu allannguutitalik tunngavigalugu.

*Imm. 2.* Najoqqutassiani aalajangersakkanik, imm. 1 malillugu aalajangersarneqarsimasunik, pi-aaraluni imaluunniit mianersuaalliorluni unioqqutitsinermut § 119 naapertorlugu pineqaatissiissute-qarnissaq pillugu malittarisassiorqarsinnaavoq.

*Imm. 3.* Inatsiseqarnermut ministeri malittarisassiorsinnaavoq piffinni imm. 1-imi taaneqartuni angalanissamut akuerineqarnissamik qinnuteqaatit pillugit suliassat suliarineqarnerannut akiliuteqartarnissaq pillugu.

»**§ 264 a.** Manna inatsit malillugu, inatsimmi matumani aalajangersagaasuni imaluunniit aalajangigassani manna inatsit malillugu pisortanit aalajangerneqartuni pisortanut pisussaaffinnik aammalu namminersortut pisortanut pisinnaatitaaffiinik saneqqutsisinnaaneq pillugu, justitsministeri maleruagassanik aalajangersaasinnaavoq, pisuni tulliuttuni:

- 1) Maani naalagaaffimmi nalinginnaasumik nappaammik ulorianartumik pinaveersaartitsinissamut imaluunniit siaruatsaaluiuinissamut saneqqutsinissaq pisariaqartillugu.
- 2) Maani naalagaaffimmi nalinginnaasumik nappaammik ulorianartumik pinaveersaartitsinissamut imaluunniit siaruatsaaluiuinissamut suliniutit kingunerisaannik saneqqutsinissaq piumasaqaataatillugu, aammalu pisussaaffiit aamma pisinnaatitaaffiit pineqartut matumunnga atatillugu annikinnerusutut isumalittut isigisariaqarnerini.
- 3) Maani naalagaaffimmi nappaammik nalinginnaasumik ulorianartumik pinaveersaartitsinissamut imaluunniit siaruatsaaluiuinissamut pisariaqarsimasut iliuusissat kingunerisaannik pineqartut pisussaaffiit aamma pisinnaatitaaffiit naammassinissaat ajornarsippat imaluunniit sanilliullugu ajornakusuulerpat.

## Kapitali 49

*Atortuulersitsineq il.il.*

**§ 265.** Inatsit atortuulersinneqarpoq ulloq 1. januar 2010.

**§ 266.** Pineqaatissiissutinik atuinissaq pillugu maleruagassat, inatsisini aalajangersakkani lu allani ulloq 1. januar 2010 sioqqullugu aalajangersarneqartut, atuutiinnassapput. Taamaattorli ullup pineqartup kingornatigut pineqaatissiissutissat, inatsimmi matumani eqqartorneqartut, kisimik pineqaatissiissutigineqarsinnaapput. Pineqaatissiissutit atorneqassapput inatsisip kapitaliini 1-6-imi aamma 24-47-mi malittarisassat naapertorlugit.

*Imm. 2.* Inatsit, parnaarussivimmi inissiinissamut periarfissiisoq, Kalaallit Nunaanni atuutsinneqarluni atorneqarsinnaatitaalerpat pineqaatissiissutit, inatsimmi matumani eqqartorneqartut, parnaarus-sivimmut inissiinissaraluamut taarsiullugit atorneqassapput.

---

Inatsit nr. 572, 10. maj 2022-imeersoq (Politiit pillugit aaqqissuusseqqinnermik, politiinik naammagittaalliuutiginnissinnaanermik nutaamik aaqqissuusseqqinnermik pilersitsineq, kinguaassiuutitigut pilernluttuliortartunut kajumissuseqalersitsinissamut Nuummi inissiisarfimmi inissat katsorsaanermut atugassat pilersinneqarnerat, ukiukitsunik pinngitsaaliinermi pineqaatissiisarnerup qaffanneqarnera, pilernnernit eqqugaasut il.il. inatsisitigut inissisimanerisa pataajaallisarneqarnerat)<sup>1</sup> atuutilersitsineq-aamma ikaarsaariarnermi aalajangersakkamik tulliuttumik imaqrarpoq:

*Imm. 1.* Inatsit ulloq 1. juli 2022 atuutilissaqq, taamaattoq imm. 2 takuuq.

*Imm. 2.* Inatsimmi matumani § 1, nr. 1-miit 2 ilanngullugu, § 1, nr. 4-imiiit 9 ilanngullugu, § 1, nr. 11-imiiit 22 ilanngullugu, § 1, nr. 24-imiiit 33 ilanngullugu, § 2 nr. 2, § 2, nr. 17, aamma §§ 3-miit 6 ilanngullugu ulloq 1. januar 2023 atuutilissapput.

*Imm. 3.* Kalaallit Nunaanni politiini sulisuuusut pillugit naammagittaalliuutinik aamma taakku pillugit pinerluttulerinermi suliassanik suliarinnitarneq pillugu inatsit nr. 905, 16. december 1998-imeersoq ulloq 1. januar 2023 atorunnaarsinneqassaaq.

*Imm. 4.* Inatsimmik allanngorneri ilanngullugit nalunaarutiginnineq 1045, 7. september 2017-imeersumi pinerluttulerinermi inatsimmi § 215, imm. 3 malillugu malittarisassat aalajangersarneqartut atorunnaarsinneqarnissamik tungaannut imaluunniit pinerluttulerinermi inatsimmi § 215, imm. 4, inatsimmi matumani oqaasertalerneqartoq malillugu malittarisassanik atulersinneqartunit taarserneqarnissamik tungaannut atuutissapput.

## § 8

*Imm. 1.* Unnerluussisussaatitaasunit aalajangiinerit naammagittaalliuutigineqarnerat pillugu suliarinnitarneq pillugu inatsimmi § 1, nr. 4-imi aamma nr. 12-imi, § 2, nr. 2-mi, aamma § 4-imi aalajangersakkat, inatsisip atuutilersinneqarnerata kingorna aalajangiiffigineqartunut atuutissapput.

*Imm. 2.* Tamatumuuna inatsisip atuutilinnginnerani piumasaqaat pillugu aalajangiisoqarsimatinngu, inatsisip § 1, nr. 25-imiiit 30 ilanngullugu taartisiassat pillugit suliassanut atuutissapput.

*Imm. 3.* Politiini sulisut aamma politiini sulisunit pinerluttuliornerit isigineqartut pillugit naammagittaaliutit pillugit suliassat, ulloq 1. januar 2023 ingerlasut, inatsit manna malillugu naammassillugit suliarineqassapput. Taamaattoq suliat ingerlasut politidirektørip aamma Politiit pillugit naammagittaalliuuteqartarfiup akornanni oqaloqatigiinnerup kingorna, politidirektørimit maannamut aalajangersakkat atuuttut malillugit naammassillugit suliarineqarsinnaapput.

*Imm. 4.* Sulianut ingerlasunut aamma pinerluttoqarsimaneranik paasiniaanernut, nammineq aallartinneqartunut imaluunniit Kalaallit Nunaanni politiini sulisut pillugit naammagittaaliutit pinerluttulerinermillu suliat pillugit inatsimmi pilersinneqartumi § 17, imm. 2 maannamut atuuttoq malillugu, taamatuttaaq imm. 3-mi aalajangersagaq atuutissaqq.

*Imm. 5.* Naammagittaaliutit, 1. januar 2023-iutinnagu aalajangiiffigineqarsimasut, aamma imm. 3 aamma 4 malillugit maannamut malittarisassat atuuttut malillugit aalajangiiffigineqarsimasut pillugit naammagittaaliutit, malittarisassat maannamut atuuttut malillugit suliarineqassapput.

*Imm. 6.* Imm. 3-miit 5 ilanngullugu maannamut malittarisassat atuuttut malillugit suliarineqartut, Kalaallit Nunaanni Politiit pillugit Naammagittaalliuuteqartarfimmi maannamut ilaasortaat naammassillugit suliarisinnaavaat.

---

Inatsit nr. 414, 25. april 2023-imeersoq (Akuersissuteqaqqaarnissamik tunngavilimmik pinngitsaaliilluni atoqateqarneq, pinerluttulerinermi eqqartuussisarnermi digitalimik attaveqaatinik atuineq, suliassat nassuernertut suliarineqartut, najuutinngitsoornermi eqqartuussutit, eqqartuussisut aamma najukkani eqqartuussisut tunuartussaataanerannut ukioritinneqartut il.il. aamma Kalaallit Nunaanni kingornussisarnermik kingornussassanillu agguasarnermik inatsisiliornerup)<sup>2)</sup> nutarterneqarnerat tulliuttunik atuutilersitsineq- aamma ikaarsaariarnermi aalajangersakkamik tulliuttumik imaqarpoq;

## § 7

*Imm. 1.* Inatsit ulloq 1. juli 2023 atuutilissaaq, taamaattoq imm. 2 takuuk.

*Imm. 2.* Inatsisip § 2, nr. 4-ata, 6-iata aamma 8-ta, aamma §§ 4-miit 6 ilanngullugu piffissaq atuutilerfissaat Inatsiseqarnermut ministerip aalajangersassavaa.

*Imm. 3.* Pinerluttulerinermik suliani, taakkunani inatsisip atuutilinnginnerani unnerluunneqartumut aggeqqussut nalunaarutiginnissutigineqarsimallu, inatsisip § 2, nr. 16-ianit 18 ilanngullugu atorneqassanngillat. Pinerluttulerinermik suliat taamaattut malittarisassat maannamut atuuttut malillugit suliarineqassapput.

*Imm. 4.* Inatsisip atuutilinnginnerani eqqartuussisarnermik inatsimmi § 453, imm. 3 malillugu najuutinngitsoornermi eqqartuussut eqqartuussutigineqarsimatillugu inatsimmi § 2, nr. 21 pinerluttulerinermik suliani atorneqassanngilaq. Pinerluttulerinermik suliat taamaattut malittarisassat maannamut atuuttut malillugit suliarineqassapput.

*Imm. 5-6.* (Ilanngunneqassanngillat)

---

Kalaallit Nunaanni pinerluttulerinermi aamma Kalaallit Nunaanni eqqartuussisarnermik inatsisip allanngortinneqarnissaat pillugu inatsisip Inatsit nr. 1782, 28. december 2023-imeersoq (Tarnikku tukuuserfigineqarneq pillugu aalajangersagaq immikkoortoq)<sup>3)</sup> nutarterneqarnerat tulliuttunik atuutilersitsineq- aamma ikaarsaariarnermi aalajangersakkamik tulliuttumik imaqarpoq:

## § 7

Inatsit ulloq 1. januar 2024 atuutilissaaq.

---

Kalaallit Nunaanni pinerluttulerinermi aamma Kalaallit Nunaanni eqqartuussisarnermik inatsisip allanngortinneqarnissaat pillugu inatsisip Inatsit nr. 411, 23. februar 2024-imeersoq (Digitalimik kanngunarsaanerit akiorneqarnissaannut suliniutit, tassunga ilagitillugit isumapiloqarneq tunngavigalugu tatiginnilersitsiniaanerup (grooming) inerteqqutaanera, meeqqamik atoqateqarnerup pinngitsaaliinermut naligiissinneqarnera, pinngitsuusaarluni atoqateqarneq, upperisarsiortut aqutsisuisa atoqateqarniarlutik upperisaminnik pinngitsuisinnaanngitsunik atornerluineri il. il.)<sup>4)</sup> nutarterneqarnerat tulliuttunik atuutilersitsineq- aamma ikaarsaariarnermi aalajangersakkamik tulliuttumik imaqarpoq:

## § 3

Inatsit ulloq 1. januar 2024 atuutilissaaq.

---

Kalaallit Nunaanni eqqartuussisarnermik inatsisip, Kalaallit Nunaanni pinerluttulerinermi inatsisip, qularnaveeqqusisarneq pillugu Kalaallit Nunaannut inatsisip aamma appariinnerup inatsisitigut sunniuteqarnera pillugu inatsisip Kalaallit Nunaannut atuutilersinneqarsimasut allanngortinneqarneri pillugit Inatsit nr. 200, 25. februar 2025-imeersoq (Eqqartuussivinnut 2024-imiit 2027 ilanngullugu ukiunut arlalinnut isumaqtigisiutip ilaanik naammassinninneq)<sup>5)</sup> nutarterneqarnerat tulliuttunik atuutilersitsineq- aamma ikaarsaariarnermi aalajangersakkamik tulliuttumik imaqarpoq:

## § 5

*Imm. 1.* Inatsit ulloq 1. marts 2025 atuutilissaaq, taamaattoq imm. 2 takuuk.

*Imm. 2.* (Ilanngunneqassanngillat)

*Imm. 3* Inatsimmik allanngorneri ilanngullugit nalunaarutiginninnej nr. 1187, 18. september 2023-imeersumi pinerluttulerinerimi inatsimmi § 163, imm. 3 malillugu malittarisassat aalajangersarneqartutatorunnaarsinneqarnissamik tungaannut imaluunniit pinerluttulerinerimi inatsimmi § 163, imm. 4, inatsimmi matumanit § 2 nr. 1-imi oqaasertalerneqartoq malillugu malittarisassanik atulersinneqartunit taarserneqarnissamik tungaannut atuutissapput.

---

Kalaallit Nunaanni eqqartuussisarnermik inatsisip, Kalaallit Nunaanni pinerluttulerinerimi inatsisip, qularnaveeqquisiarneq pillugu Kalaallit Nunaannut inatsisip aamma appariinnerup inatsisitigut sunniuteqarnera pillugu inatsisip Kalaallit Nunaannut atuutilersinneqarsimasut allanngortinneqarneri pillugit Inatsit nr. 200, 25. februar 2025-imeersoq (Eqqartuussivinnut 2024-imiit 2027 ilanngullugu ukiunut arlalinnut isumaqtigiiusutip ilaani naammassinnineq<sup>5)</sup>) nutarterneqarnerat tulliuttunik atuutilersitsineq- aamma ikaarsaariarnermi aalajangersakkamik tulliuttumik imaqrpoq:

## § 3

Inatsit ulloq 1. marts 2025 atuutilissaaq.

*Inatsiseqarnermut ministereqarfik, ulloq 7. juli 2025*

Peter Hummelgaard

/Niels Dam Dengsøe Petersen

<sup>1)</sup> § 20, imm. 2, § 21, imm. 6, oqaaseqtigiiinni siullerni, § 22, imm. 1, imm. 2, oqaaseqtigii aappaanni, aamma imm. 3, § 77, imm. 3, § 90, imm. 3 aamma 5, § 98, imm. 2, § 111, imm. 1, § 111a, § 120, § 135, imm. 1, nr. 3, § 145, imm. 1, oqaaseqtigiiinni siullerni, Immikkortut aappaanni quleuttaasumi, § 168, imm. 1, nr. 2, § 177, imm. 1, § 195, imm. 2, § 196, imm. 2, nr. 4-6, § 215, imm. 3 aamma 4, § 221 a, § 223 sioqqullugu quleuttami, § 223 a, § 225 sioqqullugu quleuttami, § 225 imm. 1-3 aamma 5-6, § 226, nr. 4 aamma 5, § 227, imm. 2, nr. 4 aamma 5, § 240 imm. 1 aamma 2, aamma § 241 a inatsimmik allannguineq tunngassuteqarpoq.

<sup>2)</sup> § 77, imm. 1 og 2, aamma § 79-mut inatsimmik allannguineq tunngassuteqarpoq.

<sup>3)</sup> § 88 a inatsimmik allannguineq tunngassuteqarpoq.

<sup>4)</sup> § 77, imm. 1, oqaaseqtigii aappaanni, aamma imm. 2, oqaaseqtigii aappaanni, § 78, imm. 2, oqaaseqtigii aappaanni, § 80, imm. 2, § 81 a, § 82, imm. 1, § 82 a, § 85, imm. 1-4, aamma § 93, imm. 1 aamma 2-mut inatsimmik allannguineq tunngassuteqarpoq.

<sup>5)</sup> § 163, imm. 3.-mut inatsimmik allannguineq tunngassuteqarpoq.

<sup>6)</sup> § 21, imm. 5, § 22, imm. 5, § 88 b, § 95 a, § 99, imm. 5 aamma 6, § 99 a, § 160 a aamma § 262, imm. 2.-mut inatsimmik allannguineq tunngassuteqarpoq.